



2340h. II. B. g





OTAWA



Anamie-Misinaigan.

Mojag taanamiam, ka wika tadebenimossim; giikitogo-
ba Jesos.—Luc. 18, 1.

WAWIYATANONG :

GEO. L. WHITNEY, OGIMISINAKISAN MANDA MISINAIGAN,

1832.

1.11110

1.11110

1.11110

Inv. 030004131

OTAWADIG NINIDJANISSIDIG :—

Kitiji nagatisimiwaba aondinamegoba Moniang anamie—misinaiganan, anamie—nagamowinan gaie, anich dach kawi weweni ki ginissitotasinawan, iwi aodichkwagamimomagak ; kadach wi nongo kiga iji sanagisissim, mecate—okwanaie mojag kigawidabimigowa, midach jaie tchi daniieg anamie—misinaiganan, anamie—nagamowinan gaie keotawa—wissingin, weweni dach nongo ki ganissitotawan.

Ajonda misinaiganing kakina atenon anamiewinan minik waiji aiowad enamiadjig. Katechim gaie ate, mi ajiwi enamiadjig tchi makamowad Jesos odijitwawin. Kakina anamiewinan, Katechim gaie ajonda misinaiganing etegin gwaiak otawa—wissinon ; nagamowining dach keiabi pangichen kinigissin odichkwagamimowin, ka dagigachkitossim tchi gimigosseg inanamowining, kakina otawa—wissitongiba ; anawi dach wiwi otawag gwaiak oganissitotawan.

Angwamisig, ninidjanissidig ! enamiaiego, negamoiego gaie inendamog keikitieeg, gwaiak tchiwi nissitotosoieg.

NIN FREDERIC BARAGA,

Mekate-okwanaie,

10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100
101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200
201
202
203
204
205
206
207
208
209
210
211
212
213
214
215
216
217
218
219
220
221
222
223
224
225
226
227
228
229
230
231
232
233
234
235
236
237
238
239
240
241
242
243
244
245
246
247
248
249
250
251
252
253
254
255
256
257
258
259
260
261
262
263
264
265
266
267
268
269
270
271
272
273
274
275
276
277
278
279
280
281
282
283
284
285
286
287
288
289
290
291
292
293
294
295
296
297
298
299
300
301
302
303
304
305
306
307
308
309
310
311
312
313
314
315
316
317
318
319
320
321
322
323
324
325
326
327
328
329
330
331
332
333
334
335
336
337
338
339
340
341
342
343
344
345
346
347
348
349
350
351
352
353
354
355
356
357
358
359
360
361
362
363
364
365
366
367
368
369
370
371
372
373
374
375
376
377
378
379
380
381
382
383
384
385
386
387
388
389
390
391
392
393
394
395
396
397
398
399
400
401
402
403
404
405
406
407
408
409
410
411
412
413
414
415
416
417
418
419
420
421
422
423
424
425
426
427
428
429
430
431
432
433
434
435
436
437
438
439
440
441
442
443
444
445
446
447
448
449
449
450
451
452
453
454
455
456
457
458
459
460
461
462
463
464
465
466
467
468
469
470
471
472
473
474
475
476
477
478
479
480
481
482
483
484
485
486
487
488
489
490
491
492
493
494
495
496
497
498
499
500
501
502
503
504
505
506
507
508
509
510
511
512
513
514
515
516
517
518
519
520
521
522
523
524
525
526
527
528
529
530
531
532
533
534
535
536
537
538
539
540
541
542
543
544
545
546
547
548
549
549
550
551
552
553
554
555
556
557
558
559
559
560
561
562
563
564
565
566
567
568
569
569
570
571
572
573
574
575
576
577
578
579
579
580
581
582
583
584
585
586
587
588
589
589
590
591
592
593
594
595
596
597
598
599
599
600
601
602
603
604
605
606
607
608
609
609
610
611
612
613
614
615
616
617
618
619
619
620
621
622
623
624
625
626
627
628
629
629
630
631
632
633
634
635
636
637
638
639
639
640
641
642
643
644
645
646
647
648
649
649
650
651
652
653
654
655
656
657
658
659
659
660
661
662
663
664
665
666
667
668
669
669
670
671
672
673
674
675
676
677
678
679
679
680
681
682
683
684
685
686
687
688
689
689
690
691
692
693
694
695
696
697
698
699
699
700
701
702
703
704
705
706
707
708
709
709
710
711
712
713
714
715
716
717
718
719
719
720
721
722
723
724
725
726
727
728
729
729
730
731
732
733
734
735
736
737
738
739
739
740
741
742
743
744
745
746
747
748
749
749
750
751
752
753
754
755
756
757
758
759
759
760
761
762
763
764
765
766
767
768
769
769
770
771
772
773
774
775
776
777
778
779
779
780
781
782
783
784
785
786
787
788
789
789
790
791
792
793
794
795
796
797
798
799
799
800
801
802
803
804
805
806
807
808
809
809
810
811
812
813
814
815
816
817
818
819
819
820
821
822
823
824
825
826
827
828
829
829
830
831
832
833
834
835
836
837
838
839
839
840
841
842
843
844
845
846
847
848
849
849
850
851
852
853
854
855
856
857
858
859
859
860
861
862
863
864
865
866
867
868
869
869
870
871
872
873
874
875
876
877
878
879
879
880
881
882
883
884
885
886
887
888
889
889
890
891
892
893
894
895
896
897
898
899
899
900
901
902
903
904
905
906
907
908
909
909
910
911
912
913
914
915
916
917
918
919
919
920
921
922
923
924
925
926
927
928
929
929
930
931
932
933
934
935
936
937
938
939
939
940
941
942
943
944
945
946
947
948
949
949
950
951
952
953
954
955
956
957
958
959
959
960
961
962
963
964
965
966
967
968
969
969
970
971
972
973
974
975
976
977
978
979
979
980
981
982
983
984
985
986
987
988
989
989
990
991
992
993
994
995
996
997
998
999
999
1000

Odanosowining Weossimind gaie We-gossimind gaie Wenijichit-Manito, Apeingi.

WAWIIAWAMADA KIJE-MANITO.

Misode gego netawiton Kije-Manito egon, kin gegeti apitchi debenimiiang ! ki wawiiawaminimi kaganawenimiiang nongo tibikong ; (nongo agigijigak;) kagini jawenimichinang ; kagini ki gababamitonimi keako bimadisiwange.

ANWENINDISODA.

Bonigidetawichinang kaiji batadiiang ; gegeti ni jingendana ni matchi ijiwebisiwinina, kawi minawa nin gawidissimi ; neiab jawenimiiang, meno ijiwebisin, neta—jawenimiiang. Kinaamaw jangenimiamind tchiwi bwa gego dodawiamind.

PAGIDINAMADISODA KIJE-MANITO.

Mi wendji pagidinamonang eji owiiawiiang gaie eji otchiibamiiang, debenimiiang ! kagini dibandan kedowange gaie minik kegitimagisiwange. Nin dibadisimi nande bakan kewi dibenindisoiang ; bejigwan pegosseniminang : tchi gwaiak osseiiang megwa abinadisiiang, gaie giniboiang wakwing tchi dagwichimiiang.

DEBWETAWADA KIJE-MANITO.

Kije-Manito, debenimiiang ! kakina kaakin noamagoiang eji anamiaiang, kin giikitowamba, mi kakina wendji debwetamang.

APENIMODA KIJE-MANITO.

Kije-Manito, debenimiiang ! ondjita gegeti ki biininimi tchi widokawiiang gwaiak tchi iji bimadisiiang ajonda aking, kagini gaie wakwing tchi minawasiiang.

SAGIADA KIJE-MANITO.

Kije-Manito, debenimiiang ! ondjita ki kit-chitwa-wendagos, ondjita gaie ki sagiigo, mi wendji sagiinang awachime kakina gego ejiewbag. Ni sagiananig gaie kakina anichina-

beg kin ondji ; epitchi sagiidisoiang mi epitchi sagiangidwa.

Nossina wakwing ebiian. Apegich kitchitwa-wendaming kitanosowin. Anagosiian apegich abiiang. Ki babamitago wadibi wakwing apegich gaie babamiton ajonda aking. Non-go agijigak mijichinang kemitchiiang, mechigwam gaie gajigaki mijichinang. Bonigideta-wichinang gego kaiji nichkiinangi, eji bonigidetawangid awia gego kaiji nichkiiamindji. Kinaamawichinang wabatadiangi. Atchitchai ininamawichinang maianadag waodissikagoangi. Apeingi.

Kitanamikon Marie, moachkinechkagoian anamie-onijichiwin, ki babaganawenimig misode gego kagijitod, awachime eji sagiindwa kidj' akweg awachime kisagiigo ; misode gaie kitchitwa-wendagosi kigwiss Jesos enind. Kitchitwa Marie, Kije-Manito wegossiian ! gaganodamawichinang keako bimadisiwange, gaie wi niboiang gaganodamawichinang. Apeingi.

Nin debwetawa bejigo Kije-Manito Weos-simind misode gego netawitod, wakwi kagijitod, aki gaie kagijitod. Nin debwetawiman gaié ogwissan ondjita bejigo Jesos Christ nin dibaiganina ; Wenijichinidjin-Maniton ogianichinabewiigon Mariian gagangowinidjin, mi aniwi kanigiigodjin ; ogimawigoba Ponce Pi-

late enawindibane opi gwedagiind Jesos, midach agibadakakoond tchibaiatigong, midach aginissind, aginangwaond ; anamakamig agipindiged, wanisso gijigadinig giabitchiibaidiso ; midach wakwing agijjad, midach anamadabid odebani nikaning ossan Kije-Maniton misode gego netawitonidjin, neiab wakwing tabiondjiba tabija ajonda aking, tchi bidibakonad kakina anichinaben bemadisinidjin gaie nebonidjin. Nin debwetawa Wenijichit-Manito ; enigokwag aki tewag enamiadjig, anamiewidokodadiwag ketchitwawendagosidjig ; agassiigadeg batadowinan ; taabitchiibag kakina anichinabeg eji owiiassiwad ; kagini gaie tabimadisig. Mi daiebwtama.

Ni windamowa Kije-Manito misode gego netawitod, kitchitwa Marie, kagini gagangowid, kitchitwa Michel, ketchi anjeniwid, kitchitwa Jean-Batiste, kitchitwa Pierre gaie Paul, Jesos kaanonagobanenan, kakina wakwing endadjig, gaie kin nosse, kiwindamon : osam agibatadiia, agibatainendama, agibataweia, agibatadodama gaie ; nin nindindowin, nin nindindowin, nin ninkitchi indindowin. Mi wendji mamandomagwa kitchitwa Marie, kagini gagangowid, kitchitwa Michel, ketchi anjeniwid, kitchitwa Jean-Baptiste, kitchitwa Pierre gaie Paul, Jesos kaanonagobanenan,

kakina wakwing endadjig, tchi gaganodamawi-wad, gaie kin nosse, gaganodamawichin.

ANWENINDISOWIN.

Kije-Manito, nosse! ondjita nind anwenindis aginichkiina agibatadiia; ondjita ki kitchitwa-wendagos, mi wendji jingendama kakina ni matchi ijiwebisiwin, awachime kakinna ejiwebak; kawi gego nind iji jingendasin, eji jingendama ni matchi ijiwebisiwin, kin ondji, epitchi onijichiian, epitchi gaie sagiigoian: jawenimichin, gassiamawichin Jesos odanosowining ondji. Nin gigijendam tchiwi bwa minawa batadiia; widokawichin, jawenimichin, ka minawa nin gawidissi; keine-nimiwane mi kagini gediia.

KIJE-MANITO ODIKITOWIN AMIDATCHING.

1. Misode gego kagijitod Kije-Manito enind kiga bejigo gwanwadjia, enigokodeen kiga bejigo sagia.
2. Kawi anich Kije-Manito ki gawawnassi.
3. Gijig ki gagwanwadjiton abwa anokiwi-nagak.
4. Ki nikigog ki gababamitawag, ginoenj tchiwi bimadisiian ajonda aking.
5. Ka awia ki ganissassi.

8. Kego babamenimiiege bwaia widige-mad.

7. Ka ki gagimodissi.

8. Ka ki gaginiawichkissi.

9. Ka awia ki gamissawenimassi.

10. Ka gaie gego awia ki ga missawenda-mawassi.

**KITCHI MEKATE-OKWANAIEG ODIKITOWINIWA
ANIJWATCHING.**

1. Ki gaanamia enamessikéngi anamie-giji-gak, gaie dassing gwenwadjitaganwangi.

2. Weweni kigakopessew ganage ningoting endasso bibonagak.

3. Ki gakomuniw dassing wedjitchissegi agiabitchiibad Jesos.

4. Ki gagwanwadjitonan gwanwadjitaganan kaigong awi gwanwadjitong.

5. Ki gamakadeke nimidana dasso gwan abwa machi odjitchisseg agiabitchiibad Jesos, gaie dassing egong awi makadekeng.

6. Kego mitchike wiias tchibaiatigogijigak, ka gaie Mariegijigak.

7. Gego nitawigiton ki gaanamie-pagidinige, endodamowad enamiadjig.

Nind anjeniminadig ! kit anonigowa kit ogimamina Jesos tchi babawidjiwiang : babawidjiwichinang, kagini makawamichinang kaiji akinoamagoiang ; kagini kinaamag tchiwi

bwa ningodino dodawiamind jangenimiamind.

Kitchitwa Joseph ! kin memindage anichinabe aki genawendaman, ki giowenabamig Jesos, ki songeniminimi tchi gaganodamawiang. Ki sagiig Jesos, kaganawenimad aking, ki gababamitag tchi gaganodamawiiang.

Kitchitwa Michel, kin ketchi Anjeniwiaan ! kin kajagoiadiba manisiwinissi, widokawichinang gaie ninawi tchiwi jagojangid jangenimiamind.

Kin kawidj'jinikasomina gaganodamawichin ekinawabamina ejj anamiaia aking, kagini gaie wakwing tchi widigemina giniboa aking.

Menoabiieg wakwing, saiagiineg misode gego kagijitod, waiabameg, gaganodamawichinang tchi tetebichko minoabiiang wakwing.

ANGELUS.

Kije-Manito misode gego kagijitod odanjeniman ogibiwindamagon kitchitwa Marie, midach Wenijichinidjin-Maniton agibianichinabewiigod Jesos.—Kitanamikon Marie.

Nindibenimig misode gego kagijitod, ekitoian mi gediia.—Kitanamikon Marie.

Giowiiassiidiso Kije-Manito ogwissan agi wi tchidanakiminang.—Kitanamikon Marie.

Kitchitwa Marie, Kije-Manito wegossiian !

gaganodamawichinang tchiwi mijiamind kaiji wawindamawiamind Jesos.

Kije-Manito, debenimiiang ! ki mamando-minimi tchi onijichiiang eji otchiibamiiang ; ki gibianonaba kitanjenim tchi biwawindang awi anichinabewiidisod kigwiss Jesos enind ; midach kigwiss gigotagia, ginissa gaie tchibaitigong ninawi ondji ; mi wendji mamando-minang tchiwi mino abitchiibaiiang. Apeingi.

MEMORARE.

Kitchitwa Marie, gagangowiian ! neta-jaweningen, makawin : ka wika nondagwaniwasino, tchi giagonetawad kamamandomig tchi gaganodamawad. Gagangowiian maiamawi niganisiian ! wegachimina ! nin igaie, aiano kitchi batadiia, eji apenimoia kiiaw, ki binadjinijimin, ki binasikon aj'achkendama agibatadiia, ki biatchitchingwanigabawiton. Jesos we-gossimad ! kego webinange eji mamandomina ; jawendamitawichin gaie babamitawichin.

Kitchitwa Marie, wegachiminang ! kitchitwa Joseph ! gaganodamawichinang. Jesos, jawenimichinang ! Jesos, jawenimichinang ! Jesos, jawenimichinang ! Kakina wakwing endanakiieg, nadjigabawitawig Kije-Manito ondjita tchi gaganodamawiiang.

Misode gego kagijitod ! ki debweton, ki sa-giin, ki wilabamiton. Ni jingenda ni matchi.

ijiwebisiwin ; widokawichin tchi nibwakaia,
achpiming wakwing gaie tchi ijaia niboia
aking.

— Odanosowining Weossimind, etc.

Anamiewin abwa machi wissining.

Misode gego kagijiton ! onijichiton nongo
kemitchiiang, tchiwi mino anokitonang eji
otchiibamiiang, eji owiiawiiang gaie.

Anamiewin kaachkwa wissiningi.

Misode gego kagijiton ! ki wawiiyawaminimi
kaiji achamiiang. Songideechkawichinang
apine tchiwi babamitonang.

*Anamiewin ekitong pandigengi anamiewiga-
migong aodapinaming dach anamiewabo.*

— Odanosowining Weossimind, etc.

Kije-Manito, debeniihang i binitawichin
ninde, nin tchiibam gaie, tchiwi minwendami-

ina ajonda aking, giniboia dach wakwing tchiwi dagwichimiian.

Asperges.

Saswebigandawichin, debenimiiang ! nin gabinis ; ki siiabawajichin, awachime dach agon eji wabichkisid nin gaiji wabichkis.

Jawenimichin, Kije-Manito, kin neta-jaweningen.

Ketchitwa-wendagosid Weossimind gaie Wegossimind gaie Wenijichit-Manito : epitchi kitchitwa-wendagosigobane gaiat, gaie nongo, kagini gaie, apine apine gaie keiabi, missa kagini keingi.

Ki siiabawajichin, awachime dach agon eji wabichkisid nin gaiji wabichkis.

Anamiewin ekitong abwa anamessikewinagak.

Kije-Manito, nosse ! jawenimichin, weweni tchi anamiaia epitch anamessikewinagak ; weweni tchi gwanwadjiina, weweni gaie tchi wawiiawamina minik meno dodawian. Jawenimichin tchi anwenindisoia tchi ondji gassiamawian nin batadowinan, aj'apenimoia kigwiss Jesos odanimisiwin.

Anamiewinan ekitongin awebi anamessikewi-nagak.

— Odanosowining Weossimind, etc.

Kije-Manito, nosse ! nin gikitchi bataindind ; ka ganage nindapitendagosissi tchiwi inabiia wakwing, ka gaie ganage tchiwi gana-wabandama endaji anamessikeng, tchiwi gwan-wadjiina ; anich dach nin pagossendam ke-chitwa-wendagosidjig wakwing ebidjig tchiwi gaganodamaowad. Nin dach ki mamandomin, Kije-Manito, nosse ! tchiwi bonigideta-wiian, tchiwi mijian ki jawendjigewin ; jawen-nimichin, gassiamawichin ni batadowinan Jesus odanosowining ondji.

Niwindamowa Kije-Manito misode gego netawiton, kitchitwa Marie, kagini gagangowid, kitchitwa Michel, ketchi anjeniwid, kitchitwa Jean-Baptiste, kitchitwa Pierre gaie Paul, Jesus kaanonagobanenan, kakina wakwing endadjig, gaie kin nosse, kiwindamon : osam agibatadiia, agibatainendama, agibataweia, agibatadodama gaie ; nin nindindowin, nin nindindowin, nin ninkitchi indindowin. Mi wendji mamandomagwa kitchitwa Marie, kagini gagangowind, kitchitwa Michel, ketchi anjeniwid kitchitwa Jean-Baptiste, kitchitwa Pierre gaie Paul, Jesus kaanonagobanenan, kakina wak-

wing endadjig tchi gaganodamawiwad, gaie
kin nosse, gaganodamawichin.

Kirie eleison. Kirie eleison. Kirie eleis-
on. Christe eleison. Christe eleison. Christe
eleison. Kirie eleison. Kirie eleison. Kirie
eleison.

Gloria.

Ketchitwa-winind wakwing Kije-Manito,
aking dach wanakiwad menoinendangig. Ki-
je-Manito, nosse ! enigokodeeia ki sagiin, kin
nijike dibandan nin bimadisiwin. Jesos Christ,
Kije-Manito weossiian ! kin gaiassiamawiian
nin batadowinan, jawenimichin ! Kin nema-
dabiian Kije-Manito odebani nikang, jaweni-
michin !

*Mi manda nagamowin aj'anamie—gijigak
eta tanagamon, opi mekate—okwanaie Gloria
negamodji.*

Kagini kitchitwa—winada
Kije—Manito kossina,
Wanakiwideeg gaie
Agiwi menoinendangig.
Weweni gwanwadijada
Kije-Manito debeniminang.

Jesos, kin kanodjimoiiang
 Kin kakina debendaman.
 Kin neta-jawenimiiang,
 Jesos, babamitawichinang !
 Gaie jawenimichinang !
 Kagini ki gwanwadjiiinimi.

Gloria.

Kitchitwa-winind achpiming Kije-Manito,
 ogidakamig gaie wanakiwad meno-deedjig.
 Ki kitchitwa-nagamoinimi. Ki minoininimi.
 Ki gwanwadjiiinimi. Ki kitchitwa-wiwinimi.
 Ki wawiiawamininimi epitchi kitchitwa-wenin-
 dagosin. Debenimiiang Kije-Manito, wak-
 wing wegimawiian, Kije-Manito Wegossiian
 misode gego netawiton. Debenimiiang beji-
 go Weossiian, Jesos Christos. Debenimiiang
 Kije-Manito, kapagidendaman kiiaw, Kije-
 Manito Weossimind Wegossimig. Kin gaias-
 siamawadwa baiatadidjig, jaweminichinang.
 Kin gaiassiamawadwa baiatadidjig, odapina-
 mawichinang ejí mamandominang. Kin ne-
 madabíian odebani nikang koss, jawenimichi-
 nang. Kin nijke ki kitchitwa-wendagos.
 Kin nijke ki dibendan. Kin nijke awachime
 kitachpendagos, Jesos Christos, gaie Weniji-
 chit-Manito, Kije-Manito Weossimind owas-
 seiadisiwining. Apeingi.

Kije-Manito, debenimiiang ! iji mijichin kitanamie-onijichiwin enigokodeeia tchiwi sagiina ; eji sagiidisoia gaie tchiwi iji sagiagwa nidj'anichinabeg ; jawenimichin, gassiamawichin kaiji batadiia ; songideechkawichin, gwaiak tchiwi iji nagadonama Jesos odijitwawin ajonda aking, giniboia dach wakwing tchiwi dagwichimian.

Kije-Manito, debenimiiang ! ki giakinoamowag anichinabeg abwa binigid Jesos ajonda aking, kaniganikikendamogobanenag mi kaanonadjig ; opi dach kigwiss Jesos kadagwicing aking, win ningiakinoamagona kitijitwawin ; kaachkwa bimadisid Jesos ajonda aking, kaanonagobanenan kibimi akinoamage-wag kitijitwawin enigokwag aki. Jawenimichin, wassendamiichin gwaiak tchiwi kiken-dama kitijitwawin, songan gaie tchiwi debwetama, weweni gaie tchiwi nagadonama, minik kaiji akinoamageian.

Opi apasigwiwinagak.

Mi nongo awabandang mecate-okwanaie Jesos ogagikwewin. Apitchi nin gjendam gwaiak tchiwi nagadonama kakina minik Jesos kaiji akinoamonang. Win Jesos giikitogoba : “Wegwe kedebwetamogwe kenagadonamogwe gaie nindijitwawin, gaie kesigaandawa-winde, mi awi wakwing keijad.” Awachime

ni minwendam tchi niboia, tchi nagadamamba dach Jesos odijitwawin.

Jesos, Kije-Manito wegossimig ! ki gibija ajonda aking awi biakinoamawiiang gwaiak Kije-Manito odijitwawin ; jawenimichin mijichin kitanamie-onijichiwin gwaiak tchiwi kikendama kaiji akinoamageian, weweni gaie tchiwi nagadonama kitijitwawin keako bimadisiia.

Opi mekate-okwanaie ekitodji : Credo, eiad-jig dach aj'anamessikeng mi gaie winawa keikitowad : “ Nin debwetawa bejigo Kije-Manito,” etc.

Anamiewin ekitong mekate-okwanaie pegidinamowadji Kije-Maniton pakwejigan, jominabo gaie.

Kije-Manito, debenimiiang ! mekate-okwanaie nongo ki pagidinamag pakwejigan, jominabo gaie ; nin dach ki pagidinamon niiaw, nin tchiibam gaie. Kije-Manito, nosse ! kin nijike debenimichin ; minik keinemiwane mi gediia.

Opi mekate-okwanaie kesinindjiidji.

Kije-Manito, debenimiiang ! gassiabawaj nin tchiibam tchiwi binisid, tchiwi bwa gagichkang batadowinan.

Kije-Manito, nosse ! nongo eji pagidinamagoian apegich na gwanwadjiigoian. Kitiji pagossenimin gaie manda anamessikewin tchiiji pagidinamagoian tchiwi ondji nodjimod nin tchiibam, kakina gaie enamiadjig tchiwi mino inabatchitowad.

Kije-Manito, debenimiiang ! kakina anjenig, ketchitwa-wendagosidjig gaie wakwing ebidjig ki gwanwadjiigog, ka wika debenimossiwag anagamowad epitchi maminadenimikwa. Nin dach gaie, aiano kitchi batadiia, ekitowad anjenig, ketchitwa-wendagosidjig gaie, nindikit gaie ni :

Ketchitwa-wendagosid,
 Ketchitwa-wendagosid,
 Ketchitwa-wendagosid
 Kije-Manito debeniminang !
 Mamakadendagosi eji nagosid ;
 Ogwanwadjiigon wakwing anjeniwan,
 Gaie ajonda aking anichinaben !

Kije-Manito, nosse ! jawenim, mij gaie ki jawendjigewin kakina mekate-okwanaieg, kakina enawemagig, kakina meno-dodawidjig, kakina saiagiidjig, kakina gaie jangenimidjig.

Achkwatch agiwidopamagobane Jesos kanonagobanenan, pakwejigan ogiodapinan, ogianamieton, ogimatinamowan kaanonagobanenan aj'inad : Odapinamog, mitchig gaie

kakina : mi manda niiaw. Minawa ogiodapinan jominabo minikwatchiganing ategoba, ogianamieton, ogiminan aj'inad : Odapinamog, minikweg gaie kakina ; mi manda nimiskwim.

Anamiewin ekitong aj'achpinaming kitchitwa Hostiwin.

Kin Jesos ! nongo echpinigon, anawi ka kinagosissi, anich dach ondjita kitindanenimin kitchitwa Hostiwining, kitachpinigo mechigwam enamessikengi. Kitikitonaba Jesos : nin gaaton niiaw kitchitwa Hostiwining, gaie nin gaaton nimiskwim anamie-minikwatchiganing. Gegeti nande ki gaginiawichk, ka gaie gego ki bwa nawitossin ; apitchi ijivebad gego ekitoiani, mi wendji debwetamang. Migwetch kainenimiiang tchi bejigo debwetonang.

Aj'achpinaming kitchitwa anamie-minikwatchigan.

Jesos ! ki kitchitwa kimiskwim gaie echpinaming anamie-minikwatchiganing. Ondjita ki giinendam awi nissigoian, epitchi mino ijiwebisiiian ; ka ki gjawenindisossi, awachime ki gjawenimimi ; kin nindawatch ki gipagidenden kiiaw, kagini achkoteng tchiwi bwa apaginigoiang. Mi wendji mamakadenimi-

nang, kin Keje-Manitowiian, ninawi dach enichinabewiiang, pangwing osam nindapite-nindisomi. Ki bejigo sagiinimi Jesos, minawasig enenimiiang ; apegich bejigo sagitoiang eji babamitonang.

Kaachkwa achpinamingi Jesos wiiaw, omisk-wim gaie.

Jesos nosse ! kin ebiian kitchitwa Hostiwining, mojag makawendamiichin aginissigoian tchibaiatigong, agisiginaman kakina kimiskwim nin ondji, awi nodjimoad nin tchibam, kagini achkoteng tchiwi bwa tanakisod. Enigokodeeia ki wawiiawamin ; nindanwenindis kakina minik kaiji batadiia ; ondjita nin gjendam tchiwi bwa minawa batadiia : jawenimichin gaie songideechkawichin.

Jesos debenimiiang ! jawenim kakina gassiakisowining ebidjig ; agwachim eji kotagendamowad ; kagini wanaki wakwing achin.

Nossina wakwing ebiian, etc.

Kije-Manito, debenimiiang ! atchitchaiaä apagitawichinang kakina maianadak kaiji wi-kwatchitasoiang ajonda aking agibatadiiang, memindage ganawenimichinang kagini achkoteng tchiwi bwa apaginigoiang.

Jesos Christ, gaiassiamawadwa baiatadidjig, jawenimichinang !

Jesos-Christ, gaiassiamawadwa baiatadid-jig, jawenimichinang !

Jesos-Christ, gaiassiamawadwa baiatadid-jig, wanakiichinang !

Jesos nosse ! ka nindapitendagosissi tchi pindigawiian nin deing, anich dach ningototon ikiton, mi tchi nodjimod nin tchiibam.

Jesos ! jawenimichin, binitawichin ninde, komuniwiiani tchiwi mino komuniwiia. Songideechkawichin tchiwi bwa wika banatchittoia kijawendjigewin eji mijian meno komuniwiiani.

Jesos ! kagini abitan ninde, kagini tajibimadisin nin deing ; ganawendant ninde tchiwi bwa wika pindigemagag batadowin.

Kije-Manito, debenimiiang ! ki wawiiawamin kakina kaiji mijian ; memindage agibiini-najawad kigwiss Jesos ajonda aking kabinodjimoiiamind echamiiamind wiiaw, menaiamind gaie omiskwim.

Anamiewin ekitong wani achkwa anamessike-winagaki.

Apegich na Kije-Manito mijiamind odanamie-onijichiwin !

Jesos, kaagwachimiian, gegeti Kije-Manito kitogwissimig ; migo eji Kije-Manitowiian, Weossimind eji Kije-Manitowid, Weniji-chit-Manito gaie eji Kije-Manitowid ; anich

dach ki gianichinabewiidis, ki ginissigo tchibaiatigong awi nodjimoad nin tchiibam ; nongo dach kagini kiwidigemimi kitchitwa Euca-ristiwining. Gegeti ki kitchi sagiimi. Jawenimichin, enigokodeeia tchiwi sagiina, weweni gaie tchiwi anokitona keako bimadisiia. Apeingi.

Kaachkwa anamessikewinagaki.

Kije-Manito, nosse ! ki wawiiawamin agijji mijian agibija aj'anamessikewinagak, aiano bwa apitendagosia. Bonigideta-wichin, kichpin weweni ka anamiassiwani nongo agianamessikewinagak. Ondjita nin gjendam mojag weweni tchiwi animiaia das-sing ijaia endaji anamessikeng : jawenimichin gaie machkawendamiichin.

*Mi anonda negamongin nebodjig aj' anames-
sikewinagak ; gonima gaie opi mecate-okwa-
naie awia pegidenimadgi.*

Nebodjig jawenim Jesos ! wakwing tchi minawasiwad iji pagidinamaw kin Jesus kejewadisiian !
Ki babamitonimi, ki sagiinimi, ki gwanwadjiinimi, ki wawiiawaminimi.

Apegich na minotawiiang, nebodjig debenimadwa !

Debenimiiang ! kego apagijichike kagini achkoteng kitchi segisiwini gijigak,

Opi gijig naningissemagak, aki gaie gochkossemagak :

Opi bidibakonadwa kakina anichinabeg achkote tchi aioian.

Apitchi gegeti ni naningichka, ni segis gaie, opi odjitchisseg dibakonidiwin, Kije-Manito gaie onichkadisiwin.

Opi gijig naningissemagak, aki gaie gochkossemagak.

Opi iwi odjitchissemagak dibakonidiwin, Kije-Manito takitchi nichkadisi, kegi matchi inadisidjig dach takitchi animisiwag ; takitchi segisiwini gijigad, takitchi wissagenindamowi ni gijigad gaie :

Opi bidibakonadwa kakina anichinabeg achkote tchi aioian.

Debenimiiang ! kagini wanaki gassiiakiso-wining ebidjig ; kagini wassenamaw wakwing.

Debenimiiang ! kego apagijichike kagini achkoteng kitchi segisiwini gijigak,

Opi gijig naningissemagak, aki gaie gochkossemagak:

Opi bidibakonadwa kakina anichinabeg
achkote tchi aioian.

Jesos, debenimiiang ! neta-jaweningen :
kakina gassiiakisowining ebidjig kagini wana-
ki. Apeingi.

Tanichkadji gijigad boniakiwang taanimad :
aki tatchagidemagad.

Apitchi takitchi segisiwag kakina anichina-
beg : opi wabamawad Jesosan tchi bi dagwi-
chininid tchi bi dibakoninang.

Botadjigan tanondagwad, kakina nebodjig
ogadebitanawa : midach kakina tchi ijawad
tchiwi dibakonindwa.

Kakina nebodjig tamamakadendamog opi
abitchiibawad : tchiwi nakwetawawad kedi-
bakonigowadjin.

Misinaigan tabidon kakina aojibiigadeg :
keondinigadeg dach tchi dibakonigong.

Opi namadabid kedibakoniwed kakina kegi-
kakitchigadeg takikendagwad : midach Kije-
Manito tchi achtawaad kakina minik kegi ma-
tchi inadisnidjin.

Tani dach keiji nakwetawag nin akitchi ba-
tadiia ? Weni keganodamawid ? : Potchige
jaiaw kegi inadisidjig takitchi segisiwag.

Jesos ! gegeti kigossin, anawi dach kijawe-

nimimi : kit inendam awi nodjimoiiang, nodjimoichin neta-jawendjigeian.

Makawin, Jesos ! neta-jawendjigen, agibi ondji ijaian ajonda aking awi bi nodjimoiiang : kego apagijichike kagini achkoteng opi dibakoniiang.

Kigikitchi kotagito ajonda aking awi nodjimoiiang, kigibidakakoogo tchibaiatigong nin ondji : apegich na mino inabatchitoia kaiji kitchi kotagitoian.

Jesos, gawaiak keiji dibakoniiang, gassiamawichin minik kaiji batadiia : tchi bwa odjitchisseg opi kedibakoniian.

Nin kitchi achkendam agi kitchi batadiia, apitchi nind agatch mekawijani nin batadowinan : Kije-Manito ! ki mamandomin, bonigidetawichin !

Ki gibonigidetawa Madelaine enawindibane, ki gibonigidetawa gaie kakitchi gimonichkigobane : nind iji pagossendam dach, gaie ni tchi bonigidetawiian.

Ka nind apitendagosissi tchiwi bonigidetawiian : kin dach neta-jawendjigen, kitiji mamandomin, kego kagini achkoteng apagijichike.

Kego ki namandjiwining achichike tchi assadwa kegi matchi inadisidjig : ki debaniwinning dach achichin tchi assadwa kegi jaiaw inadisidjig.

Opi madjinajawadwa kegi matchi inadisi-djig kagini achkoteng : nin dach nandomichin keiji nandomadwa koss Kije-Manito saiagia-djin.

Ki mamandomin aj'achkendama aianwenin-disoia enigokodeeia : opi wi niboja jawenimichin.

Opi odjitchisseg tehi abitchiibawad kakina anichinabeg, kakina takitchi segisiwag : Kije-Manito ogadibakonan, win keginichkiigodjin. Apegich na bonigidetawadwa.

Jesos, debenimiiang ! neta-jaweningen ! kakina gassiiakisowining ebidjig kagini wana-ki. Apeingi.

Jawenimichin, Kije-Manito : kin neta-jaweningen.

Kin ketchi nita-jaweningen : gassiamawichin nin matchi inadisiwin.

Nin matchi inadisiwin aiandj gassiiabawa-dawichin : gassiamawichin gaie nin batadowin.

Nin kikandan nin matchi inadisiwin : gaie nin batadowin kagini ni wabandan.

Kin nijke ki ginichkiin, ki giwabam kaiji batadiia : anawi dach bonigidetawichin.

Kit ikitonaba, keanwenindisodjig nin ga-jawenimag : songan nind anwenindis, mi ke-ondzi jawenimiiian.

Jawenimichin tchi debwetagon : ki gajago-tchag aiagonetokig.

Kin ki kikendan batadowin nin giwiagich-kagon abwa anichinabewiiia : batadowin gaie nin giwiagichkagon abwa anichinabewiiia ningachi ochkatang.

Ki minwendan jaiaw inadisiwin gaie deb-wewin : ki giakinoamaw eji nibwakaian, gaie ni dach awi jji nibwakaia.

Saswebigandawichin nin gabinis : kisiiaba-wajichin, awachime dach agon eji wabichkisid nin gaiji wabichkis.

Windamawichin awi jawenimiian, apitchi dach tamino tamomagadon nitawagan : gaie nikanan tamodjigenindamomagadon.

Kego ganawabandange ni batadowinan : kakina gaie gassiamawichin ni matchi inadisiwin.

Andjitawichin ninde tchiwi minodeeia : gaie jawenimichin tchi nibwakaia.

Kego kichkinjigong webinichike : kego gaie akonamawichike ki jawendjigewin.

Nodjimoichin, nin gaminawanigos kin ondji : machkawendamiichin, mijian ki jawendjigewin eji machkawisimagag.

Nin gaakinoamawag baiatadidjig kitijitwin : matchi anichinabeg gaie taanwenindisowag.

Nodjimoichin gaie gassiamawichin ni matchi dodamowinan, Kije-Manito, debenimiiang, ne-

ta-jaweningen : nin denaniw dach ki gapiba-gimigon ki kijadisiwin.

Kije-Manito, debenimiiang ! tawanonichin : nindon dach ki gaowinwanigon.

Kichpin pagidinigewin minwendamamba, ki taminin : anich dach ka ki minwendasin tchagisige pagidinigewin.

Pagidinigewin Kije-Manito saiagitod mi ode aianwenindisomagag : Kije-Manito ! ka ki gawebinasin ode echkendamomagag, tebas-sendamomagag gaie.

Kije-Manito ! jawenda Sion, kichpin minwendaman : neiab gaie taojitchigade Jerusalem wakaigan.

Midach opi keminwendaman pagidinigewinan, tchagisige pagidinigewinan gaie, jaiaw enadisidjig kepagidinamokwa : mi opi kepagidinamokwa pijikinsan.

Jesos, debenimiiang ! neta-jaweningen : kakina gassiakisowining ebidjig kagini wanaki, Apeingi.

Achkwa naokwe nagamowinan.

I.

Debeniminang odikitowin pisindamog : sanagadine odanimitagosiwin gegeti pisindamog.

Bejigo Kije-Manito ondjita gegeti ki gagwanwadjia : bejigo enigokodeen ki gasagia.

Kawi anich ki gawawinassi Kije-Manito : ka gego gaie anich ki gawawindasin.

Kije-Manito gjigak ki gagwanwadjiton : gagwanwadjitaganiwangi gaie ka ningodino ki gainanokissi.

Kinikigog ki gagwanwadjiag : ginoenj tchiwi bimadisin ajonda aking.

Ka awia ki ganissassi : ka gaie awia ki gingenimassi.

Kego pangichen matchi inadisike : mandamowin gaie atchitchaiaï ininan.

Kego awia gimodimiiege : kego gaie awia mindjimendamawiiege.

Kagini debwen ningodino ekitoiani : ka wi k a awia ki gaginiwichkimassi.

Kawi ki gamissawendasin matchi widigendiwini : mi eta anamie-nibawiwin.

Kego missawendamawiiege awia gego endanidji : tchiwi gimodiian.

Mi ekitogobane debeniminang, baba mitaowad kagini ki gaminowanigosim : agonweta-wiwad dach kagini ki gasessessakisom.

Ketchitwa-wendagosid Weossimind gaie Wegossimind : gaie Wenijichit-Manito.

Epitchi kitchitwa-wendagosigobane gaiat, gaie nongo : kagini gaie, apine apine gaie keiabi, missa kagini keingi.

2.

Pisindanda eneniminang : ketchi anamie-ganawabaminang.

Ki gaanamia enamessikengi anamie-gijigak : gaie dassing gwenwadjitaganiwangi.

Weweni ki gakopessew : ganage ningoting endasso bibonagak.

Ki gakomuniw : dassing wedjitchissegi agi-abitchiibad Jesos.

Ki gagwanwadjitonan gwanwadjitaganan : kaigong awi gwanwadjitong.

Ki gamakadeke nimidana dasso gwan abwa machi odjitchisseg agiabitchiibad Jesos : gaie dassing egong awi makadekeng.

Kego mitchike wiias tchibaiatigogijigak : ka gaie Mariegijigak.

Gego nitawigiton ki gaanamie-pagidinige endodamowad enamiadjig.

Ketchitwa-wendagosid, etc.

3.

Kije-Manito, debenimiiang ! wabamichin : osam nin gitimagis.

Kitchi batinadon nin batadowinan : ka taachkwa gindjigadessinon.

Apitchi nin segendam mekawiiani kabidiia : osam nin gimatchi bimadis.

Awessiing nindiji bimadisinaba : manisiwi-nissi weossingi nind apitendagosinaba.

Nin dabadis nande wakwing keinabiia : nin dabadis nande anichinabeg kewidigemagwa.

Anamakamig jajaie nindagidanakis : bwa jawenimiiamba.

Anich dach keiabi ki mindjimenim kit inendamowining : ondjita ni jawendagos.

Kije-Manito, debenimiiang : ondjita geeti nind anwenindis.

Kitimagenimichin, kin ondjita apitchi netajawenimichin kigwiss Jesos odanosowining ondji.

Kakina wakwing endanakiieg atchitchin-gwanigabawitag Kije-Manito : ondjita tchi gaganodamawiiang.

Ketchitwa-wendagosid, etc.

4.

Apitchi mamakadendagosi Kije-Manito : ejji jawenimad kagini nebakanidjin.

Kawi gego onondejawenimassin : keondji oditaminid kagini debisiwining.

Kego missawendamawiiege metchi ijiwebisidjig odinadisiwiniwa : kego neiab takokike batadowini mikanang.

Waiba enimichiwachkaki mijachkin: mi ejiwebadinig baiatadidjig.

Kin wi Kije-Manito eta apenimon: weni-jiching eta nanagatawendan.

Sagiton Kije-Manito odinadisiwin: keni iji nandawendamomagag kide ki ganiji ondina-mag.

Gego waiji webisiiani pagossemim Kije-Manito: ki gawidokawenimig.

Ki gawasseiendamiig tchiwi bwa tibikadisi-ian: tanassa naiaokwegi ki gaiji wasseiadis.

Kije-Manito odinendamowin anidibaigen: ka wika boni pagossemimiiege.

Kego missawendamawiiege matchi anichi-nabeg ominawanigosiwiniwa: wenibik eta minawasiwag.

Kitimagising inendagosig metchi iji webisid-jig: ningotawassidig inendagosig meno iji we-bisidjig.

Ketchitwa-wendagosid, etc.

Debenimiiang! kitchi kitimagisiwining ki dondjii ganonin: debenimiiang! jawendami-tawichin ejji pagossemimina.

Kitawagang ondji pisindan: jawendan ni mamandomowin daianimitagoziwin.

Kichpin nagatawendamadwa anichinabeg
omatchi bimadisiwiniwa, debenimiiang : weni
keiji mino inabaminagosigobane ?

Debenimiiang ! kitowiiawinodan jawendji-
gewin : ki debwewin animitagosiwin ni songi
apenimon.

Nin tchiibam odapenimon Kije-Manito od-
animitagosiwinini : nin tchiibam odapenimo-
nan debeniminang.

Waiba badabangi nananj tchi tibikak : oga-
dapenimonan debeniminang.

Apitchi jawendjige odeing Kije-Manito :
kiginodjimoigona ajawakaninangoba manisi-
winissi.

Echkam ondjita pagossemimada Kije-Mani-
to : tchi gassiamonang ki matchi inadisiwini-
nanin.

Ketchitwa-wendagosid, etc.

Kin kakina netawiton,
Kin kakina kagijiton,
Kakina genawendaman,
Kakina go debendaman.

Kin kitondinamawimi
Misode eji manesiiang,

Kin ma genawenimiijang,
 Kin neta-jawenimiijang.

Gijig kagijitoiamba,
 Gaie tetebichko tibik,
 Wakwi aki dach sibiwan,
 Ninawi kaondji ojitoian.

Kagig minotawichinang
 Mechigwam keganoninang.
 Misode ejji manesiiang
 Wi pagidinamawiiang.

Taiagwa dach maianadak
 Ni wi bi jagoigona,
 Kin kinaamawichinang
 Tchiwi ajitenindamang.

Mi iwi dodawichinang
 Kin kagig nesso-bejigon :
 Wegossiian, Weossiian,
 Gaie kin Meno-Manito.

Nin tchiibam : okitchitwawinan debeniminnang.

Gaie nin tchiibam minawanigwendam : Kije-Manitowining kanodjimoid.

Nin gijawendamiganawabamig Kije-Manito : nin enokitowag, aiano bwa apitenda-gosiia.

Midach ningotawassidig keako ijiwad : keni-anichinabewidjig.

Win ma misode gego netawitod gaie ketchitwa-winikasod : nin gikitchi mino dodag.

Ondjita gaie nita-jaweninge ojaweniman gwessigodjin : onidjanissiwan gaie odaianike ojicheiwan tchini aianike oojicheiwad.

Gimamanda iji gachkitomagadini onik : ogisaswewébinan sesegawenindaminidjin.

Ketchitwa-wenindisonidjin oginagikawendagosian : negika-wenindisonidjin dach ogikititwa-wendagosian.

Bekadenidjin ogiwanadjissinian : waiana-disinidjin dach ogikitimagian.

Wenidjanissingi ogidodawan Israelan meno anokitagodjin : amakawid ojawendjigewin.

Kaiji wawindamowagobane kimichomissiminabanin : Abraham kakina gaie onidjanisan, ojicheian gaie.

Ketchitwa-wendagosid, etc.

Mamandomada Jesos, kinawi agi ondji kota-giind ajonda aking.

Kije-Manito, jawenimichinang !

Jesos-Christ, jawenimichinang !

Kije-Manito, jawenimichinang !

Jesos, pisindawichinang,

Jesos, babamitawichinang.

Kije-Manito Weossimigon wakwing ebiian,
jawenimichinang.

Kije-Manito Wegossimigon kaagwachimad-wa anichinabeg, jawenimichinang.

Kije-Manito Wenijichiian-Manito, jaweni-michinang.

Kije-Manito nesso-bejgon, jawenimichi-nang.

Jesos, kabi ondjibaian wakwing awibi
nodjimoiiang.

Jesos, kainenimad kitchitwa Marie,
kagini gagangowid, awi nigiik.

Jesos, kainendaman awakaning awi
inabaminakotoian kiiaw epitchi sagiiang.

Jesos, kajangichimigon pijikiwag en-daji wissiniwad.

Jesos, ka webinamowassiwad kaanwe-nindisogobane Madelaine osibingon.

Jesos, kakotagitoian kiiaw agibakade-ian, agigaskanabagweian gaie.

Jesos, kakagwetchikassiikwa, gaie
misode kaiji nanekatchiikwa Judawinini-wag.

Jawenimichinang.

Jesos, kaanamietawiang nananj igo agimiskwiwang kitabwesowin.

Jesos, mano ningawaiejimig kainenimad Juda, mano nin gaotchimig, agiinenimad gaie.

Jesos, katakonigoian, mitchaiaï agiapanikwa matchi Judawininiwag.

Jesos, mano kainendaman tchi matchiwinigoian adakobideg kinindjin ki pikwanang.

Jesos, kamatchiwidawindwa kiiaw, agibinichianamigoian ajabiwad kitchi dibakonige-wininiwag.

Jesos, kajachingwingweogoian agibawakonindjitaroian, agibassanaweogoian gaie.

Jesos, misode kaiji babapinodagoian.

Jesos, kamatchiwidawind Ponce Pilate kiiaw.

Jesos, kagitakobinigoian, agibachajeogoian nananj agimiskwiwaganamigoian.

Jesos, kaagwanaogoian jímaganichi-ogima obiskawagan anich awi babapinodokwa.

Jesos, kabassikwebinigoian minessa-gawajig.

Jesos, kanondaman kagwanissagakamig agiikitowag : nichin ! badakakow tchibaiatigong !

Jesos, apitchi opi bwaia-nawitoian ki gibiminigadamoigo ki tchibaiatigom kitchi kosigwanigoba.

Jesos, kaombakonigoian tchibaiatigong nissawaiaï kemodichkigobanenag.

Jesos, kaachidakwaigadeg kinindjin, kisidan gaie tchibaiatigong, kamatchüni-kwa gaie kabimossegobanenag.

Jesos, ka kinissitawinagossino kichkin-jig, wemicingi kijinagwad.

Jesos, kamamandomad koss Kije-Manito-tchiwi bonigidetawad kanissikig, gaie kajawenimad tchibaiatigong kaiji maman-domig kemodichkigobane.

Jesos, kaganawendamonad kitchitwa Jean kigachiwan.

Jesos, kabatchiboogoian jimaganak, agiagwachimadwa gaie anichinabeg ki miskwiming.

Jesos, kapagidenimigoian pindji ajibik.

Jesos, kaabitchiibaidisoian wanisso gi-jigak.

Jesos, wakwing ki gjija nimidana kadasso gjigak kaiji abitchiibaidisoian.

Jesos, nemadabiian odebani nikang Kije-Manito koss.

Jesos, kebi ijaian tchi bidibakonadwa bemadisidjig gaie nebodyjig.

Jesos, gaiassiamawadwa obatadowiniwan anichinabeg, bonigidetawichinang !

Jesos, gaiassiamawadwa obatadowiniwan
anichinabeg, babamitawichinang !

Jesos, gaiassiamawadwa obatadowiniwan
anichinabeg, jawenimichinang !

Jesos, pisindawichinang,

Jesos, babamitawichinang,

Kije-Manito, jawenimichinang,

Jesos-Christ, jawenimichinang,

Kije-Manito, jawenimichinang.

Nossina wakwing ebiiān, etc.—Kitanamikon Marie, etc.

Jesos-Christ, debenimiiang ! mano kainen-daman naning tchi batchibaogoian tchi ondji agwachimadwa anichinabeg, inenimichinang iwi tchi ondji gassiamagoiang nin batadowini-nanin. Jawenimichinang tchiwi gwaiak di-iang nananj tchi niboiang, midach giniboiang tchi kagini wabaminang ki Manitowinagosi-wining. Apeingi.

Mamandomada kitchitwa Marie.

Kije-Manito, jawenimichinang !

Jesos-Christ, jawenimichinang !

Kije-Manito, jawenimichinang !

Jesos, pisindawichinang,

Jesos, babamitawichinang.

Kije-Manito Weossimigon wakwing ebiian,
jawenimichinang.

Kije-Manito Wegossimigon kaagwachimad-
wa anichinabeg, jawenimichinang.

Kije-Manito Wenijichiian-Manito, jawenimi-
chinang.

Kije-Manito nesso-bejigon, jawenimichinang.

Kitchitwa Marie.

Kin Kije-Manito wegossiian.

Kin gagangowiian maiamawi niganisi-
ian.

Jesos wegossiian.

Kin wegachimigon moachkinechka-
goian anamie-onijichiwin.

Kin wegachimigon aiapitchi gwana-
tchiwiian.

Kin wegachimigon aiapitchi binisiian.

Kin wegachimigon bekich gaie gagan-
gowiian.

Kin wegachimigon wika kakikenimas-
siwad anini.

Kin wegachimigon apitchi saiagiigon.

Kin wegachimigon apitchi maiamaka-
denimigon.

Kin wegossimad misode gego kagijitod.

Kin wegossimad kanodjimoad anichi-
naben.

Kin gagangowiian apitchi gegitawen-
daman.

Kin gagangowiian apitchi ketchitwa-
wendagosiiian.

Gaganodamawichinang.

Gaganodamawichinang.

Kin gagangowiian wewinwanigoian.
Kin gagangowiian kechkitawiiang Kije-Manito ojawendjigewin.

Kin gagangowiian meno ijiwebisiian.
Kin gagangowiian songan kadebwetaman.

Kin kaapitchi jaiaw inadisiian.

Kin moachkinechkagoian Kije-Manito onibwakawin.

Kin kakitchi minawasiiiang.

Kin Wenijichit-Manito kaabitag.

Kin maiamawi kitchitwa-wenimig Kije-Manito.

Kin kamamawi songanamiaian.

Kin maiamawi pakinawadwa kid'akweg.

Kin najokamawiiang awi jagoiangid jangenimiamind.

Kin apitchi kabinisiian eji owiiawiiian, eji otchiibamijian gaie.

Kin ketchi apitendagosiian, Kije-Manito ki giabitag.

Kin wegachimig Jesos kamijiamind Kije-Manito odijitwawin.

Kin kanigliad kanissakonamawiamind wakwi.

Kin kanigliad kaakinoamawiamind jaiaw tchiwi inadisiiang.

Kin mojag gegaganodamawadwa aia-kosidjig.

Kin kagini naiadjinijimikwa baiata-didjig.

Kin songideechkawadwa ketimagi-sidjig.

Kin najokamawadwa enamiadjig.

Kin debenimadwa anjenig.

Kin debenimadwa kimichomissimina-banig kasongianamiagobanenag.

Kin debenimadwa kaniganikikenda-mogobanenag.

Kin debenimadwa Jesos kaanonagoba-nenan.

Kin debenimadwa anamiewin kaond-ji nanindjig.

Kin debenimadwa gwaiak kanagado-nangig Jesos odijitwawin.

Kin debenimadwa gagangowidjig.

Kin debenimadwa kakina ketchitwa-wendagosidjig wakwing ebidjig.

Jesos, gaiassiamawadwa obatadowiniwan anichinabeg, bonigidetawichinang !

Jesos, gaiassiamawadwa obatadowiniwan anichinabeg, babamitawichinang !

Jesos, gaiassiamawadwa obatadowiniwan anichinabeg, jawenimichinang !

Jesos, pisindawichinang,

Jesos, babamitawichinang,

Kije-Manito, jawenimichinang,

Jesos-Christ, jawenimichinang,

Kije-Manito, jawenimichinang.

Nossina wakwing ebiian, etc. Kitanamikon Marie, etc.

Ki binadjinijiminimi, kitchitwa Marie, Kije-Manito wegossiian! kego webinange eji maman dominang akitimagisiiang ; kagini ganawenimichinang gego maianadag waodissikagoiangu. Gagangowian ketchitwa-wendagosiiian, apitchi gaie sagiigoian, maiamawi niganisiian, Jesos wegossimad, kin kagini geganodamawiang ! njokamawichinang tchiwi bonigidetawiiamind Jesos kaiji batadiiang ; gaganodamawichinang, ijiwijichinang ajabid kigwiss Jesos.

Anamiewin ekitong abwa machi nanagatawe-nindisong wakopessewingi.

Kego ikitoke : pama nagatch nin gaanwenindis ; nongo waiba anwenindison. Osam ginoenj ki bajigwadis : ambessa jawenindison, kagini nibwakan, Kije-Manito ki gajawenimig, wakwing apitchi ki gaminawasiig.

Kije-Manito, nosse ! pabige go kitiji minwendam tchiwi migiweian ki jawendjigewin, awi bonigidetawadwa gaie baiatadidjig, kich-

pin weweni anwenindisowad. Jawendami-ganawabamichin, nin gikitchi bataindind, kitchi sasagwana ki ginichkiin ; anawi dach enigokodeeia nind anwenindis, mi wendji pagos-sendama tchi gassiamawiian kakina ni matchi ijiwebisiwin. Kije-Manito, nosse ! jawenimichin, wassendamiichin, weweni kakina tchiwi makwendama kaiji batadiia. Machkawenda-miichin tchiwi jingendama kakina nin batadowinan, ka go gego tchiwi iji jingendasawa eji jingendama nin batadowinan. Jawenimichin, widokawenimichin apitchi gwaiak tchi kiken-dama kakina nin batadowinan, keiji kikenda-ma giniboa ajonda aking, opi dach dibakonige-gijigak tchiwi iji kikendama. Makawenda-miichin minik kaiji matchi dodama, minik gaie kaano makama awi mino dodama, ka dodasiwa dach. Kikendamojichin dassing kanichkiinowane.

Nanagatawenindison, kichpin kadodamowane eji kinaamaged Kije-Manito odikitowining amidatchininig, kichpin gaie kabwa dodamowane eji angwamitagosid. Mi gaie nassab nanagatawenindisoian, kichpin gego kadodamowane eji kinaamagewad kitchi mecate-okwanaieg odikitowiniwa anijwatching, kichpin gaie kabwa dodamowane eji angwamitagoiwad. Nanagatawenindison kichpin kaiji batadowane kitchi batadowinan anijwatching. Nanagatawenindison minik kaiji batadiian agibatainendaman, agibataweian, agibatadodaman gaie ; kichpin gaie giano makaman tchiwi mino dodaman, gibwa dodaman dach. Wikwatchiton gaie tchiwi makwendaman dassing kegijji batadiian iwi bejig batadowin.

Anamiewin ekitong kaachkwa nanagatawenindisongi wakopessewingi.

Kije-Manito, nosse ! apitchi kit agatchiiton mekawiiani kaiji batadiia ; nindagatch, mojag nassab minawa batadowining agipangichina, aiano giji wawindamoninamba minawa tchiwi bwa batadiia. Anawi nin kikenda, das-sing baiatadiiani akitchi nichkiina, midach igo sasagwana ej i batadiia. Nongo dach enigokodeeia nind awenindis ; jawenimichin, Kije-Manito, nosse ! Nin giji wikwatchitasonaba kagini achkoteng tchi tanakisoia ; bonigideta-wichin minik kaiji batadiia ; neiab mijichin ki jawendjigewin. Nin kaondji nanind Jesos kigwiss, kakina omiskwim ogisiginan, awi ag-wachimid kagini achkoteng, mi wendji pagosenimina tchi gassiamawiiian kakina nin batadownan.

Anwenindisowin.

Kije-Manito, nosse ! ondjita nind anwenindis aginichkiina agibatadiia : ondjita ki kit-chitwa-wendagos, mi wendji jingendama kakina ni matchi ijiwebisiwin, awachime kakina ejiwebak : kawi gego nind iji jingendasin, eji jingendama ni matchi ijiwebisiwin, kin ondji, epitchi onijichiian, epitchi gaie sagiigoian : jawenimichin, gassiamawichin Jesos odanoso-

wining ondji. Nin gigijendam tchiwi bwa minawa batadiia : widokawichin, jawenimichin, ka minawa nin gawidissi : keinenimiwane mi kagini gediia.

Jaie nind anwenindis,
 Jesos nosse kejewadisiian,
 Mindjimenimichin kit inendamowining,
 Kego pagidenimichike,
 Nondawichin, nondawichin,
 Jawenimichin agibatadiia ;
 Ki sagiin gaie ki gossin.
 Mindjimenimichin, etc.

Kitchitwa Marie ! Kije-Manito wegossiian ! kagini ki gagano damawag baiatadidjig naia-djinijimikig, nin igaie, gikitchi batadiia, ki bina-djinijimin aj'achkendama agibatadiia : gagano-damawichin weweni tchiwi kopessewiiia nongo, tchiwi bonigidetawid Kije-Manito kakina minik kaiji nichkiag.

Ni mino anjenim, kin genawenimiian, ki giwabandanan kakina ni matchi dodamowinan, gagano damawichin kakina tchiwi makwenda-ma ni batadowinan, kakina dach owinge tchiwi dibadodama kopessewiiia.

Anamiewin ekitong kaachkwa kopessewingi.

Debenimiiang ! kego dodawichikange kaiji batadiiang.

Ka gaie bachajeochikange minik eji nichkii-nang.

Debenimiiang ! kego makawike gaiat ni matchi inadisiwinina.

Waiba jawenimichinang, osam nin kitimagisimi :

Widokawichinang, Kije-Manito neta-jawenimiiang.

Kitimagenimichinang Kije-Manito, ki kitchitwa anosowining ondji :

Ni matchi inadisiwinina gassiamawichinang kit anosowining ondji.

Jesos nosse ! ki inawatwaba ki mecate-okwanaiemag : " Wegwe kegassiamoweg obatadowinan, mi awi kegassiigadenig : wegwe dach kebwa gassiamoweg obatadowinan, ka dagassiigadessinini." Songan nind apenimon kiiaw, apitchi nind inendam agigassiigadege nin batadowinan nongo opi enamietawid mecate-okwanaie. Kaiji gassiamawid mecate-okwanaie nin batadowinan ajonda aking, kitiji pagossenimin tchi iji gassiamawian wakwing. Jesos nosse ! agiinawatwabane ki mecate-okwanaiemag, mi iwi epenimoia.

Enigokodeeia ki wawiiawamin, Jesos kejewadisin ! Agi kitchi batadiiamba nin giiji wikwatchitasonaba anamakamig kagini achko-

teng tchi gitanakisoamba ; nongo dach ki gibonigidetaw ni matchi ijiwebisiwin, aiano giiji gachkitasoia kagini achkoteng tchi gitanakisoamba, kadach ki wi dodawissi, Jesos nosse ! Ki wikwatchi wakwing awi iji wijiian.

Midach enigokodeeia wendji anwenindisoia kekendamani nongo ki kijadisiwin ; ondjita nin gjendam kawi minawa nassab dinong nin gawipangichinsi ; jawenimichin gaie machkawendamiichin.

Ondjita nin gigijendam weweni tchiwi nagadonama minik mecate-okwanaie kaiji gagikimid agikopessewiia. Nin kikendan, minik ejid mecate-okwanaie opi kopessewiiani, mi go tebichko Kije-Manito odikitowin nind inendam ; nin kikendan dach gaie, kichpin gawaiak nagadonama mecate-okwanaie eji gagikimid, nin gagachkitason kagini minawanigoswin wakwing ; bwa nagadonama dach nin kiken dan tchi iji gachkitasoia kagini achkoteng tchi apaginigoia. Jawenimichin, Jesos nosse ! gaie songideechkawichin ; ka minawa nin gwidissi.

Kitchitwa Marie, wegachimina ! ka wika ki gibatadissi, weweni ki gianokitawa Kije-Manito, nananj igo kitachkwa bimadis ajonda aking ; ki mamandomin gagano damawichin tchiwi machkawendamiid Kije-Manito tchiwi bwa minawa batadiia, weweni gaie tchiwi anokitawag Kije-Manito keako bimadisiia.

Nin mino anjeni ! Kije-Manito kitanonig awi babawidjiwiian awi ganawenimiiian gaie ; ganawenimichin dach tchiwi bwa minawa bata-diiia ; makawamichin minik kaiji gagikimigoia agikopessewiiia ; gaganodamawichin weweni tchiwi nagadonama Jesos odijitwawin ajonda aking, giniboa dach wakwing tchiwi tchi minawanigosimina.

Anamiewinan ekitongin abwa machi komuni-wing.

Debwetawada Jesos.

Jesos ! aiano bwa wabamina, ondjita dach kit indanenimin kitcheitwa Hostiwining ; mi wendji gwanwadjina, bejigo sagiina.

Tabassenindisoda.

Jesos, Kije-Manitowiiian ! kakina debendaman, ka nin deapitendagosissi tchi pindigeian nin deing, pangwing nind apitendagos.

Sagiada Jesos.

Ondjita ki sagiin, Jesos, gwanatch nosse ! ki bijigo enimin, kakina gaie anichinabeg ni sagiag, adibaigeia kiiaw, ka awia ni jingenimassi.

Apenimoda Jesos.

Ka nin deapitendagosissi tchi komuniwiia, anich dach mekawiiiani ki jawendjigewin, ki pagossenimin Jesos, ki gaonijichiton ninde tchi mino komuniwiia.

Anwenindisoda.

Jesos! ondjeta gegeti nind anwenindis kanich-kiinani baiatadiiani ; mi wendji anwenindisoia, apitchi asagiigoian ; mi wendji achkendama mekawiiiani ki kijadisiwin. Ka minawa ki ganichkiissino, nindawatch nond niboia tchi bwa minawa nichkiina.

Missawenindanda Jesos.

Ondas, gwanatch Jesos ! ondas, bidibandan ninde, ondjeta ni missawendan tchi abitaman ninde, ondjeta gegeti ki nandawenimigon ninde, eji nandobid michewe gaiaskanabagwedji.

*Anamiewinan ekitongin kaachkwa komuniwingi.
Gwanwadjada Jesos.*

Jesos, debenimijian ! kekisoian kitchitwa Hostiwining aji Kije-Manitowiiian gaie aji anichinabewiian nin ondji ; enigokodeeia ki gwanwadjiiin, kin ma kiki gijitaw kakina minik eji taniia, mi wendji gwanwadjina.

Wawiiawamada Jesos.

Jesos, gwanatch nosse ! ki wawiiawamin agipindigawian nin deing ; ki sagiin enigokodeeia ; ka wika nin gaonendasin eji mino dodawian.

Pagidinamawada Jesos.

Jesos, debendaman nin bimadisiwin ; ki pagidinamon niiaw gaie nin tchiibam ; dibendan kedowane gaie minik kegotakitoia, wakwing tchiwi minawasiia.

Sagiada Jesos.

Jesos debenimiian! ondjita gegeti ki sagiigo, ondjita ki sagiin enigokodeeia, jawenimichin saakaan ninde, echkam echkam tchiwi sagiina.

Nanandomada Jesos..

Jesos, ki nandodaman mino ijiwebisiwin gaie anamie-onijichiwin ; widokawichin tchiwi bwa wika onendama eji anamiaia gaie tchi bijigo tibaiganina.

Pagidenimada manisiwinissi.

Ondjita nin pagidenima manisiwinissi ; ondjita ni jingendant ni matchi ijiwebisiwin ; ka

wika nin gadibaigessinan manisiwinissi, kin dach nijike, Kije-Manito nosse, nin dibaigen : jawenimichin.

Nijwasswe anamiewinan ekitongin awi gwawadjiind Jesos kaiji gotagiind ajonda aking awi nodjimoinang.

1.

Jesos nosse ! kit apitchi dibenimag kakina anichinabeg endassowinsowad enigokwag aki ; ki dibendan bimadisiwin, nibowin gaie kit apitchi dibendan ; ka bapich gego ki bwanawi-tossin. Songan ki wawiiawamin agikitima-genimadwa kakina anichinabeg ; nin gagijikamawag, agiinenimadwa ; nisso dibaigan minik ki gianamia kitiganing *des Olives ejinika-degobane*. Onina ki giiji animis ajiwi ; kija ki kikendanaba kakina keiji matchi dodagoian. Gegeti nande gego kit onendanaba kakina keni iji matchi dodagoian ; gegeti nande gego kit onendanaba keni ijiwebag ; ki kikendanaba gaie kakina anichinabeg omatchi ijiwebisiwiniwa, epitchi animendamamba dach, ki abwesowamba miskwi. Songan ki wawiiawamin aginissabawean ki miskwim. Ni jingen-dan kakina ni matchi ijiwebisiwin, ondjitaa

tchiwi nissitamendama kaiji kotagitoian. Ondjita nin gigijenindis tchiwi bwa minawa nichkiina. Widokawenimichin tchiwi bwa minawa batadiia ; songideechkawichin tchiwi bwa jagoigoia matchi ijiwebisiwin; widjideamichin tchi bejgwendagwak koss odinen damowin nind inendamowin dach, missawa gego a pitchi animak inenimid.

2.

Jesos nosse ! onina ki gibachajeogo, kakina ki gibakwajeogo. Kit inendanaba : nin gadeb gijikamawag anichinabeg onibwakassiwiwan, kakina omatchi minawanigosiwiwan nin gagijikamawag. Jesos ! kitimagenimichin, songideechkawichin, tchiwi bwa wika bajiwini goia matchi minawanigosiwin ; songan nin pagidandan nibwakassiwinissi, maminadisiwin, kakina matchi minawanigosiwin nin pagiden dan, songan nin jingandan ; widokawichin kagini tchi babamitona.

3.

Jesos nosse ! songan kitamikon, agibassi kwebinigoian minessagawajig. Kit inenda naba : nin gagijikamawag kakina anichinabeg omatchi inendamowiniwa, osasegawiniwa, okit chitwa-wenindisowiniwa, kakina ogitenimo-

winiwa. Jesos ! gassiamawichin kakina ni matchi inendamowinan ; jawenimichin tchi kikenindisoia, tchi manenindisoia pangwing tchi apitenindisoia ; jawenimichin tchiwi bwa wi-ka onendama kaikitoamba ; " Awia keachpenimod, tadabassendagosi, awia dach kedabassenindisod taachpendagos. Songan nin pagidendant kakina matchi inendamowinan, sasegawin, kitenumowin. Jawenimichin kagi-ni tchi manenindisoia.

4.

Jesos nosse ! ondjita ki ganimis agibiminiganad ki tchibaiatigom. Nin kaondji animisian, nin kaondji kotagendaman ogidakamig. Songan ki pagidinamon niiaw, nin tchiibam, ninde, nind inendamowinan gaie. Ondjita nin pagidenindis ki nindjing, keenenimiwane mi gedilia ; kin ma kidibenim. Gegeti apitchi ki ganimiton kiiaw agibiminiganad ki tchibaiatigom. Kakina kasagiadjig gikitchi animisiwag megwa abimadisiwad, awachime kasagiadjig mi awachime agiwi kaanimisidjig. Gaie ni kego jawendange niiaw, songideechkawichin dach beka tchi kotagendama. Kakina nin pagidendant matchi minawanigoswiwin ; mano wissagendama, mano gaie manenimigoia, mano babapinodagoia, nin gaminwendam tchi wimbinemina ajonda aking, tchi widigemina

dach wakwing. Kitchitwa Veronique ! kin kagassiamowad Jesos ajabwesogobane epitchi animisigobane abiminiganad otchibaiatigoman, gaganodamawichin, atchitchingwaniga-bawitaw Jesos, songan mamandom tchi gassi-amawid kakina ni matchi ijiwebisiwinan.

5.

Jesos nosse ! ondjita ki ganimis ajonda aking megwa abimadisiian nissi midana dasso bibon achi nisso bibon, megwa animisiwining ki bimadisinaba ninawi enichinabewiiang ondji. Kiiawing ki giwissagendamitonaba kakina ni matchi ijiwebisiwininanin ondji ; nin gagijikamawag kakina anichinabeg, kit inendanaba. Mi kaondji kitchi animisiwambane megwa abimadisiian ajonda aking. Awachime dach ki ganimis jaie kenissigoian. Judas enawindibane ogiadawen kiiaw ; ki gitakonigo, ki gitakobinigo, ki gidibakonigo, ki gigakandaogo, ki giwewepotago, ki gibachajeogo, ki gitatangichkago, ki gibassanaweogo, ki gibakwakonindjitaro, ki giagwingwebinigo, ki gibassikwebinigo, misode ki giinapinemigo, misode gego ki gidodago. Herode, ketchi ogimawigobane, ki gibapinodag ; kakina kababawidjiwadjig ki ginagadjinijimigog ; Judawiniwig ki gipagidenimigog, Barrabassan kaondji, matchi anichinabewigoba, awachime

dach ogiinenimawan. Ponce Pilate ogimawi-goba ki gipagidinig, osam wi debwenigoba Judawinihiwan, kakina ki gipagichkiweogo, kakina ki miskwiwanogoba kiiaw, ka ki kinis-sitawinagossi. Onina ki giiji animis agiina-matchiweian abakwadinag, osam kosigwanigo-ba tchibaiatig kabiminiganad, sasagwana ki dodina. Ogidadin waiba kanioditaman, tchi-baiatigong ki gipagidinigo, kitchi sagaiganan ki gibadakinindjiogo, kisindan gaie ki bada-kaigadenon ; misode gego ki giiji wissagenda-miigo. Songan ki wawiaawamin agiinenindi-soian : mano nin gadodagog tchi gjikamawa-gwa anichinabeg onindjiwan, osidawan gaie omatchi ijiwebisiwiniwan. Gassiamawichin Jesos ! minik kanichkiina amatchi aioia ni-nindjin, nisidan gaie. Jawenimichin tchiwi bwa minawa diia, kagini tchiwi babamito-na, takonichin songan kit inendamowining. Atchitchaiaï ininamawichin kakina aking endagog, kin eta nijke tchiwi sagiina.

Jesos nosse ! misode gego ki giiji wissa-gendamiigonaba opi bedakiwebinind ki tchi-baiatigom. Ka oginangitossinawa ki wissa-gendamowin opi wembakonigon. Apitchi ki gwanwadijin tchibaiatigong, Jesos, gwa-natch nosse ! kitimagenimichin ! Ki gigaga-

nodamowag nessikig, gaie ni dach nin gabonigidetawag jangenimidjig. Ki gigassiamowa kanita-gimodigobane omatchi ijiwebisiwin, gaie ni gassiamawichin kakina ni matchi ijiwebisiwin. Ki inawadiba kigachi Marie enind : wenidjanissingi ki gainenima Jean ; ijin keiabi nongo, wenidjanissingi tchi inenimid, nin gijenindis wegachingi kagini tchi inenimag. Koss ki ginagadjinijimig apitendagwad, agiinenimig tchi niboian ninawi ondji ; mi wendji mamandomina tchiwi bwanagadjinijimiian, missawa nagadjinijimiwad kakina anichinabeg. Songideechkawichin kagini tchi gwaiak inendama. Jesos nosse ! ki pagidinamon ni bimadisiwin, nin tchiibam ; keinenimiwane minik kewi bimadisiwane. Jawenimichin tchi gwaiak inadisiia ; inenimiian dach waiba tchi niboia, jawenimichin tchi mino niboia. Ka nin gotasin tchi niboia, nibowag ma kakina anichinabeg, ginibonaba gaie ki, ninawi ondji. Ni minwendam gaie ni tchi niboia tchi babamitona, tchi wawia-wamina minik kamo dodawiiian megwa abimadisiia ; ni minwendam gaie ni tchi niboia tchi gassiamawiiian minik kanichkiina ; ni minwendam gaie ni tchi niboia tchi wabamina wakwing. Nin dabidis nande ganage wakwing keinabiiamba, osam nin gimatchi bimadis. Nind apenimon kiiaw, Jesos nosse ! jawenimichin, kego pagidenimichike ; mach-

kawideechkawichin tchiwi bwa wika minawa
batadiia.

Jesos nosse! apitchi ki wawiiawamin
minik kaanmisiiamba kakina anichinabeg on-
dji. Ondjita ki mamandomin tchi iji mino
inabatchitoia kakina ki kotagendamowin.
Ni minwendam tchi niboia tchi gassiamawiian
ni matchi bimadisiwin; ni minwendam tchi-
wi bwa wika wasseiabiia tchi gassiamawiian
kakina nin bata-inabiwin; ni minwendam tchi
bagichkanag niiaw tchi gassiamawiian osam
agibabamendama niiaw; ni minwendam tchi
tatagokanigoia tchi gassiamawiian agisa-
segawendama niiaw; ni minwendam tchi a-
pitchi onadak tchi gassiamawiian minik kaiji
batadodasoia, abataweia, abatainendama, a-
batadodama. Kitchitwa Joseph, Arimathie
endaji aniniwiiian, apitchi ni minwendam agi-
inenimad kossina Jesos aginangwawad ajibi-
kong, agiinenindisoiamba, nin ninganang-
waogo ajonda opi niboia. Ondjita mamandom
Jesos tchi mino abitchiibaid opi abitchibaad
kakina tchibewininiwan.

Jesos kossina odikitowinan.

Abinodjiidig ! gwanwadjiig genaweniminegog, minik eji gagikiminegwa pisindamog ; winawa ma ki ganawendamagowag waiji padiginamoweg Kije-Manito ki tchiibamiwan ; winawa ogakagwedjimigowan Kije-Maniton, kegiji bimadisiieg ajonda aking.

Awi nechkimassiwind aianwenimindji, mi awi jaiaw bimadisid ; awi dach jangitang gagikindiwin, mi awi metchi bimadisid.

Awi pesindang Kije-Manito odikitowin, mi awi nwadjimoad otchiibaman, awi dach jangitang Kije-Manito odikitowin, mi awi benadjiad otchiibaman.

Ninidjanissidig ! pisindawig nebvakad gagikimineg.

Ninidjanissidig ! minadenimig waiapikwedjig.

Wassokawad gawai-enadisinidjin, " jaiaw bimadisi, awi dach wassokawad nanaw-enadisinidjin, mi go gaie wi eniinadisid.

Memechkwat jawenindig, eji jaweniminang Kije-Manito ; papagwach wewibitag tchi jawenimadwa enawemadjig gaie bekanisidjig.

Gagikindig memechkwat.

Kego wissokawiiekego metchi bimadisidjig.
Ojindamog osamitonowin, kego gaie awia
tajimiekego.

Agiwi baiatadidjig ka osagiassiwani otchiiba-
miwan.

Ojindamog maianadak, odapinamog weni-
jiching.

Baiatadidjig manisiwinissi odibenimigowan,
awi dach Kije-Manito saiagiad, ka wika bat-
dissi.

Kego awia jingenimiekego, kakina mino-
sagiidig.

Kichpin awia echpendang wiiaw, tatabas-
sendagos ; kichpin dach awia tebassendang
wiiaw, taachpendagos.

Abinodji kamino nitawigid, mi go eniinadi-
sid ketchi anichinabewidji.

Makawig, Kije-Manito tchi windamaweg
achkwa akiwang kegiinadisiieg ajonda aking.

Win ma kossina Jesos ki giiji windamago-
ma : enigokodeeieg ki gasagiawa Kije-Mani-
to, ki ga bejigo gwanwadjia.

Anamie-Nagamowinan.

I. *Eucaristiwin-nagamowinan.*

1.

Koss'na Jesos maimakadenimada,
 Hostiwining kakiso gwanwadjiada,
 Aking kagini kiwidigemigona,
 Gwanatch wiiaw gaie kit achamigona,
 Kit achamigona.

Ondjita ki jawenindagosimi ;
 Geget'osam ki minododagomi,
 Mechkwat gaie kinawi waodissada
 Kedichk tchi nodjimoinang ; sagiada,
 Songan sagiada.

Kitchitwa Marie, gwanatch ningachina,
 Kagini gagano damawichinang,
 Apitchi ki kitchitwa-wenindagos,
 Ekitoiani ki babamitag Jesos,
 Ki babamitag Jesos.

Anjeniwiieg widokawichinang,
 Jesos apitchi tchi wawiaawamang ;
 Songan sagiig, songan kitchitwa-winig,
 Babamitawig, kagini gwanwadjiig,
 Kagini gwanwadjiig.

Jesos nosse ! ondjita ki sagiin,
 Eucaristiwining ki gwanwadjiin,
 Minawa anawi ki giagoneton,
 Nind anwenindis, ki gababamiton
 Ki gababamiton.

2.

Jesos nosse !
 Ondjita ki sagiin
 Hostiwining ki gwanwadjiin
 Jesos nosse !
 Ki gadebweton
 Kagig ki gabamiton
 Jesos nosse !

Wabamichin,
 Epitchi kachkendama,
 Kagini aginichkiina,
 Wabamichin ;
 Nijingenindis,
 Songan nind anwenindis,
 Wabamichin.

Ka ondjita
 Minawa nin gadissi,
 Jesos ka nin ganichkiassi ;
 Ka ondjita
 Matchi anining ;
 Kawi nin gawidissi,
 Ka ondjita.

Nondawichin,
 Kawi webinichike,
 Kawi pagidenimichike ;
 Nondawichin,
 Nogenimichin,
 Nosse, jawenimichin,
 Nondawichin.

3.

Aniniwidig
 Endassowinsoieg !
 Kossina Jesos
 Hostiwining kaso,
 Makadenimig,
 Gwanwadjiig,
 Kedanidieg
 Pagidinamawig.

Ondjita geget'
 Ki sagiigona,

Gaie kinawi
Songan sagiada,
Jingenindanda
Jangenindang,
Bamitawada
Nananj ki tchi nibong.

Ki dodagona
Wenidjanissingi,
Gaie weossingi
Mechkwat dodawada.
Ka bapich gego
Gotasida,
Nasikawada
Ningot endiango.

Komuniwiieg
Mino inendamog,
Menodeedjig
Ningotawassidig.
Echkam, echkam go
Minodeeg ;
Metchideedjig
Gitimagisiwag.

Kije-Manito !
Ki bejigo igo
Pagidenimig,
Sasagiwitchigan
Tababad nande,
Ka ondjita ;

Mi eta gwanatch
Anamessikewin.

Kajaweningen !
Makawenimichin,
Ka bapich gego
Ki bwa nawitossin ;
Jawenimichin,
Nondawichin,
Nin batadowin
Gassiamawichin.

4.

Anichinabedig !
Mamakadendamog,
Geget' Hostiwining
Kakiso Jesos-Christ.
Kagig debwetawig,
Kagig bamitawig,
Nengo, nongo gwanwadjiig.

Waiji idisoieg
Ka ki wabamassiwa
Eucaristiwining,
Jesos win kossina,
Win ma giikito,
Ka ginawichkissi,
Songan, songan tanenimig.

Nabewiidisod,
 Inenindamaba :
 Nin gagessikonag
 Kedebwetawidjig.
 Hostiwining ebid
 Ki wicomigona,
 Wiaw kit achamigona.

Jesos Hostiwining
 Nind indanenima,
 Ka go wika gego
 Bwa inissinini,
 Ningot enendangi,
 Mi go dach eninig,
 Kakina onitawiton.

Ningotawassidig
 Wakwing kaassindjig,
 Tchiwi odissangwa,
 Songan nibwakada.
 Jesos-Christ kagini
 Mitchitch tchi wabamang,
 Pagwana debwetawada.

Marie ningachina !
 Awi ichin kide,
 Jesos kigwiss songan
 Aking tchi sagiag,
 Tchiwi jawenimid

Ganodamawichin,
Wakwing tchi widanakimag.

5.

Geget' Hostiwining kaso
Jesos gwanatch kossina,
Weni kegiagonetang,
Win ma go giikito.
Manito kaso nindeinang
Epitch' kitchitwawisid,
Gwanwadji gaie kin ninde,
Sagi, songan bamitaw.

Anichinabeng togoba
Megwa abimadisid,
Hostiwining dach ajabid,
Ka bapich nagosissi ;
Mitchitch nagosigobane
Epitch' kitchitwawisid,
Mamakadendamobanig,
Kakina anichinabeg.

Nibina ki ij' animisi
Tchiwi jaweniminang,
Kinawi kaondji nibod
Wakwing tchiwi assinang.
Kagig akinotawadanig

Wakwing endanakidjig ;
 Kitchitwa-winada Jesos,
 Gaie migwetch inada.

Kinoenj abwa wabamina,
 Nosse ! nin kotagendam,
 Epitch' nandawenimima
 Ni nijiwanadendam.
 Kagini kiga sagiin
 Enigokodeeia,
 Gaie ano nissigoia
 Jesos ! ki wi sagiin.

Minik wenidjanissidjig
 Wassa ki paginawag,
 Kiiaw go kit achamimi,
 Epitch' jawenimiiang.
 Pagidenindamoichin
 Ajonda endagog,
 Songan ajitenimichin
 Ki manitowiwining.

Ki Kije-Manitoowin
 Songan nind apenimon,
 Ki jawenindjigewining
 Songan mintchimenimichin.
 Makawenindamawichin
 Gwetch enenimiwane ;
 Tchiwi dibaiaganina
 Widokawenimichin,

Songan tchiwi sagiina
 Biskanenindan ninde,
 Tchi bwa wika nichkiina
 Songideechkawichin.
 Kin nijike debenda man
 Kakina ejiwebag ;
 Ki bejigo gwanwadjiin,
 Jesos, dibenimichin !

Osam nindagatchidee,
 Mangideechkawichin ;
 Apegich na sagiina,
 Epitch' sagiigosin.
 Niaw, nin bimadisiwin
 Kidibenindamonin,
 Kewi inenimiwane
 Mi kagini gediia.

6.

Epitching go nagamoda,
 Anipaswewe chinda,
 Napitch kitchitwa gjigad,
 Babaminawasida.

Jesos kitodissigona
 Epitch' jaweniminang,
 Eji jawenindagosing
 Mino 'nabatchitoda.

Jesos wiiaw pakwejigan
 Odijinagosiwin,
 Odomiskwinodan gaie
 Gegeti jominabong.

Mi wendji inenindisod :
 Nin gaab Hostiwining,
 Kagini enamiadjig
 Nin gawidanakimag.

Ondjita tanenimada,
 Kitchitwa Hostiwining,
 Pagwana debwetawada,
 Mitchitch tchiwi wabamang.

Ki jawenindagosimi
 Tchi widanakiminang.
 Endad papindigawada
 Tchiwi pagossemimang.

Napitch okitchitwawiton
 Kitodenawensina,
 Apegich onijichitod
 Eji mino enindang.

Songan bapinenimoda,
 Epitch' minododonang ;
 Kagini machkawendanda
 Tchiwi babamitawang.

Apegich dibaiganind
 Enigokwagamigag,
 Apegich kitchitwawinind
 Aking, tebichko wakwing.

7.

Eucaristiwining
 Jesos ebiian,
 Songan ki debweton,
 Dibenimichin !

Ki pagidinamon
 Minik endiia ;
 Jesos, gwanatch nosse !
 Anamietawichin !

8

Jesos, ki gwanwadjiin Hostiwining,
 Enigokodeeia ki sagiin.
 Jesos, debenimiian !
 Widokawenimichin !
 Jesos, gwanatch nosse !
 Dibenindan niaw
 Gaie nin tchiibam;
 Jawenimichin, wakwing
 Tchiwi wabamina.

Kin endanenimina
 Jesos, Eucaristiwining.
 Nosse, nondawichin !

9.

Gwanatch Jesos, } Hostiwining ebiian,
 Gwanatch nosse, } Nondawichin, makaweni'michin ;
 Ondjita gegeti nind anwenindis,
 Geget' osam ki giagoneton.
 Anjeniwiieg endassowinsoieg !
 Hostiwining Jesos gwanwadjiig,
 Kitchi songan Jesos kitchitwawinig,
 Bamitawig kagini,
 Kagini sagiig.

10.

Jesos, debenimin ! Jesos, debenimin ! endanenimina Eucaristiwining. Jesos, nosse ! ki gwanwadjiin, ki gwanwadjiin, kit apitchi sagiin, mojag ki gabamiton, mojag ki gabamiton, Jesos, Jesos, Jesos nosse ! Ki gwanwadjiin, ki gwanwadjiin, kit apitchi sagiin, mojag ki gabamiton, mojag ki gabamiton, Jesos, Jesos, Je-

sos nosse ! Jesos, Jesos, Jesos nosse ! Jesos,
 Jesos, Jesos nosse ! Jesos, Jesos, Jesos nosse !
 Jesos, Jesos, Jesos nosse ! Jesos nosse !

11.

Nongo ki pindigaw,
 Kin gwenatchiwin Jesos ;
 Mamakadendagwad,
 Geget' ki widigem.
 Kit indanenimin
 Kitchitwa Hostiwining,
 Nindeing ki gwanwadjiin.

Epitch' jaweningeh,
 Songan kit inenimin,
 Nosse ! kit abitaw.
 Nin kanichkiina,
 Epitch' sagiiian,
 Epitch' jawenimiian,
 Apegich ki sagiina.

Kin debenimiian !
 Ki bejigo enimin,
 Kin sa go kagini
 Ki wi babamiton.
 Minawas, kimij

Kiiaw gaie ki miskwim,
Mechkwat dach dibenimichin.

Jaiigwa tanassa
Geget' nin bonibimadis,
Kin eta niiawing
Jesos ki bimadis.
Ninde, nin tchiibam,
Nosse, onijichiton ;
Songan ki gagwanwadjin.

12.

Wawiiawamada
Jesos egwachiminang,
Wawiiawamada
Meno jaweniminang.

Wakwing anjenidig,
Wi gwanwadjada,
Jesos kejadisid,
Song'wawiiawamada. Wawiiawamada.

Kitapitenimigona
Wenidjanissangi,
Ki sagiigona
Aiano ginichkiang. Wawiiawamada.

Okijewadisiwining
 Wewidjianingi
 Kitinenimigona
 Kossina gwanatch Jesos. Wawiiawamada.

Enichinabewidjig
 Kagini achkoteng
 Nin gadagwachimag,
 Mi enenindang Jesos. Wawiiawamada.

Manisiwinissin
 Ewakanigodjig
 Nin gadabiskonag,
 Nab, nin gagessikonag. Wawiiawamada.

Kejewadisiia,
 Nin gajawenimag,
 Swanganamiadjig
 Niiaw nin gaachamag. Wawiiawamada.

Nin gawidigemag,
 Mojag odeiwang
 Nin gaabitawag,
 Nin ga daji bimadis. Wawiiawamada.

Ketimagisidjig
 Nin gawidokawag,
 Jawenindjigewin
 Nin gawinabatchiton. Wawiiawamada.

Aianwenindisodjig
 Nin gagassiamowag,
 Songan nebwakadjig
 Nin gamindjimenimag. Wawiiawamada.

Tchi machkawideewad,
 Ni wi widokawag
 Swanganam iadjig ;
 Mi enenindang Jesos. Wawiiawamada.

Enigokodeeiang
 Ki gwanwadjiinimi
 Nananj tchi niboiang,
 Nossina gwanatch Jesos ! Wawiiawa-
 mada.

13.

Makadenimada, gwanatch kossina
 Wiiaw kamininang kawiachaminang,
 Ki sagiigona, mi wendji dodonang.
 Ambessa na Jesos sagiada,
 Ambessa na Jesos sagiada.

Ki gwanwadjiinimi Hostiwining ebiian,
 Agi nodjimoiang, migweteh kitininimi.
 Songideechkawichinang, Jesos nossina !

Songan songan ki debwetonimi,
Songan songan ki debwetonimi.

14.

Jesos ! nongo echpinigon,
Ano ka kinagosissi,
Kitwe kitchitwa Hostiwining
Songan kit indanenimin,
Eji Kije-Manitowiiian,
Eji anichinabewiian,
Kin sa kit ikitonaba :
Mi ajiwi tchi abiia.

Ka gego ki bwa nawitossin,
Kawi ki ginawichkissi,
Mi ejiwebag kaikitoian,
Mi wendji song' debwetona.
Jesos nosse ! widokawichin,
Tchi echkam song' debwetona,
Missa wendji gwanwadjina,
Mi wendji nagamotona.

Abwa machi nissigoiamba
Geget' kit ikitonaba :
Nab ni wiaton ni miskwim
Anamie-minaganing.

Epitchi kitchi kijadisin,
 Epitch' ondjita sagiina,
 Ka ki gjawenindisossi,
 Awachime ki wijawenim.

Anich sa kitchitwa Hostiwin
 Pakwejiganing ipogwad,
 Anich ki miskwim minaganing
 Jominabong inagami :
 Nichkinjig ni waiejimigon,
 Anich dach ki wiwabamin,
 Kin ka debweienindagosin,
 Kin sa go ki widebweton.

Nin tchiibam, eji segisiian,
 Songan dach gwanwadji Jesos,
 Kagini nind inendamowin
 Apitchi mamakadenim ;
 Gaie dach ninde asakideg,
 Kitchi songan sagi Jesos,
 Kitchitwa Eucaristiwining
 Mojag kekisoidisod.

Nin tchiibam, ninde, nindenaniw
 Songan wawiiawamada.
 Weweni tchi gwanwadiina,
 Jesos ! ka nin gachkitossi,
 Songan ki wiwawiiawamin
 Kakina eji tania ;

Nosse ! ki wiwawiiawamin
Anamide gaie mitchitch.

15.

Kitanamikonimi kin geget' Jesos wiiaw
Hostiwining kekisoian, kin geget' Marie
kaogin ;
Kin sa tchibaiatigong ninawi ondji kanis-
sigon,
Kin ki gipagidendan kiiaw awi gijikama-
wiiang,
Jesos kajaweningen, Jesos wenijichiian,
Jesos, Marie kagin, jawenimichinang.

16.

Kaagwachingen ! Hostiwining
Nessakonaman wakwi.
Jaie ni jagoigomi,
Wi songideechkawiiang.
Kajiinang Kije-Manito,
Paiejigo gwanwadjiind,

Kewidj' danakimang wakwing,
Mi wadi tchi minawasing.

17.

Sagitoda Jesos wiiaw
Ketchitwa-wendagwadinig.
Aginibod, kasiginang
Omiskwim, gwanwadjitoda ;
Ki wigijikamagona,
Ki wisiginamagona.

Jesos abwa machi nibod
Owikoman wikanissan,
Odinan dach : jaie niiaw
Gigichpinadaganiwan ;
Abwa machi nissigoia
Ganapine wikwadida.

Midach eiod pakwejigan
Obitojan, ominan dach ;
Mi anawi pakwejigan
Kejinagwag, odinan :
Gegeti niiaw taate
Anaming maninagog.

Midach geget' endid Jesos,
Dassing enamessikengi,

Kawi bapich nagosissi,

Ki wikakisotagona.

Mojag songan debwetanda,

Te Jesos-Christ Hostiwining.

18.

Kitchitwa Eucaristiwining

Jesos songan ki debweton ;

Ka ma wi nongo atessino

Pakwejigan Hostiwining.

Ka ma wi minikwatchiganing

Atessino jominabo,

Kin sa, gwanatch nossina Jesos !

Songan kit indanenimin.

Ki bi nasikon, gwanatch Jesos !

Songan ki bi gwanwadjiin,

Enigokodeeian gaie

Ki bi kitchitwa-wenimin.

Ki wi songan wawiiawamin

Kanindajawenimiian.

Apegich, nosse ! minomina

Mojag aking, mojag wakwing.

Anjenidig endanisiieg

Pindj' anamiewigamig,

Weweni ki gwanwadjiawa
Jesos kit ogimamina.

Songan widokawenimichig,
Gaie ni tchiwi minomag,
Weweni tchiwi gwanwadiag
Jesos Hostiwining ebid.

Jesos nosse ! ki kitchi sagi,
Apegich na sagiina ;
Nin kaondji nissigoiamba
Awi bi agwachimiian.

Jaie kitchitwa Hostiwining
Kit apitchi kasoidis,
Kagini tchi widigemiian,
Songan tchi widoka wiian.

Jesos ! ki mamandagachkito,
Nin deing ki wi abitaw,
Kitchi mamakadenindagwad :
Ki ginichkiin, ki sagi.

Kiiaw, kimiskwim ki wi acham,
Mi wendji widigemiian ;
Mechkwat ki wi pagidinamon
Ninde, niiaw, nin tchiibam.

Ki kitchi mamakadenimin,
Nosse ! awidigenimiian ;

Songan widokawenimichin,
Tchiwi anwenindisoia.

Nongo nin pagidenindanan
Ni matchi dodamowinan ;
Jesos nosse ! pindigawichin,
Mi wendji apenimoia.

2. *Nagamowinan Jesos awi gwanwadjiind.*

1.

Jesos, neta-jaweningeian !
Minawa ki giagoneton ;
Ki pagidinamon nin tchiibam,
Kagini, kagini ki gadebweton.

Jesos, bonigidetawichin,
Wabandan epitchi achkendama.
Nosse, kin kejewadisiian,
Ambessa, ambessa, jawenimichin !

Kego pagidenimichike,
Anawi nin kitchi bataindind,
Anich dach, Jesos ! jawenimichin,
Ninawi, ninawi kaondji nibon.

Jesos ! ka onenimichike,
Apitchi songan nind anwenindis,

Kawi achkwa inenimichike,
Kagini, kagini ki gasagiin.

Jesos ! nind apenimon kiiaw,
Ondjita ma tchi gichpinajiian,
Ki miskwim ki migiwenaba,
Mi wendji, mi wendji apenimoia.

Kitchitwa Maria, ningachi !
Kagini ganawenimichin,
Songan gagano damawichin,
Ondjita, ondjita ki kijewadis.

2.

Nossina Jesos misode netawiton !
Kin eta kitchi songan ki sagiina.
Nossina Jesos saiagiina,
Apegich waiba wabamina.

Gegeti kawi gego ni sabendasin,
Kin eta kagini kiwi makwenimin.
Nossina Jesos etc.

Ka ningotchi nind iji minawasissi,
Waiba achichin kit anwebiwining.
Nossina Jesos etc.

Apegich geget' bon' bimadisiamba,
 Wakwing kagini tchiwi widigemina.
 Nossina Jesos etc.

Ondjita ninde ki nandawenimigon,
 Eji nandobid michewe nebagwedji.
 Nossina Jesos etc.

Wab'miming iji oningwiganaiaambia,
 Kakejdine wakwing nind agijisse.
 Nossina Jesos etc.

Ondjita ki kitchi mamakadendagos,
 Kakina wassa kitanikikendagos.
 Nossina Jesos etc.

Mi ejideen wi iji deeichin,
 Nibwakawining echkam inenimichin.
 Nossina Jesos etc.

Nossina Jesos, kin neta-jaweningen !
 Pindigajichin ki minawasiwining.
 Nossina Jesos etc.

Abiskonichin, nosse ! abiskonichin,
 Waïba niboia tchiwi widigemina.
 Nossina Jesos etc.

3.

Jesos saiagiiang,
 Ki jawenimimi,
 Kitchi debisiwining
 Kitinenimimi.
 Mojag dibenimichin,
 Gwanatch Jesos !
 Ondjita go ki minin
 Nin tchiibam.

Ki ganimiidis,
 Tchi minawasiiang ;
 Ki gipagidenindis
 Eji sagiiang.
 Mojag dibenimichin etc.

Aking ki ganimis,
 Wakwing tchi ijaiang ;
 Ki gikotagenindam,
 Tchi minawasiiang.
 Mojag dibenimichin etc.

Ki mino dodawimi :
 Migwetch, gwanatch Jesos !
 Kakina endatchiiang
 Dibenimichinang.
 Mojag dibenimichin etc.

Jesos, debenimiiang !
 Jawenimichinang,

Angotamawichinang
 Kabi aindiiang.
 Mojag dibenimichin etc.

Kakina batadowin
 Nin pagidendana,
 Ki wi sagiinimi,
 Keako nesseiang.
 Mojag dibenimichin etc.

Ki dibenindamonin
 Nin bimadisiwin,
 Keinenimiwane
 Mi kagig gediia.
 Mojag dibenimichin etc.

4.

Jesos Christos ni songenima,
 Jesos Christos ni sagia,
 Ondjita ma sagiigosi,
 Ninde nind apitchi mina.
 Jesos Christos etc.

Jesos nosse, ki gwanwadjiiñ,
 Jesos nosse, ki sagiin,
 Ondjita ki wawiiawamin
 Eji mino dodawiian ;
 Jesos nosse etc. 12

Jesos nosse, dibenimichin,
 Jesos nosse, widjiwichin,
 Gwaiak nind agibabanadis
 Bwa songan widokawiijan.
 Jesos, nosse etc.

Wi sagiig gaie kinawa,
 Wi sagiig, songenimig ;
 Kego wika nichkiakego,
 Mojag songan debwetawig.
 Wi sagiig etc.

Epitchiieg kitchitwawinig,
 Epitchiieg bamitawig ;
 Kagini ki gaminawasim,
 Wakwing ki gadebiigoa.
 Epitchiieg etc.

Ejideed ijideeda,
 Ejideed anidida,
 Kawi agonetawassida,
 Mojag babamitawada.
 Ejideed etc.

Misi gego manenindanda,
 Misi gego webinanda,
 Jesos eta bamenimada,
 Mojag dibaiganada.
 Misi gego etc.

Ogimadig ! Jesos sagiig,
 Ogimadig ! gwanwadjiiig,
Kagini taogimawiwān
Odogimawiwānini.
Ogimadig ! etc.

Kagini go jajawenindig,
 Kagini go sagiidig ;
Ka bamenindamadikego
Ki matchi dodadiwintiwan.
 Kagini go etc.

Mino Marie ! gwanwadji kigwiss,
 Mino Marie ! sagi Jesos,
Wi gaganodamawichinang
Kagini gwaiak tchi diiang.
 Mino Marie ! etc.

5.

Ondas ijan, ondas, Jesos ! ki nibin, kitima-
 genimichin, ondas.

Kawi gego ni sabendasin epitch' nandawe-
 nimina, ondas.

Ondas, Jesos, gwanatch nosse ! kin neta-
 jaweningen !

Dibenimichin, apitchi gwanatch nosse ! on-
 das, ondas, ondas ijan.

Ondas, Jesos, kin neta-jaweningen !
 Nosse, gwanatch nosse ! ki debweton, ki
 sagiin, ondjita ki sagiin, kin eta ondjita ki
 sagiin.

6.

Geget' apitchi gwanatch wakwing,
 Apitchi modjigendagwad,
 Wakwing eji wasseiadisin,
 Jesos ! kit indanenimin.
 Debenimin wakwing,
 Apegich achiian, apegich achiian.

Wakwing ki minwabaminagos,
 Epitch' wasseiadisiian,
 Epitch' songan kijewadisiian,
 Gwaiak ki kikenindagos.
 Debenimin wakwing etc.

Kakina go wakwing endadjig,
 Kit apitchi minawasiag,
 Aking aganimisiwad,
 Ki modjigenindamiag.
 Debenimin wakwing etc.

Apitchi songan nind achkendam,
 Mojag awi nichkiina ;

Apegich songideechkawian
 Nongo tchi boni batadiia.
 Debenimin wakwing etc.

Kin Jesos saginindjinichin,
 Onjita nin gitimagis.
 Jesos nosse ! iji wijichin
 Wakwing kainamog mikan.
 Debenimin wakwing etc.

Ajonda aking nind animis
 Wassa aj'abiiian wakwing ;
 Inenimiian mi gediia,
 Wakwing tchi widigemina.
 Debenimin wakwing etc.

Jesos ! nissakwanamawichin
 Wakwi giniboa aking,
 Tchi kitchi minawasimina,
 Kagini tchi sagiina.
 Debenimin wakwing etc.

3. *Nagamowinan kitchitwa Marie awi gwan-wadjiind.*

1.

Marie, gwanatch ningachina !
 Gaganodamawichinang

Megwa tchi bimadisiiang
Gaie wi ani niboiiang.

Jesos songan sagiada,
Jesos wawiiawamada,
Mojag dibaiganada
Gaie babamitawada.

2.

Maria, genawenimiiang,
Jesos Christos wegossiian !
Ganodamawichinang.

Ki sagiig Jesos.
Songan sagiada, songan sagiad:
Aginodjimoinang.

3.

Anjeni ikito.

Kitanamikon Maria !
Kin kitchi minawanigos,
Manito ki widigemig,
Kidj' akweg ki pakinawag.

Marie ikito.

Kin debenimiian ! kikendamojichin,
 Wegwenidig awi kaanamikawid ;
 Mamakadakamig endiia, ni segis,
 Kin dach, gwanatch nosse ! ganaw abamichin.

Anjeni ikito.

Ka segissike, Maria !
 Ki sagiig Manito,
 Pisindan odikitowin,
 Pisindan, apitchi ino.

Marie ikito.

Weweni taga dibatchimotawichin
 Keinenimigwe debeniminang,
 Kawi wika nin gaagonetawassi,
 Keinenimigwe mi mojag gediia.

Anjeni ikito.

Apitchi ki jawendagos,
 Ondjita gwanatch Maria !
 Ningwissan ogaonidjanissinan,
 Kitinenimig Manito.

Marie ikito.

Aianjeniwiiān ! tanidach keinogwe ?

Ka wika anini nin gikikenimassi,
Jajaie gegeti eko inendama :

Nananj tchi niboia tchi gigangowiiā.

Anjeni ikito.

Kakina onitawiton
Debeniminang Manito,
Jaie ki gaonidjanis,
Anawi ki gagigangow.

Marie ikito.

Nin dibenimig kossina wakwing ebid,
Nin kitchi inendam tchi babamitawag.
Osam apitchi songan nin jawendagos,
Keinenimigwe mi mojag gediia.

Mi opi Kije-Manito ogwissan
Eniniwiidisod, eniniwiidisod.

Ondjita songan sagiada kigachina Maria,
Ningodino endiango makwenimada,

Keako nesseng kitchitwawinada,
 Tchi sagiinang boni batadida,
 Tchi minweniminang anamiada,
 Gego menesiango pagossenimada,
 Ka wika jingenimassida,
 Enigokodeeiang kagini ikitoda :
O Maria ! O Maria ! O Maria !
 Apine apine dibenimichinang.

5.

Ki kitchi binis, Maria ! (*nijing.*)
 Ka wika gego ki wiagichkagossin. (*nijing.*)
 Kin ki kitchitwawenimi,
 Kin ki minawasiimi.
 Ondjita ki kitchitwawiton nindakina,
 Mojag ki songeniminimi,
O Maria ! O Maria !
 Kiga gitawenindam,
 Neta-jaweningen !
 Jawenimichinang,
 Gaganodamawichinang,
 Angwamenimichinang.

6.

Kin kitchi mamakadendagos, gwanatch
Maria;

Kitonidjanis bekich ki gigangow;

Kin kitchi mamakadendagos,

Kin kitchi mamakadendagos, gwanatch
Maria.

Wakwing endanakiieg, aking bemadisiieg,
Jesos ogachiwan gwanwadjig, songenimig.

Kin kitchi mamakadendagos etc.

Nab ikitoda : sagiada ; anjeniwag akinota-
wadag inaanda : apine apine

Kin kitchi mamakadendagos etc.

7.

Wakwing ija Maria, minawanigwenindanda,
Epitch' achpenindagosiwad anjeniwag,
Awachime achpenindagos Maria.

Wakwing ija Maria, minawanigwenindanda,
minawanigwenindanda.

Wakwing nongo abi Maria, kitchi minawasi,
Wadabimad Jesossan ogwissan Maria.

Gwanw adjiada Maria, sagiada, wakwing
Tchi wi tchi minawanigosimang.

Apegich na Jesos babamitawiiang.
 Minawanigwenindanda, minawanigwenindan-
 da. (*nijing.*)

8.

Maria, neta-jaweningeian !
 Ogiwin mamakadendagwad,
 Kin kawi gego ki giwiagichkagossin batadowin,
 ganawenimichinang, ganawenimichinang.
 Ketchitwa-wendagosid etc.

9.

Wenidjanissimiiang
 Ganawenimiiang,
 Gwanatch Marie !
 Gaganodamawiiang,
 Kin wegachiminang,
 Neta-jaweningen,
 Gwanatch Marie !

Jesos kanigliad,
 Ki ga babamitag,
 Gwanatch Marie !
 Tchi jawenimiiang
 Abinadisiiang

Gaie wi niboiang,
Gwanatch Marie !

10.

Gagangowiian,
Jawenimiian,
Ninge, ninge, gwanatch Marie !
Widokawichin,
Tchi jawenimid
Jesos, Jesos Christos kigwiss.

11.

Kitanamikon, gwanatch Marie ! kakina
kidj' akweg ki pakinawag, Kije-Manito ogwis-
san kit ogwissima, keiabi ki gigangow.

Kitchitwa Marie, wegachiminang, gagano-
damawichinang.

Ketchitwa-wendagosid etc.

12.

Kitchitwa Marie !
Kin debenimadwa

Anichinabeg
 Gaie anjeniwag,
 Wenidjanissimiiang,
 Songideechkawiiang,
 Kagini wi ganawenimiiang.

Kije-Manito
 Ki giowenabamig,
 Wegachiminang !
 Tchi widokawiiang.
 Eji kotagitoiang,
 Ka webinijikange,
 Geget' nin kitchi animisimi.

Tchiwi bwa wika
 Banadjiiiamind
 Matchi manito,
 Widokawichinang.
 Ki kitchi sagiimi,
 Kit ogachiminimi,
 Songan gaganodamawichinang.

Wegachiminang !
 Jawenimichinang ;
 Apegich mojag
 Kitchi sagiinang,
 Apegich gaie Jesos
 Kitchi sagiangid,
 Jesos epitch' bejigo sagiind.

Kitchitwa Marie,
 Jesos wegossimad !
Ki kijewadis,
Ki sagiinimi,
Ki ganawenimimi,
Migwetch kit ininimi ;
Apegich mojag babamitonang.

Jawenimiiang
 Abimadisiiang,
Jawenimiiang
Opi wi niboiang;
Tchiwi kagini wakwing
Wi minawasiminang,
Kije-Manito tchi wabamangid.

13.

Jesos wegossiian,
 Kagig gaie bekich
Kagigangowiian,
Ki minominimi.

Gwanatch Marie ! wakwi
 Kewinissakonang,
Inenimichinang
Wakwing tchi ijaiang,

Ka nodjimoiiang,
 Ka mijiamind
 Nitam akwa Eva,
 Jawenimichinang.

Maria, abiskon
 Neta-batadidjig,
 Wassenamaw gaie
 Tebikatisidjig.

Miwitawichinang
 Anotch kaanimag,
 Bidawichinang dach
 Mojag wenijiching.

Wabandaichinang
 Ej' ogimig Jesos,
 Ki ginigiaba
 Tchiwi agwachinged.

Ki sagiig Jesos
 Ga ie ki bamitag,
 Neta-j aweningen
 Jawenimichinang.

Kin gagangowiiian !
 Kapakinawadwa
 Kakina gigangwag,
 Akijewadisin.

Inenimichinang
 Tchi binadisiang,
 Tchi kagini wakwing
 Wabamangid Jesos.

Anisso-bejigod
 Songan sagiada,
 Jesos ogachiwan
 Gaie sagiada.

4. *Nagamowin negamong Noel abwa odji-tchisseg.*

Ondas ijan, nossina
 Jesos neta-jaweningen !
 Wiagwachimichinang,
 Ondas, ondas, ondas !
 Jesos ! wibi ijan aking
 Nin kitchi animisimi,
 Wibi kessikonichinang.
 Ondas ijan, nossina etc.

Misode go maianadak
 Niwi ma wi nechkagona,
 Songideechkawichinang.
 Kakina batadowin
 Songan nin gajagotona,
 Songideechkawi ang,

Ondas, ondas, ondas !
Ondas ijan, nossina etc.

Ki kitchi nibwakawining
Iji nibwakaichinang,
Tchiwi wika onichinang
Sakinindjinichinang,
Mojag tchi nossoadoiang
Wakwing enamog mikan.
Ondas, ondas, ondas !
Ondas ijan, nossina etc.

Ka jaiaw nindindissimi,
Nin pagwanawadisimi,
Gwaiak inadjiichinang
Megochkatchiiamind,
Tchiwi bwa jagoiiamind
Nijokawenimichinang.
Ondas, ondas, ondas !
Ondas ijan, nossina etc.

Nindonachkweienindami,
Osam nin gibatadimi,
Jesos, jawenimichinang
Wakwing tchiwi ijaiang.
Aking inenimichinang,
Kewi inenimiang.
Ondas, ondas, ondas !
Ondas ijan, nossina, etc.

Epitch' nita-batadiiang
 Aianwenindisoiangi,
 Waiba neiab nindindimi,
 Songideechkawiiang,
 Tchi apitchi bonitoiang
 Jangenindamawiiang
 Ondas, ondas, ondas !
 Ondas ijan, nossina, etc.

Egatchingi nindindimi
 Matchi ijiwebisiwin,
 Kakina nindjaginana,
 Ka webinichikangi.
 Songan nind apenimona
 Ki jawenindjigewin.
 Qndas, ondas, ondas !
 Ondas ijan, nossina, etc.

Ni webinana Lucifer
 Omatchi inadisiwin,
 Ni jingenindamowana ;
 Apegich takobinad,
 Tchiwi bwa jagoiiamind,
 Apine na takobich.
 Ondas, ondas, ondas !
 Ondas ijan, nossina, etc.

Jesos dibaiganada,
 Ondjita gwanwadjada,
 Mojag babamitawada ;

Aianimisiango
 Jesos pagossenimada,
 Mojac gaie inada :
 Ondas, ondas, ondas !
 Ondas ijan, nossina, etc.

5. *Noel-nagamowinan,*
opi wedjitchisseg Jesos aginigid.

1.

Minawanigosiwin ni mochkinechkagon,
 Jajaigo kabiind kit odissigona,
 Ogibinigiigon gagangowinidjin.

Wakwi, gaie ki aki mamakadendamog,
 Wajaweniminang anomiaia ginigi
 Pijikiwigiwaming mijachking jingichin.

Anjenin debenimad kitchi animisi,
 Anichinabeg ondji animiidiso,
 Tikinaganing mawi, kitchi kotagito.

Wiagi awessiian kakina echamad
 Gitimagiidiso, bakade, bingedji,
 Papagiwaianensing tadibitechipiso.

Aniniwiidiso epitch' sagiinang,
 Mi wendji dodadisod tchi abiskoninang,
 Achpiming wakwing tchiwi minawasiinang.

Agatchiidiso misode endanisid,
 Animikin kajiad kawi nitawessi,
 Misode gego kagijitod bwanawito.

Wakwing endanakidjig aminawasiwad,
 Ogidakamig bekich sasagisibingwa :
 Gibija aking tchi debiinang wakwing.

Jesos gegeti ki kitchi sagiigona,
 Ondjita bwa sagiad kide manibiton,
 Osam ki matchi ode wassa apagiton.

Echkam tchiwi sagiang wikwatenindanda,
 Kakina batadowin pagidenindanda,
 Anamiewin songan babamenindanda.

Epitching sagiada, bekich ikitoda :
 Kitchitwa-winind wakwing Kije-Manito,
 Aking dach wanakiwad meno inendangig.

Bethleheming ginigi
 P'jikiwigiwaming ;
 Ki jawenimigona,
 Ki nodjimoigona,
 Jesos sagiada,
 Jesos sagiada,
 Jesos sagiada.

Adam inawindiba
 Ki ginissigona,
 Mamakadenimada :
 Win Kije-Manito
 Awi nodjimoing
 Aniniwiidiso.
 Jesos sagiada, etc.

Jesos gwanwadjada,
 Wawiaawamada,
 Awi minawasiang
 Animiidiso.
 Wiaaw ki minigona,
 Eji jaweniminang.
 Jesos sagiada, etc.

Pagidinamawada
 Mechkwat kiiawina ;
 Tchi bwā wika nichkiang
 Ondjita gotanda.
 Tchiwi babamitawang

Songan inenindanda :
Jesos sagiada, etc.

Anjeniwidig, wakwing
Jesos gwanwadjiig ;
Aking endanakiieg,
Jesos songenimig,
Mojag babamitawig
Gaie wawiiawamig.
Jesos sagiada, etc.

3.

Aianjeniwiieg !
Kamino nagamoieg
Wadibi, ginigi
Abinodji kabiang,
Ajiwi ajabiwad
Marie gaie Joseph.

Bethleheming ginigi
Pijikiwigiwaming,
Kitchi animisi,
Ijag awi wabamig,
Ajiwi ajabiwad, etc.

Kotagiidiso,
Tchiwi minawasiieg,

Songan gwanwadjiig
 Gaie dibaiganig ;
 Ajiwi ajabiwad, etc.

Nidjikiweidig !
 Nongo wewibitada,
 Aw i wabamada,
 Aw i gwanwadiada,
 Ajiwi ajabiwad, etc.

Mi awi jengiching
 Kagijiinang aking,
 Ginigi wadibi
 Aw i nodjimoinang,
 Ajiwi ajabiwad, etc.

Ni jawenindagos,
 Ondjita ni minwendam,
 Ni wabama Christos,
 Nongo beka nin ganib,
 Ajiwi ajabiwad, etc.

Nidjikiweidig !
 Songan anamiada,
 Mojag nibwakada,
 Jesos bamitawada.
 Ajiwi ajabiwad, etc.

Ni jawenindagos,
 Ni mina nin tchiibam,

Apine apine
 Nin gadibaigana.
 Ajiwi ajabiwad, etc.

Marie gaie ki Joseph!
 Ganodamawichinang,
 Jesos tchi kagini
 Songan babamitawang.
 Ajiwi ajabiieg, etc.
 Marie gaie Joseph.

4.

Kakina minawasida,
 Ki mino nondagemi,
 Kinawi wendji ginigid
 Kije-Manito ogwissan.

Marie gagangowinidjin
 Oginigiigon dach,
 Ochkatang ogigijian
 Wenijichit-Manito.

Jesos taijinikaso,
 Gwanatch odanosowin !
 Songan dibaiganada
 Gaie gwanwadjada.

Ondjita ki kijewadis,
 Ondjita gwanatch Jesos !
 Kakina anichinabeg
 Kitimagenimag.

Kitanamiçon Maria !
 Jesos kanigliad ;
 Gegeti kitogwissima,
 Anawi ki gigangow.

Songan minawasin, Joseph !
 Kiwich gigang gibini
 Kije-Manito ogwissan
 Aniniwi dach gaie.

Kagini pibagimada
 Jesos, Maria, Joseph ;
 Kakina minik endiiang
 Mojag songenimada.

Kakina minik inweda
 Enigokodeeiang,
 Jesos babamitawada,
 Wakwing tchi widigemang.

6. *Nagamowinan negamongin akitchimakadekegijigak.*

1.

Wabamada tchibaiatig,
Makawenimada Jesos :
Wakwing tchi minawasiang
Tchibaiatigong ginibo.

Wabamada endodawind,
Jesos ossidang, onindjing,
Ochkinjigong gaie odeing
Endodawind opi nessind.

Ki kitchi sagiigona,
Kinawi ondji dodawind,
Kinawi giondji nibo,
Ki ginodjimoigona.

Ki jawenindagosimi,
Wiiaw omigwenaba,
Omiskwim ogisiginan,
Opi wagichpinaninang.

Kitagidanakisomi
Kagini anamakamig,
Nibossigobane Jesos
Ki giagwachimigona.

Jesos epiteniminang,
 Mojag songan sagiada,
 Mojag dibaiganada
 Gaie babamitawada.

Jesos nosse ! ki debweton,
 Ki pagidinamon niiaw ;
 Kagini ki gasagiin,
 Gaie ki gagwanwadjii.

2.

Nondawichin, gwanatch nosse !
 Kin neta-jawenimiiang !
 Jawenindamitawichin,
 Ondjita nin gitimagis.

Osam animad endiia,
 Kagini ki ginichkiin,
 Mojag nin gibataindind,
 Nin kitchi agatenindis.

Kawi gego inendange
 Agi kitchi nichkiina,
 Songan nind anwenindis,
 Ka minawa nin gadissi.

Kigwiss ninawi kaondji
 Omiskwim agisiginan,
 Ninawi kaondji nibod,
 Mi keondji jawenimiiang.

Manito kagijiian !
 Ka pagidenimichike,
 Mojag ganawenimichin
 Gaie makawenimichin.

Kagini ki gadebweton
 Gaie migwetch ki gainin,
 Songan ki gababamiton
 Kagini ki gasagiin.

3.

Wi makawig baiatadiieg,
 Weweni anwenindisog,
 Wi bonitog enadisiieg,
 Webinamog batadowin.
 Webinamog batadowin,
 Wakwing wi oditameg.

Webinamog kiwanisiwin,
 Webinamog manadwewin,
 Webinamog kiwachkwebiwin,

Webinamog tchissakiwin.
Webinamog batadowin, etc.

Gaiat matchi inadisiwin
Ondjita go wi bonitog,
Dibaigeg anamiewin,
Wakwing tchiwi oditameg.
Webinamog batadowin, etc.

Anotch kego menitokeieg
Kawi Manitowasino :
Bejigo ma Kije-Manito,
Win nijke gwanwadjiiig.
Webinamog batadowin, etc.

Webinamog nichkenindiwin,
Kagini mino sagiidig,
Wisagitog bekadisiwin,
Mojag ki gaminawasim.
Webinamog batadowin, etc.

Angwamisig wechkinigiieg,
Webinamog minikwewin ;
Matchi nibich passaamadig,
Ki gamino-jawenindim.
Webinamog batadowin, etc.

Taga kichkweg wesamitoneg,
Osam ki nita-batawem,
Anwebitog kidenaniwan,

Beka tchiwi odenawang.
Webinamog batadowin, etc.

Awas ijan, neta-batawen,
Songan ki kitchi jingiton,
Gegeti kimagochkasiton
Awas ijan, bonimichin.
Webinamog batadowin, etc.

Jaie geget' ni jingenindan
Misode go maianadak,
Nin kitchi songan anwenindis,
Ka minawa nin gadissi.
Webinamog batadowin, etc.

4.

Mojag anamiewin
Widibaigeda,
Kije-Manito eta
Songan sagiada.
Matchi inadisiwin
Kakina, kakina,
Matchi inadisiwin
Kakina webinanda.

Memanitowisidjig
Agonetawadag,

Ka bamenimassidag
 Metchi magochedjig.
 Matchi inadisiwin, etc.

Mojag angwaminanda
 Kigondagananin :
 Nibadisiwin geget'
 Kitchi batadowin.
 Matchi inadisiwin, etc.

Matchi kiwanisiwin
 Pagidenindanda,
 Ondjita jingendanda
 Anotch manadwewin.
 Matchi inadisiwin, etc.

Kawi pisindasida
 Osam-midonowin,
 Songan agonetanda
 Babamatchimowin.
 Matchi inadisiwin, etc.

Anamie-gijigak
 Wi gwanwadjitoda,
 Kagini anwebiwin
 Wikwatenindanda.
 Matchi inadisiwin, etc.

Kedichk kijikawadag
 Mesinaamawangog,

Agatenindagosig
 Neta-gimodidjig.
 Matchi inadisiwin, etc.

Kitimagendagosig
 Neta-minikwedjig ;
 Matchi bimadisiwin
 Otchaginanawa.
 Matchi inadisiwin, etc.

5.

Kije-Manito oganonan baiatadinidjin.

Nasikawichin ambe, ninidjaniss !
 Ondas ijan, jajaie ki biin,
 Osam, osam ki kitchi gitimagis,
 Ondas ijan, ki gajawenimir..

Agindan minik kamino-dodona,
 Wakwing tchi ijan ki gigijiin ;
 Agindan minik kajawenimina,
 Mi minik dach agonetawichin.

Ondjita weweni ki gibiiin,
 Wegone dach echkendamiina ;
 Kakina endaniian ki giminin,
 Ikiton wegone nechkiina ?

Batinadon ki batadowinan,
 Anich dach mano nasikawichin,
 Bonendan ki matchi dodamowin,
 Apitchi dach ki gajawenimin.

Wenidjanissingi kit inenimin,
 Weossingi ka ki dodawissi.
 Ninidjaniss ! nindeing ki giasssin,
 Anich dach ka ki bamenimissi.

Ondjita kin wendji kagansomina
 Debwetawin ki gajawendagos ;
 Ki gadebiin epitch' sagiina,
 Agonetawin dach ki gatchagis.

Wakwing kagini tchi debiina
 Ni nibonaba tchibaiatigong.
 Ninidjaniss ! songan ka sagiina
 Pangichinge anamakamigong.

Nasikawichin ambe, ninidjaniss !
 Ondas ijan, jajaie ki biin,
 Osam, osam ki kitchi gitimagis,
 Ondas ijan, ki gajawenimin.

Baiatadigid anakwetawad Kije-Manit on.

Jesos nosse ! jaie nind anwenindis ;
 Sasagwana ki giagoneton,

Gegeti apitchi ni jingenindis,
Jesos nosse ! ki gababamiton.

7. *Pâque-nagamowinan,*
opi wedjitchissegi agiabitchiibaidisod Jesos.

1.

Alleluia, alleluia, alleluia,
Geget' Jesos abitchiiba,
Kakina modjigisida,
Kawi gego gotasida.
Alleluia, etc.

Ki kitchi sagiigona,
Ki gjawenimigona,
Kinawi ondji niboba.
Alleluia, etc.

Wiiaw omigiwenaba,
Omiskwim ogisiginan,
Wakwing tchi minawasiang.
Alleluia, etc.

Apitchi ki jawcndagos,
Gwanatch Marie ! kigwiss Jesos
Giabitchiibaidiso.
Alleluia, etc.

Kitchitwa-wenindagosí,
 Ondjita sagiigosí,
 Ka minawa tanibossí.
 Alleluia, etc.

Jesos wawiiawamada,
 Mojag dibaiganada,
 Songan babamitawada.
 Alleluia, etc.

Jesos makawenimada,
 Wakwing mojag inabida,
 Tchiwi ijang, nibwakad
 Alleluia, etc.

Jesos nosse ! ki sagiin,
 Mojag ki gasongenimin
 Gaie ki gagwanwadjin.
 Alleluia, etc.

2.

Jesos win debeniminang,
 Apitchi minawasida,
 Gwanatch agiabitchiibad.
 Alleluia, etc.

Epitoweng minomada
 Jesos dach ako inada :

Gwanatch agiabitchiibad.
Alleluia, etc.

Aking ki gikotagito,
Ninawi kaondji nibon,
Kiiaw ki migiwewamba.
Alleluia, etc.

Jesos mi kedodawiiang
Opi keabitchiibaiang,
Kichpin babamitonang.
Alleluia, etc.

Jesos ! kajawenimiiang,
Migwetch, kainenimiiang
Tchi mino abitchiibaiang.
Alleluia, etc.

Mamakadakamig end'ian :
Ki migiwewamba kiiaw,
Ki wi abitchiibaimi.
Alleluia, etc.

Migwetch ki bi ininimi,
Ki bi gwanwadjiiinimi
Kaabitchiibaidisoian.
Alleluia, etc.

Ki makadeniminimi.
Nibowin debenindaiman,

Gwanatch kaabitchiibaian.
Alleluia, etc.

Ki wi gwanwadjiinimi,
Anamakamig kebaaman,
Gwanatch kaabitchiibaian.
Alleluia, etc.

Ki wawiiyawaminimi,
Ondjita egwachimiiang!
Gwanatch kaabitchiibaian.
Alleluia, etc.

3.

Ambessa ikitoda,
Nagamoda :
Jesos debeniminang
Sagiada,
Songan wawiiyawamada,
Kitchi bekadisi, kijewadisi ;
Sagiada, sagiada, sagiada.

Ki jawenimigona
Endodonang,
Ki mino dodagona
Endatchiiang ;
Wakwing tchi minawasiiang

Animiidiso, ginigi aking ;
 Sagiada, sagiada, sagiada.

Ki widigemigona
 Ogidakamig,
 Ki gikaskiigona
 Omiskwiming.
 Abi Eucaristiwining,
 Makadenimada, bamitawada,
 Sagiada, sagiada, sagiada.

Ondjita webinanda
 Batadowin,
 Gaie pagidendanda
 Manadwewin,
 Matchi manito kasowin.
 Mojag nibwakada, anamiada.
 Alleluia, alleluia, alleluia.

Kiga kitchi sagiin,
 Gwanatch Jesos !
 Ondjita ki wi minin
 Nin tchiibam.
 Ki kitchitwa-wenindagos,
 Ki gababamiton, ki gadebweton.
 Alleluia, alleluia, alleluia.

4.

Maria wakwing wegimakwewiian, minawasin, alleluia.

Jaie giabitchiibaidiso kigwiss Jesos, alleluia.

Mi kaikitogobane abwa nissind, alleluia,

Gaganodamawichinang wakwing, alleluia.

Minawasin Maria gagangowiian, alleluia. ;

Gegeti debeniminang giabitchiibaidiso, alleluia.

*8. Pentecôte-nagamowinan,
Wenijichit-Manito awi gwanwadiind.*

I.

Ondas ijan, ki biin,

Meno-Manitowian !

Kitimagenimichin.

Ondas gwanatch Manito !

Ondas jewenimiiang,

Waiassenamawiiang.

Ondjita nindanimis,

Nindagibabanadis

Bwa widokawiiamba.

Onendan kabidiia,

Apitchi ni jingendant

Minik kanichkiina.

Ni matchi dodamowin

Bonigidetawichin,

Songideechkawichin.

Nanawanj ni bimadis,

Kin neta-jaweningen !

Ambe, nodjimoichin !

Meno-Manitowiian !

Andjitawichin ninde,

Tchiwi minodeeia.

Kitchi gwanatch achkote !

Sakaan mojag ninde,

Songan tchi sagiina.

Mojag ni jagwenindis,

Nin gamachkawenindis,

Songideechkawian.

Mojag ki gadebweton,

Ki gawibabamiton

Gaie ki gasagiin.

2.

Mino-Manito !jawenimichinang,
 Nindeinang bi dagwichinin,
 Kinaamaw jangenimiamind,
 Tchi bwa wika gego batadiiang,

Ondas ijan, Meno-Manitowian !
 Wassakwanenindamawichinang,
 Tchi gwaiak iji bimadisiiang,
 Midach wakwing tchiwi oditamang.

3.

Mino-Manito ! pinajissen,
 Nindeinang bonin,
 Tchagisan, tchagisan, kakina tchagisan.
 Kin kit ojitonaba,
 Kin ki dibenindan,
 Mochkinadon, mochkinadon kit onijichiwin,
 Tchiwi bwa pindiged manisiwinissi.

4.

Ondas ijan, kagijiang !
 Kin Meno-Manitowian !
 Nasikaw kagijadjig,
 Mochkinadaw odeiwan.

Kin jeweningen, nanjissen,
 Oditan dach nindeinang,
 Tchiwi minawanigoton,
 Ka nissidami dodamang.

Mojag pindjina tibikat
 Endad nin tchiibamina,
 Kin dach wassenamawichinang,
 Tchi gwaiak inadisiang.

Ni segisimi endiiang,
 Ondas tchi widokawiiang ;
 Ni wi jagoigona win
 Manito jangenimiamind.

Kikenindamojichinang
 Kin kinigak Weossimind,
 Kin tetebichko ogwissan,
 Kagini tchi debwetonang.

Weossimind minoinada,
 Tetebichko Wegossimind,
 Gaie watchi-Manitomad,
 Pejigo gwanwadiada.

Wenijichiian-Manito !

Pindigawichin

Nindeing, ki biin.

Ondjita ni wanichindis,

Bi kitimagenimichin,

Wibi mijakinodawichin,

Bi wasseiabiichin,

Tchi wasseiabiia.

Matchi manito awi webichimid,

Mojag ni bimagochkadjiig,

Odassonaganing niwidassonig,

Kin dach biwidokawichin.

Tchi nibwakaia gagikimichin,

Jawenim nebwakadjig tchi echkam

Nibwakawad, baiatadidjig gaie

Tchi anwenindisowad.

9. *Nagamowin negamong atchiibaigijigak.*

Kitchi achkoteng ebiiang,

Ni wissaginesimi,

Tchi apitchi kagisomang,

Manito kanichkiang.

Ni maomi,
 Anawi dach achkote
 Ka wika atessino.

Kinawa enamiaieg !
 Gaganodamawiiang,
 Songan makawenimiiang,
 Epitch' animisiiang.
 Ni maomi, etc.

Endaji animisiiang
 Ki gaagwachimimi,
 Gaganodamawichinang,
 Ki gajawenimimi.
 Ni maomi, etc.

Kagisondamawichinang
 Jesos debeniminang,
 Ki gawidokonimi dach
 Wakwing giuditamang.
 Ni maomi, etc.

10. *Onina nagamowinan.*

1.

Kagiijinang Kije-Manito
 Kagini ki wabamigona,

Ka gego obwanawitossin,
 Kakina gaie odibendant,
 Kakina ki giminigona,
 Eji jawendagosiiang.

Sagiada, sagiada, win nijike sagiigosi,
 Sagiada, sagiada, win nijike sagiada.

Kakina odanikikendan
 Ki sagadisiwinina,
 Mojag kitaniminigona
 Kitabatchitowinina ;
 Mitchin kitondinawagona
 Gaie kitagoiigona.

Sagiada, sagiada, kagini makawenimada,
 Sagiada, sagiada, echkam wawiiawamada.

Aweni kegi dibadodang
 Okitchi machkawisiwin,
 Aweni kegi kikenindang
 Okije-Manitowiwin ?
 Win eta deb kikenindiso
 Eji kitchi onijichit.

Sagiada, sagiada, songan mamakadenimada,
 Sagiada, sagiada, mojag kitchitwawinada.

Kakina jangenindamonang,
 Songan pagidenindanda,
 Kakina manitowisiwin
 Ondjita manenindanda,
 Win nijike Kije-Manito

Kagini dibaigeda ;
 Sagiada, sagiada, ki minawasiigona,
 Sagiada, sagiada, win eta gwanwadjada.

Odikwan ka miniwasino
 Abwa agoging mitigong ;
 Mi nassab endiiang kakina :
 Apitchi ki bwanawitomi,
 Bwa biwidokaweniminang
 Ondjita Kije-Manito.

Sagiada, sagiada, epitching mamawimada,
 Sagiada, sagiada, 'echkam pagossenimada.

Bemadisid Kije-Manito
 Ondjita debeniminang,
 Misode win ketchitwawinind,
 Kagini dibaiganig ;
 Win nijke Kije-Manito
 Mojag makaweniminada,

Sagiada, sagiada, ondjita babamitawada,
 Sagiada, sagiada, epitching go sagiada.

2.

Epitch' sagiinang Kije-Manito,
 Kakina endatching ki giminigona,
 Odinan anjenin tchiwi kijaninang,
 Tchi ganaweniminangwa.

Kit anjenimina ki sagiigona,
 Ningot endiango ki widokagona ;
 Wabatadiiango ki makawanigona,
 Ki songideechkagona.

Kitchi batinowag jangeniminangog,
 Anamakamig wa apagininangog ;
 Apitchi agowi swangendagossidjig,
 Songan pagossemadag.

Ka wika nin bejig inenindasida,
 Kit anjenimina ki witchiwigona,
 Ondjita kagini ki wabamigona,
 Ki ganawenimigona.

Ni mino anjenim ! kin kitchi jawenim,
 Migwetch endodawin ki wawiiawamin,
 Ondjita kagini angwamenimichin,
 Songan mindjimenimichin.

Apitchi nin gotan ni matchideewin,
 Mojag manadatong inagode ninde,
 Manisiwinissi ni magochkadjiig,
 Ka pagidenimichike.

Ki pagidinamon niiaw, nin tchiibam,
 Nagatawendan minik ketowane,
 Makawenimichin, kagini dibandan
 Minik kewi nitowane.

Michel, kin ondjita swangenindagosin,
 Ki ningwing kagini weweni achichin,
 Tchi bwa ningodino 'ji matchi dodawid
 Ketchi jingenimiamind.

Kitchitwa Gabriel, kitchi machkawisin,
 Kitimagenindan ni bwanawitowin
 Ganawenimichin ; giniboa aking
 Achpiming iji wijichin.

Raphaël, ki wabam nin pagwanawadis,
 Angwamenimichin, ganawenimichin,
 Babawidjiwichin, widagwichimichin
 Kagini debisiwining.

Mino anjenidig endassowinsoieg !
 Apegich kagini wakwing wabaminang ;
 Jagoitawichinang jangenimiamind,
 Gaganodamawichinang.

3.

Kakina angwamisida ondjita songan
 Epitching webinanda
 Kigibadisiwin, kagini dach
 Nibwakada, dibaiganada anamiewin,
 Babamitawada debeniminang.
 Missa geget' kewidiia :

Gahage nin nin gasagia Kije-Manito,
 Win eta nijke nin gwanwadjia.
 Nibwakaieg, gwanatch endiieg,
 Anamiewin songan dibaigeieg.
 Aking daji debisiwin nijingenindan ;
 Kije-Manito ni minoenima, ni gwanwadjia.
 Apegich na sagiada
 Jesos Christos kossina.
 Kakina angwamisida, etc.

Apitchi sagitoda anamiewin,
 Ondjita anamide
 Pagidenindanda batadowin ;
 Eneniminang Kije-Manito wi anidida ;
 Kitchi debisiwin wikwatchitoda.
 Kawi gego gotasida,
 Gego nande obwanawiton Kije-Manito.
 Mojag kedichk anibamitawada,
 Kiiawiwan anwenindamog,
 Wakwing kagini tchiwi minawasiieg.
 Wegwenidig kenibwakad, Kije-Manito
 Ogaassigon ondjita kagini wanakiwining
 Debwetawig kajinang,
 Mojag mino nibwakag.
 Apitchi sagitoda, etc.

Kakina kewinidiieg, makawenimig
 Kossina Jesos Christos,
 Pagidinamawig kiiawiwan,
 Weweni go pagossenimig kakina gego

Eji manesiieg ajonda aking.
 Webinamog gaiassiikag,
 Minik gego mejiigoieg Kije-Manito,
 Anibamitawig, mojag sagiig,
 Nibwakawin nandotamawig,
 Mi eta ondjita pegossemindagwag.
 Nebwakadjig geget' kitchi mino-wanakig,
 Kagini geget' beka bimadisid nibwakawining.
 Angwamisig mino mikan
 Wi noswatog, nibwakag.
 Kakina kewinidiieg, etc.

4.

Kije-Maniton saiagiad
 Kitchi wanakiwidee,
 Mojag wanakijenindam ;
 Awia kejisideedji,
 Mojag wanakijenindam,
 Songan gaie onaningwenindam.

Bwaia gwaiak inadisidji
 Kagini animenindam,
 Ka wika onaningwendasi,
 Kagini achkendamidee,
 Ka wika onaningwendasi,
 Echwamanissongi inini.

Minawanigosiwinsan
 Aking daji debisiwin.
 Jajingadenindagwadon,
 Echkwa missawenindamingi,
 Jajingadenindagwadon,
 Wejimongi echkam aniinon.

Matchi inadisiwinidig,
 Ki kitchi achkendamiim,
 Apitchi pakechkawichig,
 Awas ijag, kinebig madjag,
 Apitchi pakechkawichig,
 Mi minik, kewaiejiiieg.

Ka nin ginibwakawisissi,
 Nind ani batadinaba,
 Kigapi inab nimakaw,
 Niiaw nin dibaigenaba,
 Kigapi inab nimakaw,
 Nongo songan nind agatenindis.

Nin gi matchi bimadis, nosse !
 Ka ki sagiissino,
 Apitchi nindanwendagos ;
 Kin eta kit achpenindagos,
 Apitchi nindanwendagos
 Kagini songan ki gasagiin.

Kakina anichinabedig !
 Sagiig Kije-Manito,

Win eta sagiigosi,
 Win eta ondjitā sagiig,
 Win eta sagiigosi,
 Enigokodeeieg sagiig.

5.

Ambessa, baiatadiieg !
 Kagitawenindamog,
 Osam animad endiieg,
 Ambe, anwenindisog,
 Gegeti ki kitimagisim ;
 Achkoteng kitapaidim,
 Ambe, jawenindisog !
 Ambessa, etc.

Anich ki bibagiminim,
 Ki gagibichekasom,
 Anich igo kitininim,
 Ki gaonatchiidisom.
 Aiandj kitindim anichkiiieg ;
 Anwenindisossiweg
 Mojag ki gatchagisom,
 Anich, etc.

Keiabi ki sagiinim,
 Ambe, nasikawichig !
 Ki gaminawasiinim,

Mojag bamitawichig.
 Wegone wendji kagansitawiieg?
 Ki kitchi kitimagisim.
 Ambe, nasikawichig.
 Keiabi, etc.

6.

Nab nagamog,
 Kakina anichinabedig,
 Nab nagamog,
 Ondjita debeniminang
 Kagini mamakadendamog,
 Eji songan jaweniminang.
 Nab nagamog.

Epitchiieg.
 Wi nibwaka-inenindamog,
 Epitchiieg.
 Sagiig Kije-Manito,
 Ondjita win sagiigosi,
 Echkam echkam anisagiig;
 Epitchiieg.

Sagiidig,
 Kitigona kossina Jesos,
 Sagiidig,
 Eji songan sagiinagog.

Ka wika nichkenindikego,
 Echkam animino-dodadig,
 Sagiidig.

Debwetamog
 Eji akinoamagoieg,
 Debwetamog
 Kitanamiewiniwa,
 Ka wika agonetankego,
 Kagini songan dibaigeg,
 Debwetamog.

Kichkasangwab
 Apagisog nibwakawining
 Kichkasangwab ;
 Bamitawig kagijiinang,
 Songan kit inenimigona,
 Ondjita tchi babamitawang ;
 Kichkasangwab.

Webinamog
 Ki matchi dodamowiniwa.
 Webinamog,
 Ka bapich achkonankego
 Manadwewin, kiwanisiwin,
 Kakina gaie batadowin
 Webinamog.

Jesos nosse !
 Apegich kitchitwawinigon,

Jesos nosse !
 Apegich sagiigoian
 Misode enigokwag aki,
 Apegich na babamitagon,
 Jesos nosse !

7.

Ambe, anichinabedig !
 Webinanda minaidiwin,
 Anotch matchi dodadiwin
 Ka bapich bamenindasida.
 Wijagotoda batadowinan,
 Kakina maianadak
 Webinanda,
 Jingenindanda
 Baiatadodagemagak.

Kakina baiatadidjig
 Omatchi dodawiniwan
 Songan pagidenindanda,
 Ka bapich dibaigesida.
 Wijagotoda etc.

Madjada wimiganada
 Manito kajingeniminang,
 Ondjita machkawisida,
 Ka bapich segenindasida.
 Wijagotoda etc.

Kitchi batadowin geget'
 Kitodawakanigona,
 Nongo dibenindisoda,
 Ka awakanindisosa.
 Wijagotoda etc.

Ki ganimiigona
 Manito kajingeniminang,
 Mechkwat pagidenimada,
 Weweni gaie jagoiada.
 Wijagotoda etc.

Ambe, widjideamada,
 Jesos Christos kamiskwiwiind
 Kitchitwa tchibaiatigong,
 Midach agiagwichiminang.
 Wijagotoda etc.

Jesos, kin egwachimiiang
 Kin ki gisiginan kimiskwim ;
 Nananj tchi boni nesseiang
 Ki gababamitonimi.
 Wijagotoda etc.

Jesos, kin debenimiiang !
 Nananj tchi boni nesseiang
 Nindeina ki ga songan

Sagiinimi, mi gediiang.
Wijagotoda etc.

8.

Gotamigwendagwad mi ajonda Kije-Manito endad, mi ajonda gaie wakwing aj'ach-kwandemiwang ejinikadeg, gaie Kije-Manito owigiwam.

Mamakadakamig eji onijiching ki wigiwam, Kije-Manito misode gego netawiton !

Ondjita gegeti osam-enimo nintchiibam, debeniminang owigiwaming awi ijad.

Ketchitwa-wendagosid, etc.

9.

Debenimiian ! wenidjanissangi mojag apitenimiehin nananj tchi niboia.

Kagini go dibandan ninde, kidibenindamomin.

Jaie jaie eko manadatong nin gianibima-disinaba ;

Nongo dach ki wibinasikon : ka pagidemichike.

Debenimiian ! etc.

10.

Kije-Manito, debenimiiang ! ki pagidinamon nin tchiibam.

Kit agwachiminaba, Kije-Manito kagini daiebwen !

Ketchitwa-wendagosid Weossimind gaie Wegossimind gaie Wenijichit-Manito.

Ki pagidinamon nin tchiibam,
Kije-Manito, debenimiiang !

11.

Kakina enichinabewiieg ! kitchitwawinig Kije-Manito : kitchitwawinig endassowinsoieg.

Win kagini ki jawenimigona : kakina gaie minik ekitod, kagini debwewinagadini.

Ketchitwa-wendagosid, etc.

12.

Jesos, Maria, Joseph, Joachim, Anna, kina-wa kakina aianjeniwiieg, gagano-damawichi-nang.

Jesos odijitwawin,**Katechim ejinikadeg.**

Kakwetchindiwin. Kit anamia na ?

Nakwetamowin. Nind anamia sa, nin gija-wenimig Kije-Manito.

K. Wegone dach wendji ikitoian : nin gija-wenimig Kije-Manito ?

N. Win sa Kije-Manito nin giminig, missa awachime kitchi minidiwin kaiji mijid, iw anamiewin.

K. Weni dach enamiad ?

N. Missa awi sagaandasod, daiebwetang gaie enigokodeed, weweni gaie naiagadonang Jesos kaiji akinoamaged.

K. Tani dach eji akinawadjiindwa kakina enamiadjig ?

N. Atchibaiatigonigewad sa.

K. Tani dach ekitong atchibaiatigonigeng ?

<p>N. Missa ekitong : — — Weossimind gaie Wenijichit-Manito.</p>	<p>Odanosowining gossimind gaie Apeingi.</p>
--	--

K. Tanipi dach endaji kikendaming Jesos odijitwawin ?

N. Missa Kije-Manito misinaiganing, meka-te-okwanaieg gaie ogagikwewiniwang endaji kikendaming.

K. Weni dach ekinoammonang Jesos odijitwawin ?

N. Mekate-okwanaieg sa.

1.

K. Tanipi dach tchi makamingiba ejeda-kwagiwi kidijitwawinina Jesos kagijitod ?

N. Mi ajiwi amakaming anamiewining : "Nin debwetawa bejigo Kije-Manito" ejinikadeg.

K. Weni dach kaojitol iwi anamiewin ; "Nin debwetawa bejigo Kije-Manito ejinikadeg ?

N. Jesos sa kaanonadjin midatchiwagoba achi nij, midach agiwi kaojitoljig.

K. Weni dach awi Kije-Manito ?

N. Missa awi Kije-Manito enind wakwi kagijitod, aki gaie kagijitod, win dach gaie kakina odibandan.

K. Wegone dach kaaiod Kije-Manito awi ojitol wakwi gaie aki, gaie misode gego ?

N. Kassawi gego ogiaiossin, missa go eta odikitowin.

K. Tani dach dasso gwan kadajitad awi ojitet minik kaojitet Kije-Manito ?

N. Ningotwasso gwan sa gidajita.

K. Ka na tagigachkitossi Kije-Manito misode gego agiojitet wenibik eta dajitapa ?

N. Kakina sa ottagigachkiton Kije-Manito tchi giojitet wenibik eta tchi gidajitad.

K. Wegone dach ningotwasso gwan kaondji dajitad awi ojitet misode gego ?

N. Missa awi akinoammonang keni dodamang gaie kinawi : ningotwasso gwan tchi anokiiang, tchi nijwasso gwanagak dach awi anwebiiang, tchi anokitawang eta Kije-Manito.

K. Tapi dach Kije-Manito giwebsi Kije-Manitowine, tapi dach taachkwa Kije-Manitowine ?

N. Kassa wika Kije-Manito giwebsi Kije-Manitowissi, kagini sa gide, kagini dach gaie tade.

K. Tanipi dach ajaiad Kije-Manito ?

N. Misode sa go abi, wakwing gaie akjing, kawi ningotchi achkwa abissi Kije-Manito.

K. Tani dach minik kekendang Kije-Manito ?

N. Kakina sa misode gego okikendan ; kabi ejiwébadinig, gaie nongo ejiwébadinig, gaie keni ijiwebadinig Kije-Manito okikendan.

K. Kakina na owabandan Kije-Manito ?

N. Kakina sa owabandan Kije-Manito,
missawa apitchi gego kekitoiango ki deinang.

K. Wegone dach gechkitod awi ojitet
Kije-Manito ?

N. Kakina sa ogachkiton awi ojitet Kije-
Manito, odinendamowin, odikitowin gaie eiod.

K. Kitagachkitomi na tchiwi wabamang
Kije-Manito ?

N. Kawi kit agachkitossimi tchiwi waba-
mang Kije-Manito, kassa owiiawissi Kije-Ma-
nito.

K. Wegone dach wa ikitowinagag : Kije-
Manito ochkinjigo, onindji gaie ajikitong ?

N. Missa waikitowinagag : Kije-Manito
misode gego owabandan, gaie misode gego
ogachkiton awi ojitet, midach iwi wendji
ikitong : ochkinjigo gaie onindji.

K. Tani dach eji kikenimang Kije-Mani-
to ?

N. Missa iwi ejikikenimang Kije-Manito :
awabandamowang kakina aonijichininig oda-
nokiwin ; gaie anondamang Jesos kabiakino-
maged anamiewin.

K. Wegone dach Weossimind wendji ijini-
kasod Kije-Manito ?

N. Missa iwi aogwissid Jesosan, kagini agi-
ogwissid, kagini dach gaie ogaogwissinan ;
kakina dach gaie kinawi kitoossima, misode
gaie gego ki minigona.

K. Batinowag na Kije-Manitog ?

N. Kawi batinissig, bejigo eta Kije-Manito.

K. Abejigod Kije-Manito tani dach endatchid ?

N. Nissi sa, midach wi go abejigod Kije-Manito.

K. Tani dach ejinikasowad iwi Kije-Manito anissid ?

N. Kije-Manito sa Weossimind, Kije-Manito gaie Wegossimind, Kije-Manito gaie Wenijichit-Manito.

K. Tani dach ejinikasowad iwi Kije-Manito anissid obejigwananid odanosowiniwa ?

N. Kagini nisso-bejigo ejinikaso.

K. Kije-Manitowi na Weossimind ?

N. Kije-Manitowi sa Weossimind.

K. Kije-Manitowi na Wegossimind ?

N. Kije-Manitowi sa Wegossimind.

K. Kije-Manitowi na Wenijichit-Manito ?

N. Kije-Manitowi sa Wenijichit-Manito.

K. Nissiwag na dach Kije-Manitog ?

N. Kawi nissiwag Kije-Manitog, nissi sa eta Kije-Manito, midach igo abejigod Kije-Manito.

K. Ka na anissiwad begig awachime kitchitwa-wendagosissi ?

N. Kassawi awachime bejig kitchitwa-wendagosissi, tetebichko sa aptendagosiwag, kawi gaie bejig awachime sasikisisi, kagini gidawag, kagini dach gaie tadeg.

K. Wegone dach tetebichko wendji apitendagosiwad ?

N. Bejigwanini Okije-Manitowiniwa, mi wendji tetebichko apitendagosiwad,

K. Weni dach awachime gwenatchiwini-djin minik kagijiad Kije-Manito ?

N. Anjenig sa, anichinabeg gaie.

K. Weni dach agiwi anjenig ?

N. Anjenig sa kawi owiiawissig, manito-wag sa.

K. Tanipi dach agiassad Kije-Manito anjenin opi kagijiad ?

N. Wakwing sa ogiassan.

K. Kakina na giabiwag wakwing ?

N. Kakina sa giabiwag wakwing, anich dach kawi kakina ginoenj giabissiwag, anind sa gibatadowag, Kije-Manito dach anamakamig ogiapaginan.

K. Tani dach kaiji batadowad anjenig ?

N. Gimaminadisiwag sa, odanowi aieiapi-tenimonawan Kije-Maniton.

K. Tani dach ejinikanindwa agiwi anjenig, anamakamig kaapaginadjin Kije-Manito ?

N. Manisiwinissiag sa ijinikasowag.

K. Tani ejinikasowagobane nitami anichinabeg Kije-Manito kaojiadjin ?

N. Nitami anini sa Adam ijinikasogoba, nitami akwe dach Eve ijinikasogoba.

K. Wegone dach kaaiod Kije-Manito agijoitod nitami anichinaben wiiawini ?

N. Aki sa ogiaion ogimisinadinan nitami anichinaben wiiawini.

K. Wegone dach kaaiod Kije-Manito agijoiad nitami anichinaben očhiibamini ?

N. Missa kadodang : oginessenodawan ochkinjigoning, midach agimamadjimagag.

K. Weni dach enawadjin awi kitchiibamina ?

N. Kije-Maniton sa odinawan.

K. Tani dach kadodang Kije-Manito agiojiad nitami akwen Eve ejinikasod ?

N. Adam sa anibad ogiodapinamowan Kije-Manito bejig opigegonani, midach iwi kaaiod agiojiad nitami akwen.

K. Wegone dach kaondji gijiinang Kije-Manito ?

N. Missa awi kikenimang, awi sagiiang, awi babamitawang Kije-Manito, tchi gachkitioang wakwi, kagini bimadisiwining.

K. Tanipi dach agiassad nitami anichinaben Kije-Manito ?

N. Kitchi kitiganing sa kitchi gwanatchiwanigoba ogiassan.

K. Wegone dach endagogobane ajiwi kitiganing ?

N. Misode ejewinsodjig mitigog maniwidjig patakisowagoba.

K. Wegone dach kakinaamawad Kije-Manito nitami anichinaben ?

N. Ogikinaamawan sa tchiwi bwa mitchinid egodenig bejig anawi mitigong, nawaiai patakisogoba ajiwi kitiganing.

K. Ogibabamitawawan na Kije-Maniton ?

N. Kassa ogibabamitawassiwian Kije-Maniton, kitwe ogimitschinawa iwi maniwang aiano

kinaamawindwa ; midach agikitchi batadowad.

K. Weninan dach kadodagowadjin gibatadowad?

N. Manisiwinissi sa, kinebigong kijjinagwio ; midach agibibatadodamoad nitami anichinaben.

K. Agibatadowad nitami anichinabeg tani ejinikadeg iwi batadowin?

N. Batadowin sa bigaginigiiang, mi ejinikadeg.

K. Weni dach kaanigaigod iwi batadowin kaiji batadowad nitami anichinabeg?

N. Kakina sa go anichinabeg ogianigaig onawa iwi batadowin, kakina gibigaginigna.

K. Tani dach iji anigaigoiang iwi batadowin bigaginigiiang?

N. Naning sa kitiji anigaigona iwi batadowin bigaginigiiang.

1. Ka tagachkitossi tchiibamina tchiwi ijad wakwing keapitchi gagichkang iwi batadowin bigaginigiiang.

2. Missa minawa iji anigaigoiang ; ajewag kit inendamowinina, ka kitagachkitossimi tchiwi kikenimang Kije-Manito, mi eta kaiji. akinoamonang Jesos, mi wendji kikenimang.

3. Missa minawa eji anigaigoiang iwi batadowin : awachime aji machkawisiiang awi matchi dodamang, iwi dach tchiwi mino doda mang.

4. Kakina akosiwin gaie kakina kotakito-win mi iwi endodagoiang iwi batadowin bigaginigiiang.

5. Midach iwi naning aj'anigaigoiiang tchi niboiang. Mi iwi kakina anichinabeg keondji nibowad, iwi batadowin kaiji batadowagobane nitami anichinabeg, bigaginigiiang dach kakina.

K. Wegone dach kawikwatchitasowad kakina anichinabeg batadowin abigaginigiwad?

N. Missa iwi kaiji wikwatchitasowad kagini nibowin, anamakamig kagini achkoteng tchi ijawad.

K. Ogiojimoigowan na Kije-Manito kagini nibowining?

N. Ogiojimoigowan sa, Jesosan ogwissan ogibianonan.

K. Weni dach awi Jesos?

N. Missa Jesos Kije-Manito Wegossimind; Kije-Manitowi, aniniwi dach gaie. Kagini Kije Manitowi Jesos, anichdach kibi anichinabewiidiso awi binodjimoinang.

K. Weni dach wegossid Jesosan aji Kije-Manitowid?

N. Kije-Manito sa odogwissinan, kadach agachissi aji Kije-Manitowid.

K. Weni dach wegossid Jesosan aji anichinabewid?

N. Kitchitwa Marie sa odogwissinan, kadach oossissi Jesos aji anichinabewid. Kitchitwa Joseph, kitchitwa Marie owidigemangan, ogiganawenimigon Jesos, kadach wi odoossissinan.

K. Weni dach kanigliad Jesosan ?

N. Kitchitwa Marie sa gagangowid ogini-gian.

K. Onidjanissi na kitchitwa Marie, gigan-gowi na gaie bekich ?

N. Bekich sa onidjanissi kitchitwa Marie, bekich gaie gigangowi ; Wenijichinidjin-Maniton ogiodissigon Kije-Manito omachkawisi-win, ogiagawatechkagon, midach kaondji onidjanissid kitchitwa Marie, kaano okikeni-massin aniniwan, gego nande obwanawiton Kije-Manito.

K. Tanipi dach kadaji nigid Jesos ?

N. Odenawing sa Bethlehem ejinikadeg, pijikiwigamigong.

K. Tani dach kadasso bibonagak kaako ojito Kije-Manito misode gego, kibinigiwine Jesus ?

N. Niwing midasswag sa kadasso bibonagak kaijigijitod Kije-Manito misode gego, mi opi aginigid Jesos.

K. Wegone dach kabi ondji nigid Jesos ajonda aking ?

N. Missa awi akinoamonang kedodamang gwaiak tchi inadisiiang ajonda aking, awi nodjimoad gaie ki tchiibaminanin.

K. Tani dach ejinikadeg iwi tibik opi nagid Jesos ?

N. Noel sa ejinikadeg.

K. Tani dach dasso bibon kawidigemad Je-sos onikigon ?

N. Nissi midana dasso bibon.

K. Tanipi dach kadanisid Jesos aniwi agi-widigemad enawemadjin ?

N. Odenawing sa Nazareth ejinikadeg gida-nisigoba.

K. Tani dach kaijiwebisid Jesos medasso bibonagisid ech nijo bibonagisid ?

N. Widjiwagoba sa enawemadjin anamiewi-gamigong etegobane odenawing Jerusalem ejinikadeg, kadaji mamakadenimind kaiji kak-kwedwed gaie kaiji nakwetawad.

K. Tani endasso bibonagisid Jesos opi wa-iebi gagikwed ?

N. Nissi midana sa endasso bibonagisid.

K. Tanipi dach Jesos kaijad abwa webi aki-noamaged ?

N. Bagwadakamig sa gijjagoba, midach aji-wi nimidana dasso gwan agiabid, agimakade-ked, agianamiad gaie.

K. Weninan dach kanakwechkawadjin wadi ajijad bagwadakamig ?

N. Kitchitwa Jean-Baptistan sa ogina-kwechkawan megwa asigaandagenid, gaie wi-dach gisigaandawa Jesos.

K. Tani dach kaijiwebag epitchi sigaanda-wind Jesos.

N. Ginondawa sa Kije-Manito Weossimind ajikitod : " Mi awi ningwiss saiagiag, baba mitawig." Midach Wenijichit-Manito wabi omiming agijjinagwiod, midach agibibonid Jesosan ondibaning.

K. Tani dach dasso bibon Jesos kaakino amaged odijitwawin ?

N. Nisso bibon sa.

K. Wegone dach kabimi dodang bekich agi akinoamaged odijitwawin ?

N. Mamakadakamig sa gibimi dodam : ogi nissakonamowan ochkinjigone kegibingwenidjin, oginissakonamowan otawagane kegibiche nidjin, ogiabitchiibaan nebonidjin ; kitchi nibina gaie bakan kiji mamakadakamig dodam.

K. Wegone dach mamakadakamig kaondji dodang Jesos ?

N. Missa awi wabandamang Jesos kawi eta aj'aniniwissig, aji Kije-Manitowid gaie.

K. Kakina na minik kabimi gagikimad Jesos, ogiodapinamini kaiji gagikwed ?

N. Ka, nibina sa ka ogidebwetagossin, ogi kitchi kotagiawan, ogibatamawan gaie.

K. Tanipi dach kaiji winigod Jesos jangenimigodjin iwi awi batamigod ?

N. Ponce Pilate sa endagobane ogijjiwiningon Jesos jangenimigodjin, win dach tchi di-

bakonad Ponce Pilate.

K. Tani dach kadodawind kaachkwa dibakanind Jesos ?

N. Gibachajewa sa Jesos gaie gibassikwewina minessagawajin, midach apitchi achkwatch agibadakakoond tchibaiatigong.

K. Wegone dach kaondji nanind Jesos tchibaiatigong ?

N. Kinawi sa kakina awi nodjimoinang kiondjinana Jesos, awi ojimoinang kagini achkoteng, kawikwatchitasoiang abatadiang.

K. Tanipi dach kadaji badakakoond tchibaiatigong Jesos ?

N. Ogidadin Calvaire ejinikadeg, becho odenawing Jerusalem ejinikadeg.

K. Tani dach opi Jesos kanibod ?

N. Aminokamig sa, nijo gwan abwa machi odjitchisseg Pâque.

K. Tani dach ejinikadeg iwi gjig Jesos aginibod ?

N. Kitchitwa tchibaiatigogijig sa ejinikade.

K. Tani dasso bibon kabimadisid Jesos ajonda aking ?

N. Nissi midana dasso bibon achi nisso bibon.

K. Tanipi dach agiatowind Jesos wiiaw opi kanibod ?

N. Ajibikong sa giatatowin Jesos wiiaw, kamachi awia pagidenimassiwindiba ajiwi agipagidenimind Jesos.

K. Tanipi dach kaijanid Jesos otchiibaman kaapitchi atenig wiiaw nangwaakaning ?

N. Anamakamig sa ejinikadeg gipindige, kadach wi anamakamigowasino, ka gaie gassii-akisowasino, ka gaie wakwi : bakan ningotchi tagogoba iwi, kawi keiabi tagossino.

K. Wenich agiwi eiagobanenag ajiwi Jesos otchiibaman agipindiged ?

N. Missa agiwi jaiaw kabi inidisigobanenag kanibogobanenag abwa nissind Jesos.

K. Wegone dach wendji bwanawitowagobanenag wakwing awi ijawad agiwi jaiaw aiano inadisiwagobane ?

N. 1. Missa kaondji bwanawitowagobane wakwing awi ijawad : agagichkamowagobane iwi batadowin bigaginigiang.

2. Missa gaie iwi kaondji bwanawitogobane : kassa awia gachkitossigoba awi ijad wakwing, pama dach Jesos wi nitami pindigegoba, awi nissakonamowad wakwi.

K. Wegone dach kaondji pindigenid Jesos otchiibaman ajiwi ?

N. Ogiwagagisoman sa agiwi jaiaw enadisigobanenag, ogiwawindamawan dach gaie, aginodjimoad.

K. Tani dach opi kaabitchiibaidisod Jesos ?

N. Wanisso gjigadinig kaiji nibod.

K. Tani dach ejinikadeg iwi gjig Jesos agabitchiibaidisod ?

N. Pâque sa ejinikade.

K. Tani dach dasso gwan kawidigemad Jesus kaanonagobanenan kaabitchiibaidisod ?

N. Nimidana sa dasso gwan ogiwidigeman kaanonagobanenan, minawa agiakinoamowad odijitwawin.

K. Tanipi dach kaijad Jesus nimidana kadaso gwanagadinig kaiji abitchiibaidisod ?

N. Wakwing sa giija, midach agiwi anamadabid odebani nikaning ossan Kije-Maniton misode gego netawitonidjin.

K. Onindji na Kije-Manito ?

N. Kassa onindjissi Kije-Manito, kawi gaie owiiawissi.

K. Wegone na nangwana waikitowinagag iwi : Jesus namadabi odebani nikaning ossan Kije-Maniton ?

N. Missa waikitowinagag : gaie wi Jesus mi go minik eji gachkitod misode gego, gaie wi epitchi Kije-Manitowid ossan eji Kije-Manitowinid.

K. Tanipi dach ajabid nongo Jesus ?

N. Aji Kije-Manitowid sa misode abi ; aji anichinabewid dach wakwing namadabi odebani nikaning ossan Kije-Maniton, gaie abi kitchitwa Eucaristiwining.

K. Onagadan na Jesus wakwi tchi biabid kitchitwa Eucaristiwining ?

N. Kawi onagadasin wakwi tchi biabid kitchitwa Eucaristiwining, bekich sa abi wak-

wing, bekich gaie abi kitchitwa Eucaristiwing.

7. *Neiab wakwing tabiondjiba tabija ajonda aking, tchi bidibakonad kakina anichinaben bemadisinidjin gaie nebonidjin.*

K. Tani dach opi minawa kebijad Jesos ajonda aking ?

N. Achkwa akiwang sa, kakina anichinaben awi bidibakonad.

K. Tani dassing Jesos kedibakonad kakina anichinaben ?

N. Nijing sa : nitam igo giniboiang bebijig tchi dibakoninang Jesos, achkwa akiwang dach kakina mamawi ogadibakonan anichinaben.

K. Wegone dach waikitowinagag iwi : Jesos ogadibakonan kakina anichinaben ajikitong ?

N. Ogaminodibaamowan sa jaiaw kegi inadisinidjin, ogamatchidibaamowan dach kegi matchi inadisinidjin.

8. *Nin debwetawa Wenijichit-Manito.*

K. Weni dach awi Wenijichit-Manito ejini kasod ?

N. Wenijichit sa Manito mi anissid Kije-Manito. Migo gaie wi eji Kije-Manitowid. Weossimind gaie Wegossimind eji Kije-Manitowad.

K. Tani dach opi Jesos kabianonad Wenijichinidjin-Maniton awi bi songideechkawanid kaanonagobanenan ?

N. Pentecôte sa gjig ejinikadeg.

K. Tani dach opi pandigonang Wenijichit-Manito ?

N. Sagaandagoiango sa, manigoiango gaie weweni anind Sacrement ejinikadeg.

K. Wegone dach Wenijichit-Manito eji mininang ?

N. Kije-Manito sa ojawendjigewin kimingona Wenijichit-Manito.

9. *Enigokwag aki tewag enamiadjig, anamiewidokodadiwag ketchitwa-wendagosidjig.*

K. Wegone dach waikitowinagag iwi : Enigokwag aki tewag enamiadjig ?

N. Missa waikitowinagag : Jesos agiojitol ijitwawin, nongo dach enigokwag aki tewag iwi ejitwadjig, daiebwetangig, naiagadonangig gaie Jesos odijitwawin ; giikitogoba gaie Jesus, opi achkwa akiwang mi eta enamiadjig kedadjig enigokwag aki.

K. Weni dach agiwi enamie-widokodadjig ?

N. Kakina sa enamiadjig ajonda aking, kakina gaie ketchitwa-wendagosidjig wakwing ebidjig, kakina gaie gassiakisowining ebidjig.

K. Tani dach eji anamie-widokawangwa ketchitwa-wendagosidjig wakwing ebidjig ?

N. Kigwanwadjiananig sa, gaie winawa dach kiganodamagonanig.

K. Tani dach eji anamie-widokawangwa gassiiakisowining ebidjid?

N. Ki ganodamowanenig sa, naningodinong gaie ki mino dodami, winawa awi agwachi-mangwa.

10. *Agassiigadeg batadowinan.*

K. Tani dach opi gaiassiigadeg kibatadowininanin?

N. Sagaandagoiango sa, weweni gaie kopessewiango.

11. *Taabitchiibag kakina anichinabeg eji owiiassiwad.*

K. Tani dach ke ejiwebisiwad kakina kanibodjig opi achkwa akiwang?

N. Kakina sa kanibodjig taabitchiibawag; kakina otchiibamiwan oganasikanawa owiaiwawan.

K. Tani dach keejiwebisiwad giabitchiibawad kakina nebodjig?

N. Jesos sa nijing ogaijigabawian, kaminoinadisinidjin odebaniwining ogaassan, kamatchi inadisinidjin dach onamandjiwining ogaassan; midach tchi dibakonad kakina.

12. *Kagini gaie tabimadisig.*

K. Tani dach kedodang Jesos giachkwa dibakonad kakina anichinaben?

N. Kamatchi inadisinidjin sa anamakamig kagini achkoteng ogaminajawan, kamo inadisinidjin dach ogamadjinan wakwing.

K. Mina go eta, otchiibamiwan keijanidjin anamakamig, wakwing gaie ?

N. Kawi otchiibamiwan eta, owiiawiwan sa gaie, kagini gaie mamawi taate otchiibamiwan owiiawiwan gaie.

K. Keiabi na tadago gassiiakisowining giachkwa akiwang ?

N. Kawi, missa go eta wakwi, anamakamig gaie kedagog.

K. Wenidach gassiiakisowining ejad ?

N. Batadowinensing sa endapined, anawi dach saiagiigod Kije-Maniton.

K. Weni dach wakwing ejad ?

N. Missa awi wakwing ejad weweni kegi-anwenindisod abwa machi nibod, saiagiigod gaie Kije-Maniton nebodji.

K. Weni dach anamakamig ejad ?

N. Kitchi batadowining sa endapined, bwaia sagiigod gaie Kije-Maniton.

K. Tani dach ejiwebag wakwing ?

N. Kagini minawanigosiwın sa dagomagad wakwing, Kije-Manito kagini tchi wabamind.

K. Tani dach ejiwebag anamakamig ?

N. Kagini kotagitowin sa dagomagad anāmakamig, kagini achkoteng tchi tchagisong.

2.

K. Wegone dach anamiewin ?

N. Anamiewin sa mi aganonang, amakawiiang gaie Kije-Manito.

K. Mina go eji onijiching eta agigitong aj' anamiaiang ?

N. Kassawi eji onijichisino eta tchi gigitong enamiaango, awi nagatawendaming sa ekitong epitchi anamiiang.

K. Apitchi na wikitchiaion anamiewin ?

N. Kakina sa anichinabeg owikitchiaionawa anamiewin. Kebwa anamiad ka wika odasagiigossin Kije-Maniton.

K. Tani iwi anamiewin awachime wenijiching ?

N. Missa iwi anamiewin : " Nossina wakwing ebiian" ejinikadeg awachime wenijiching; win sa Jesos agiojitet, mi wendji awachime onijiching.

K. Tani dach minik eji nandodaming ajiwi anamiewining : " Nossina wakwing ebiian" ejinikadeg ?

N. Nijwatching sa kitiji nandodasimi.

K. Tani dach ejiwebissing iwi anamiewin : " Nossina wakwing ebiian " ejinikadeg ?

N. Missa iwi ejiwebissing : Nossina wakwing ebiian.

K. Wegone dach wendji ijinikanang Kije-Manito *nossina* ?

N. Missa wendji ijinikanang *nossina*, win agigijiinang kakina, kakina dach gaie aminang wajeaoioiang.

K. Wegone dach nitam eji nandodamang ajiwi anamiewin : “ Nossina wakwing ebiian ” ejinikadeg ?

N. Missa nitam eji nandodamang : Apegich kitchitwa-wendaming kitanosowin.

K. Wegone dach eji nandodamang iwi ajikitioiang : Apegich kitchitwa-wendaming kit akosowin ajikitioiang ?

N. Missa iwi eji nandodamang, kakina anichinabeg tchiwi kikenimawad Kije-Maniton, tchi sagiawad, tchi anokitawawad gaie.

K. Wegone dach nijing eji nandodamang ajiwi anamiewining : “ Nossina wakwing ebiian ejinikadeg ?

N. Missa nijing eji nandodamang : Anagosiian apegich abiiang.

K. Wegone dach eji nandodamang iwi ajikitioiang : Anagosiian apegich abiiang ajikitioiang ?

N. Missa eji nandodamowang Kije-Manito tchi kagini abid kideinang, tchi dabasseninda-muinang gaie, giniboiang dach wakwing tchi dagwichiminang.

K. Wegone dach nissing eji nandodamang ajiwi anamiewining : “ Nossina wakwing ebiian ejinikadeg ?

N. Missa nissing eji nandodamang : Ki babamitago wadibi wakwing, apegich gaie babamitagon ajonda aking.

K. Wegone dach eji nandodamang iwi aji-kitoiang : Ki babamitago wadibi wakwing, apegich gaie babamitagon ajonda aking ajiki-toiang ?

N. Missa eji nandodamowang Kije-Manito tchiwi jaweniminang, tchiwi iji mininang weni tchi babamitawang ajonda aking, ketchitwa-wendagosidjig wakwing ebidjig anjenig gaie eji babamitagod awi iji babamitawang.

K. Wegone dach niwing eji nandodamang ajiwi anamiewining : " Nossina wakwing ebi-ian " ejinikadeg ?

N. Missa niwing eji nandodamang : Nongo agijigak mijichinang kemitchiang, mechigwam gaie gajigaki mijichinang.

K. Wegone dach eji nandodamang iwi aji-kitoiang: Nongo agijigak mijichinang kemitchiang, mechigwam gaie gajigaki mijichinang ajikitoiang ?

N. Kinandodamowana sa Kije-Manito awi mininang wajeaoiang memechigo gjig waiji bimadisid kitchiibamina gaie kiiawinanin.

K. Wegone dach wakitchiaiong kewi ondji bimadisid kitchiibamina ?

N. Missa wakitchiaiod kitchiibamina : Kije-Manito ojawendjigewin, mipi Kije-Manito odikitowin, kitchitwa Sacrements gaie.

K. Wegone dach naning eji nandodamang ajiwi anamiewining : " Nossina wakwing ebiian " ejinikadeg ?

N. Missa naning eji nandodamang : Bonigidetawichinang gego kaiji nichkiinangi, eji bonigidetawangid awia gego kaiji nichkiiia-mindji.

K. Wegone dach eji nandodamang iwi aji-kitoiang : Bonigidetawichinang gego kaiji nichkiinangi, eji bonigidetawangid awia gego kaiji nichkiiiamindji ajikitoiang ?

N. Kinandodamowana sa Kije-Manito tchi-wi bonigidetonang agibatadiiang, eji bonigidetawangidwa kanichkiiiamindjig.

K. Kije-Manito na kitabonigidetagona kabatadiango, kichpin bwa bonigidetawang-wa anichkiinangog, nechkeniminangog gaie ?

N. Pama sago kibonigidetawangwa nechke-niminangog, mi pama gaie wi Kije-Manito tchi-bonigidetonang.

K. Wegone dach ningotwatching eji nandodamang ajiwi anawiewining : " Nossina wakwing ebiian " ejinikadeg ?

N. Missa ningotwatching eji nandodamang : Kinaamawichinang wa batadiiangi.

K. Wegone dach eji nandodamang iwi aji-kitoiang : Kinaamawichinang wa batadiiangi ajikitoiang ?

N. Kinandodamowana sa Kije-Manito, atchitchaiaï tchi apagitonang gego wabataigoi-ango.

K. Wegone dach nijwatching ejि nandoda-mang ajiwi anamiewining : “ Nossina wak-wing ebiian ” ejinikadeg ?

N. Missa nijwatching ejи nandodamang : Atchitchaiaи ininamawichinang maianadak wa odissikagoangi.

K. Wegone dach ejи nandodamang iwi aji-kitoiang ; Atchitchaiaи ininamawichinang mai-anadak wa odissikagoangi ajikitoiang ?

N. Missa ejи nandodamang tchiwi ganaweniminang Kije-Manito gego maianadak tchiwi bwa odissikagoiang kiiawinang gaie kitchiiba-minang ; wika gaie tchiwi batadissing, tchiwi bwa pangichining kagini achkoteng.

K. Kaachkwa ikitongi iwi anamiewin : “ Nossina wakwing ebiian ” ejinikadeg, we-gone dach minawa anamiewin ekitowad enamiadjig ?

N. Missa iwi anamiewin : “ Kitanamikon Marie ” ejinikadeg ekitowad. Mi mamando-mang kitchitwa Marie ajiwi anamiewining tchi gaganodamonang.

K. Onijichin na, wikitchiaion na gaie tchi mamandomang kitchitwa Marie, kakina gaie ketchitwa-wendagosidjig wakwing ebidjig ?

N. Wikitchiaion sa tchi mamandomang-wa kitchitwa Marie, kakina gaie ketchitwa-wendagosidjig wakwing ebidjid.

K. Mina go tebichko ejí mamandomangwa ketchitwa-wendagosidjig wakwing ebidjig ejí mamandomang Kije-Manito ?

N. Kassawi tebichko ; kitiji mamandomana sa wi Kije-Manito tchiwi mininang misode gego wajeaiong, ketchitwa-wendagosidjig dach wakwing ebidjig kitiji mamandomananig tchiwi gaganodamonangwa Kije-Manito tchiwi mininang misode gego wajeaiong.

3.

K. Mina go ejí debisseg awia sagaandjigasodji, enamiad gaie, mina go keiji gachkitopa wakwing tchi ijad ?

N. Kawi, missa gaie kedodang awia kasi-gaandjigasodji weweni tchi nagadonang Kije-Manito odikitowin.

K. Tani dach endassing Kije-Manito odi-kitowin ?

N. Midatchinon sa :

1. Misode gego kagijitod Kije-Manito enind kiga bejigo gwanwadjia, enigokodeen kiga bejigo sagia.

2. Kawi anich Kije-Manito ki gawawi-nassi.

3. Gijig ki gagwanwadjiton abwa anokiwi-nagag.

4. Kinikigog ki gababamitawag, ginoenj tchiwi bimadisiian ajonda aking.
5. Ka awia ki ganissassi.
6. Kego babamenimiiege bwaia widigemad.
7. Ka ki gagimodissi.
8. Ka ki gaginiawichkissi.
9. Ka awia ki gamissawenimassi.
10. Ka gaie gego awia ki gamissawenda-mawassi.

K. Tani dach opi kamigiwegobane Kije-Manito iwi odikitowin ?

N. Kinoenj sa abwa binigid Jesos gimiwegoba Kije-Manito iwi odikitowin ; Jesos dach kigiji angwamimigona tchiwi nagadonamang.

K. Tani dach ekitong anitamissing Kije-Manito odikitowin ?

N. Missa ekitong : Misode gego kagijitod Kije-Manito enind kiga bejigo gwanwadjia, enigokodeen kiga bejigo sagia.

K. Wegone dach eji angwamimigoiang anitamissing Kije-Manito odikitowin ?

N. Kitiji angwamimigona sa awi gwanwadijiang bejigo Kije-Manito.

K. Wegone dach minawa ?

N. Kitiji angwamimigona sa gaie enigoko-deeiang awi sagiang Kije-Manito.

K. Wegone dach eji kinaamagoiang anitamissing Kije-Manito odikitowin ?

N. Missa eji kinaamagoiang : bwaia anamadjig omatchi ijitwawiniwa, tchissakiwin gaie, kakina gaie kosabandamowin.

K. Anitamissing Kije-Manito odikitowin
kitiji kinaamagona na tchi gwanwadjiangwa
ketchitwa-wendagosidjig wakwing ebidjig ?

N. Kassa kikinaamagossimi tchi gwanwad-
jiangwa ketchitwa-wendagosidjig wakwing
ebidjig ; kawi kitiji gwanwadijassinanig eji
gwanwadjiang Kije-Manito ; anich sa kigano-
nananig awi ganodamonangwa.

K. Tani dach ekitong eko nijing Kije-Man-
ito odikitowin ?

N. Missa ekitong : Kawi anich Kije-Mani-
to ki gawawinassi.

K. Wegone dach eji kinaamagoiang eko
nijing Kije-Manito odikitowin ?

N. Missa eji kinaamagoiang awi bwa ma-
tchi inang Kije-Manito, kakina gaie ketchit-
wa-wendagosidjig wakwing ebidjig.

K. Wegone dach eji angwamimigoiang eko
nijing Kije-Manito odikitowin ?

N. Missa eji angwamimigoiang tchiwi
gwanwadjiang Kije-Manito kakina kidikito-
wininang, kakina gaie kidodamowininang.

K. Tani dach ekitong eko nissing Kije-
Manito odikitowin ?

N. Missa ekitong : Gijig ki gagwanwadjiton
abwa anokiwinagag.

K. Wegone dach eji angwamimigoiang eko
nissing Kije-Manito odikitowin ?

N. Kitiji angwamimigona sa awi gwanwa-
djitoiang anamiegijigon gaie gwanwadjitaga-

nan, tchi anamiaiang gaie, tchi mino doda-mang.

K. Wegone dach eji kinaamagoiang eko nissing Kije-Manito odikitowin ?

N. Kitiji kinaamagona sa tchiwi bwa ano-kiiang anamiegijigon gaie gwanwadjitaganan ; eji anokiiang memechigo gjig awi bwa iji anokiiang anamiegijigak, gwanwadjitaganiwang gaie.

K. Tani dach ekitong eko niwing Kije-Manito odikitowin ?

N. Missa ekitong : Kinikigog ki gababamitawag, ginoenj tchiwi bimadisiian ajonda aking.

K. Wegone dach eji angwamimigoiang eko niwing Kije-Manito odikitowin ?

N. Missa eji angwamimindwa abinodjiag awi pisindawawad onikigowan, awi gwanwadjiauwad, awi sagiawad gaie.

K. Wegone dach minawa ?

N. Missa minawa eji angwamimigoiang awi pisindawangwa debeniminangog, kime-kate-okwanaieminanig gaie, abinodjiag eji pisindawawad onikigowan, awi pisindawangwa.

K. Tani dach ekitong eko naning Kije-Manito odikitowin ?

N. Missa ekitong : Ka awia ki ganissassi.

K. Wegone dach eji kinaamagoiang eko naning Kije-Manito odikitowin ?

N. Kitiji kinaamagona sa awi bwa nitoiang kiiawinanin, ka gaie awia kiidji bimadisiinanig ki ganissassina.

K. Wegone dach minawa eji kinaamagoi-ang ?

N. Missa minawa eji kinaamagoi-ang, awi bwa wepodawang kiidji bimadisiina, awi bwa nichkiangwa, awi bwa matchi dodamoangwa gaie.

K. Tani dach ekitong eko ningotwatching Kije-Manito odikitowin ?

N. Missa ekitong : Kego babamenimiiege bwaia widigemad.

K. Wegone dach eji kinaamagoi-ang eko ningotwatching Kije-Manito odikitowin ?

N. Kitiji kinaamagona sa kakina nanawitowiwin, kakina nanawinendamowin, kakina owiiagitagosiwin, kakina gaie nanawidodamowin.

K. Tani dach ekitong eko nijwatching Kije-Manito odikitowin ?

N. Missa ekitong : Ka ki gagimodissi.

K. Wegone dach eji kinaamagoi-ang eko nijwatching Kije-Manito odikitowin ?

N. Missa eji kinaamagoi-ang awi bwa gimoding, awi bwa waiejindwa kiidji bimadisiinanig, awi bwa kakitong gego mekamingi.

N. Tani dach ekitong eko nichwatching Kije-Manito odikitowin ?

N. Missa ekitong : Ka ki gaginawichkissi.

K. Wegone dach eji kinaamagoiang eko nichwatching Kije-Manito odikitowin?

N. Kitiji kinaamagona sa awi bwa gina-wichking, awi bwa tajimind gaie kiidji bimadisiinanig; kitiji angwamimigona gaie mojag awi debweng gego ekitongi.

K. Tani dach ekitong eko jangatching Kije-Manito odikitowin?

N. Missa ekitong : Ka awia ki gamissa wenimassi.

K. Wegone dach eji kinaamagoiang eko jangatching Kije-Manito odikitowin?

N. Kitiji kinaamagona sa nanaw awi bwa inendaming ; aniniwag gaie wewidigemaganidjig odiji kinaamagonawa awi bwa missawenimawad bekanisinidjin akwewan ; akwe-wag gaie odiji kinaamagonawa wewidigemaganidjig awi bwa missawenimawad bekanisinidjin aniniwan.

K. Tani dach ekitong amidatching Kije-Manito odikitowin?

N. Missa ekitong : Ka gaie gego awia kiga missawendamawassi.

K. Wegone dach eji kinaamagoiang amidatching Kije-Manito odikitowin?

N. Kitiji kinaamagona sa awi bwa nandawendamang minik gego kiidji bimadisiinanig ciawad.

K. Keiabi na anind tagonon ikitowinan ke-winagadonamangon ?

N. Keiabi sa nijwatchinon ikitowinan kit-chi mekate-okwanaie apitchi niganisid, kakina gaie kitchi mekate-okwanaieg kaojitowad.

K. Mina go gaiewi keiji nagadonaming ani-wi ikitowinan Kije-Manito odikitowinan eji nagadonaming ?

N. Missa go gaiewi keiji nagadonaming, Kije-Manito odikitowinan eji nagadonaming: Winsa Jesos ogijiminan kitchi mekate-okwa-naien tchi gachkitowad tchiwi gagikiminangwa kewinidodamang.

K. Tani dach ekitowinagag aniwi nijwat-ching kitchi mekate-okwanaieg odikitowini-wan ?

N. Missa ekitowinagag :

1. Ki gaanamia enamessikengi anamie-giji-gak, gaie dassing gwenwadjitaganwangi.

2. Weweni ki gakopessew ganage ning-ting endasso bibonagak.

3. Ki gakomuniw dassing wedjitchissegi agiabitchiibad Jesos.

4. Ki gagwanwadjitonan gwanwadjitaganan kaigong awi gwanwadjitong.

5. Ki gamakadeke nimidana dassogwan ab-wa machi odjitchisseg agiabitchiibad Jesos, gaie dassing egong awi makadekeng.

6. Kego mitchike wias tchibaiatigogijigak ka gaie Mariegijigak.

7. Gego nitawigiton ki gaanamie-pagidinige,
endodamowad enamiadjig.

K. Wegonedach keinanoking anamiegijigak
gonima gaie gwanwadjitaganiwang ?

N. Anamiewigamigong sa taijam tchiwi
anamiang enamesikengi, tchiwi pisindaming
gaie gagikwewin ; mipi dach gaie tchiwi bwa
anoking, minik gaie eji gachkitong tchiwi mino
dodaming.

K. Mina go eji debisseg ningoting eta tchi
kopessewing endasso bibonagak ?

N. Kawi iji debissessino ningoting eta tchi
kopessewing endasso bibonagak, missa wakit-
chiaiong sasagwana tchi kopessewing, awachi-
me ko wenipanad tchi makwendaming kakina
batadowinan.

K. Mina go eji debisseg tchi komuniwing eta
dassing wedjitchissegi agiabitchiibad Jesos ?

N. Kawi iji debissessino tchi komuniwing
eta dassing wedjitchissegi agiabitchiibad Jesos;
missa wakitchiaiong sasagwana tchi komuni-
wing, kichpin weweni komuniwing.

K. Tani dach keeji gwanwadjitong gwan-
wadjitaganan ?

N. Missa tebichko keiji gwanwadjitong
gwanwadjitaganan, eji gwanwadjitong anami-
egijigon.

K. Tani dach kedodaming iwi tchi makade-
keng nimidana dasso gwan abwa machi od-

jitchisseg agiabitchiibad Jesos, gaie dassing egong awi makadekeng ?

N. Dassing sa mekadekegijigaki mi eji miniding anaokweg eta tchi wissining, pangi dach wenagochigi ; kadach wi wiias tamitchissin.

K. Tani dach opi eji minigong tchi mitching wiias tchibaiatigogijigak, Mariegijigak, makadekegijigak gaie ?

N. Ketchi akosingi sa, miiwipi eta eji miniding tchi² mitching wiias tchibaiatigogijigak, Mariegijigak, makadekegijigak gaie ; gonima gaie gego bwa daning bekanag.

K. Wegone dach iwi waikitowinagak : Ki gaanamie-pagidinige ajikitong ?

N. Mi iwi waikitowinagak : enamiadjig anamiewigamig eiawadji, mecate-okwanaien gaie eianidji, awi nijokamadiwad tchi nanaitowad anamiewigamig gaie keondji bimadisinid mecate-okwanaien.

4.

K. Tani endatching Sacrements ejinikadeg ?

N. Nijwatchinon sa : 1. Sigaandadiwin. 2. Songideechkagewin. 3. Kopessewin. 4. Eucaristiwin. 5. Anamienominidiwin. 6. Mekate-okwanaieowin. 7. Anamiewiwin. diwin.

K. Weni dach kaojitet anijwatching Sacrements ejinikadeg ?

N. Jesos sa ogiojitonan awi nodjimoad ki tchibaminanin, kagini bimadisiwin gaie awi mininang.

1. *Sigaandadiwin.*

K. Tani iwi Sacrement awachime wakitchiaiong ?

N. Sigaandadiwin sa mi awachime wakitchiaiong. Bwa sigaandasong kadagachkitossin wakwing tchiwi ijang.

K. Tani ejiwebag Sigaandadiwin ?

N. Kakina sa batadowinan gassiigadenon asigaandagong, batadowin bigaginigliang, kakina gaie minik kabi iji batadiiang abwa sigaandagong.

K. Wegone dach minawa ejiwebag sigaandadiwin ?

N. Missa opi enamiang kasigaandasongi, Kije-Manito gaie aonidjanissiminang.

K. Weni dach kechkitod awi sigaandaged ?

N. Mekate-okwanaieg sa. Awia dach bwaia sigaandjigasod ketchi akosidji dach, becho bwa aiad mekate-okwanaie, kakina anichinabeg tagachkitowag tchiwi sigaandawawad.

K. Tani dach kedodang awia sigaandaged ?

N. Nibich sa ogasiginamowan ondibaning, bekich taikito : "Kisigaandon odanosowining

Weossimind gaie Wegossimind gaie Weniji-chit-Manito."

K. Tani dassing awia kesigaandawindiba ?

N. Ningoting sa eta. Anich dach awi kegisigaandagod bwaia mekate-okwanaiewini-djin, mi bago wabamad mekate-okwanaien, tchi nandodamowad weweni tchiwi sigaanda-god.

2. *Songideechkagewin.*

K. Tani ejiwebag Songideechkagewin Sacrement ejinikadeg ?

N. Songideechkagewin sa kiminigona Wenijichit-Manito ojwendjigewin ; kitji machka-wenindamiigona gaie, weweni tchiwi debwetamang Jesos ogagikwewin, weweni tchiwi nagadonamang gaie eji angwamitagosid Jesus.

K. Kanawi kipindigagossina Wenijichit-Manito opi sagaandagoiango ?

N. Gegeti sa kipindigagona Wenijichit-Manito opi sagaandagoiango ; anich dach songideechkagewin manigoiango, awachime kimochkinechkagona Wenijichit-Manito ojwendjigewin.

K. Tani eji jaweniminang Wenijichit-Manito opi manigoiango songideechkagewin ?

N. 1. Wenijichit-Manito ki gagitawenda-miigona, kitakinoamagona epitchi onijichit

Kije-Manito nesso-bejigod, gaie epitchi minawanigwag wakwing.

2. Ki widokawenimigona enigokodeeng tchi sagiang Kije-Manito.

3. Kitakinoamagona kedodamang gego aianimag endiiango.

4. Ki songideechkawenimigona tchiwi gachkitong tchi nagadonaming eninang Kije-Manito.

5. Ki machkawendamiigona tchiwi bwa agatchitong kitananiewinina.

6. Ki pinaamagona kitinendamowininang tchi gotamang batadowin.

7. Ki dodagona tchiwi bwa segiigoiang nibowin, tchiwi bwa gotamang tchi kotagiigoiang, gaie mano tchi nissigoiang, Kije-Manito gaie anamiewin tchi ondji nanigoiang.

K. Wegone dach minawa endodagoiang songideechkagewin Sacrement ejinikadeg?

N. Songideechkagewin sa ki dodagona tchi apitchi songendamang eji anokitawang Jesos, gaie minissinowadising tchi miganangmanisiwnissi tchiwi bwa jagooinang nananj tchi nibong.

K. Weni dach kechkitod tchi migiwed songideechkagewin?

N. Kitchi mecate-okwanaieg sa eta.

K. Tani dassing kegachkitoiang tchiwi mingoiang songideechkagewin?

N. Ningoting sa eta.

K. Wegone dach ningoting eta keondji gachkitoiangoba tchiwi minigoiang songideechkagewin?

N. Missa iwi wendji gachkitoiang ningoting eta tchi minigoiang songideechkagewin, mi kitchiibamina ajakinawadjiind songideechkagewin manigoiango, kadach gaie wika tagassii-gassino iwi eji akinawadjiigoiang.

K. Wegone dach anind ka awachime ondji songi anamiassiwag kaano minindwani songideechkagewin Sacrement ejinikadeg ?

N. Missa wendji bwa songi anamiawad, kassa opisindawassiwan Wenijichinidjin-Maniton odeewang aiano ganonigowad.

K. Tani dach kedodaming opi waminigongi songideechkagewin ?

N. Missa awachime eji minwabaminagosid tchiwi ijad anamiewigamigong abwa machi gegego mitchid, gaie tchiwi bininagwadinig egwitchin, ka gaie onina tawiinabissi ; taanamia gaie iwi anamiewin ekitong iko abwa machi miniding songideechkagewin.

K. Tani dach ekitong iwi anamiewin abwa machi miniding songideechkagewin ?

N. Missa ekitong : Kije-Manito, nosse, ki debweton : ni debwetan gaie kakina kaiji akinoamagoia eji anamiaia. Kit anamikon Wenijichiian—Manito ! kibiin tchi pindigawian ni tchiibaming tchi mochkinechkagoia kit anamie-onijichiwin. Ki mamakadenimin epitchi nita-jawenimiian, aiano ki nichkiina. Ondjita gegeti nind anwenindis minik kaiji batadiia; ondjita gegeti ki sagiin enigokode eia ; apegich na

kagini abitawiiian ni tchiibaming, apegich na iji jawendagosiaa kaiji kijitainang Jesos.

K. Tani dach endodang kitchimekate-okwanaie magiwedji songideehkagewin ?

N. Tessinindjini sa ondibaning manadjin songideehkagewin, ogaganodamawan, odanamieniminan, otchibaiatigonamawan okwatigwaning; gaie dach pangichen opassanowewan.

K. Tani dach ejiwebag iwi agaganodamowad ?

N. Kitchimekate-okwanaie sa omamandoman Wenijichinidjin-Maniton tchi pindigagonid aniwi manadjin songideechkagewin.

K. Tani dach ejiwebag kitchimekate-okwanaie atessinindjinind aniwi manadjin songideechkagewin ?

N. Opi sa kitchimekate-okwanaie taissinindjinidji, geganodamawadji gaie, miiwipi pandigagowad Wenijichinidjin-Maniton.

K. Wegone dach wendji tchibaiatigonamowad okwatigwaning kitchimekate-okwanaie ?

N. Tchiwi bwa agatchitaming sa Jesos odijitwawin.

K. Wegone dach wendji pangichen passanawewad kitchimekate-okwanaie epitchi miwiged songideechkagewin ?

N. Tchiwi bwa nichkenimangwa sa nechkeniminangog, tchi gaie beka kotagendamang ningodino endiiango, gaie mano tchi nissigo-

iang, Kije-Manito gaie anamiewin tchi ondji nanigoiang.

K. Tani dach kedodang awia giachkwa minind songideechkagewin ?

N. Atchitchaiaï atchitchingwanigabowi sa tchi wawiiawamad Kije-Maniton, tainendam : gegeti nin jawendagos agiminigoia songideech kagewin ; ka wika nin gaonendasin nindanamiewin.—Midach achkwatch tchi anamiang iwi anamiewin ekitong iko kaachkwa minidindi songideechkagewin.

K. Tani dach ekitong iwi anamiewin kaachka minidindi songideechkagewin ?

N. Missa ekitong : Kit anamikon, Weniji-chiian-Manito ! Ki wawiiawamin agijawenimiian, songideechkagewin agiminigoia. Ki gwanwadjin enigokodeeia. Ki mamandomin jawenimichin kagini wakwing tchiwi minawasiia. Ganawenimichin tchiwi bwa gego jagoigoia nind inendamowining maianadag ; jawenimichin tchi mino bimadisiia, giniboa dach wakwing kagini tchiwi tchidanakimina.

3. *Kopessewin.*

K. Tani dach ejiwebag Kopessewin ?

N. Kopessewingi sa mi agassiamagong ki batadowininanin minik kadodamang kaako sigaandagoiang.

K. Mechigwam nago gassiigadeniwan kopessewidjig obatadowiniwan ?

N. Kawi mechigwam, mi eta enigokodeed
aianwenindisod gaie weweni kopessewid.

K. Weni dach kaojitet iwi kopessewin
Sacrement ejinikadeg ?

N. Win sa Jesos ogiojiton, agiinad ome-
kate-okwanaiem : Wegwe kegassiamoweg
obatadowinan, mi awi kegassiigadenig ; weg-
we dach ke bwa gassiamoweg obatadowinan,
ka dagassiigadessinini."

K. Wegone dach kedodang awia weweni
tchiwi gassiigadenig obatadowinan kopesse-
widji ?

N. Nanwaiag sa tadodam : 1. tananaga-
tawenindiso, 2. taanwenindiso, 3. tainendam:
ka minawa nin ga widissi, 4. kakina minik ka-
batadodang ogawindamowan mecate-okwa-
nien, 5. weweni gaie takotagiidiso agibata-
dodang.

K. Wegone dach iwi nanagatawenindiso-
win ?

N. Tchiwi nanda makwendaming sa kaiji
batadodaming kaako kopessewing, gonima
gaie eko bimadising.

K. Wegone dach kedodaming tchi bwa
machi nanagatawenindisong ?

N. Taanamiam sa, Wenijichit-Manito ta-
mamandoma tchiwi wassenamonang kakina
tchiwi makwendamang ki batadowininanin.

K. Wegone dach kedodaming weweni tchi-
wi makwendaming ki batadowininanin ?

N. Tananagatawenindam sa minik kaiji batadiging agiinendaming, minik gaie ka ikitong, minik gaie kadodaming, kichpin gaie ano gimakaming tchiwi mino dodaming, gi bwa dodaming dach.

K. Apitchi na go wikitchiaion tchiwi weweni nanagatawenindisong ?

N. Apitchi sa go wikitchiaion tchiwi weweni nanagatawenindisong ; kichpin bwa dodaming, ka ta mino kopessewissim.

K. Wegone dach kedodaming giachkwa nanagatawenindisong ?

N. Giachkwa nanagatawenindisong sa enigokodeeng t'awi anwenindisom agibatadiging.

K. Wegone dach keondji anwenindisong agibatadiging ?

N. Missa iwi keondji anwenindisoiang aginichkiang Kije-Manito agibatadiang, win nijike ki mino kossina, misode gego maninang.

K. Wegone dach kedodaming giachkwa anwenindisong ?

N. Giachkwa anwenindisong sa ta inendam: ka ondjita minawa nin gawidissi ; tamamandoma gaie Kije-Manito tchiwi machkawenda-muinang tchi ojindamang kakina minik batadowinan endagog.

K. Apitchi na wikitchiaion tchiwi anwenindisong, gaie tchiwi inendaming : ka ondjita minawa nin gawidissi ?

N. Missa iwi apitchi wakitchiaiong ; kichpin sa awia bwa weweni anwenindisod, bwa inendang gaie : ka minawa nin gawidissi, ka wika Kije-Maniton odabonigidetagossin kaiji batadigid.

K. Wegone dach minawa kedodaming tchiwi bonigidetonang Kije-Manito ?

N. Takopessewim sa, kakina tawindamowa mekate-okwanaie kaiji batadiging.

K. Kakina na tadibadodan minik kaiji batadiging kopessewingi ?

N. Kakina sa tadibadodan minik kaiji batadiging kaako kopessewing. Kichpin dach ka wika awia kopessewissig, eko bimadisid minik kamatchi dodang ogadibadodan ; gonima gaie minik kamatchi dodang kaako sigaandasod.

K. Apitchi na kitchi batadowa awia kekitodji anind obatadowinan kopessewidji ?

N. Kitchi batadowa sa awia kekitodji anind obatadowinan kopessewidji ; kassa Kije-Manito ogassiamowassin obatadowinini iwi ej i kopessewidji awia.

K. Tani dach awia kedodang tchi dibadodang obatadowinan kopessewidji ?

N. Kewi iji nissitotawind taikito, dassing gaie kadodang taikito.

K. Tani dach kedodang awia bwa anamietagod mekate-okwanaie tchiwi gassiigadenig obatadowinan ?

N. Minawa sa kopessewid nassab ogadibadodan minik kadibadodangiba agikopessewid,

agi bwa iji anamietagod mekate-okwanaie tchiwi gassiigadenig obatadowinan.

K. Wegone dach kedodang awia giachkwa kopessewid ?

N. Taanamia sa, weweni dach gaie tado-dam kotagiidisowin minik giiji minigod meka-te-okwanaien ; owikitchiaion dach gaie awachime minik tchi iji minidisod kotagiidisowin minik kaiji minigod mekate-okwanaien.

K. Wegone dach kedodang awia tchiwi kotagiidisod ?

N. Taanamia sa awia tchiwi kotagiidisod, gonima gaie tamakadeke, gonima gaie ogaja-weniman getimagisinidjin.

4. *Eucaristiwin.*

K. Wegone dach kitchitwa Eucaristiwin ?

N. Jesos sa wiiaw, omiskwim, otchiibaman, Okije-Manitowin, kakina ajiwi kakiso pakwejiganens gaie jominabo odijinagosiwin.

K. Weni dach ka ojitol kitchitwa Eucaristiwin ?

N. Jesos sa ogiojiton kitchitwa Eucaristiwin.

K. Tani opi kagijitogobane ?

N. Ningo gjig sa abwa nibod.

K. Tani dach kadodang agiojitol kitchitwa Eucaristiwin ?

N. Ogiodapinan sa pakwejigan, ogianamietan, ogimatinamowan kakina omekate-okwa-

naieman kababawidjiwagobanenan aj'inad : Odapinamog, mitchig gaie kakina, mi manda niiaw. Mi tebichko ogiodapinan jominabo ategobane anamieminikwatchiganing, ogianamietan, ogiminan gaie omekate-okwanaieman aj'inad : Odapinamog, minikweg gaie kakina, mi manda nimiskwim, kinawa keondji sisisseg, nibina gaie anichinabeg, tchi bonigidetagowad Kije-Maniton agibatadowad. Midaach agijjiminad omekate-okwanaieman tchi gachkitowad gaie winawa tchi ojitowad kitchitwa Eucaristiwin.

K. Wegone dach kaondji ojitetod Jesos kitchitwa Eucaristiwin ?

N. Kagini sa awi widigeminang kitchitwa Eucaristiwing, awi makawiiang gaie kado-dawind agikotagiind, kaipinanind gaie awi nodjimoinang; awi machkawisiad gaie kitchiibaminanin dassing komuniwingi.

K. Weninan dach kaanonadjin Jesos tchiwi ojitowad kitchitwa Eucaristiwin ?

N. Kakina sago mecate-okwanaien ogianonan tchiwi gachkitowad tchiwi ojitowad kitchitwa Eucaristiwin.

K. Tani dach opi mecate-okwanaiieg wejitoowad kitchitwa Eucaristiwin ?

N. Epitchi anamessikeniwang sa.

K. Wegone dach iwi anamessikewin ?

N. Anamessikewin sa migo tebichko ejipagidinamowad ossan Kije-Maniton Jesos

wiiaw, omiskwim igaie mecate-okwanaieg onindjiwang, kadodangiba tchibaiatigong opi nessind.

K. Tani dach endasswaiagag anamessike-win ?

N. Niwaiagad sa : Apasigwinaniwang, apagidinamawad, ajachpinind, komuniwing.

K. Wegone dach kedodaming opi mecate-okwanaie waiabandangi Jesos odikitowin, Evangile ejinikadeg ?

N. Tapasigwim sa, tatchibaiatigonigem, bekich gaie tainendam : awachime nin gaminoendam misode gego tchi iji kotagitoia, manno gaie tchi nissigoia, tchi nagadamamba dach Jesos odikitowin.

K. Wegone dach mecate-okwanaie netami pagidinamowad Kije-Maniton enamessikedji ?

N. Pakwejigan sa, jominabo gaie opagidinamowan ; kakina dach enamiadjig minik eia wad anamiewigamigong mi iwipi tchi pagidinamawawad wiiawiwan otchiibamiwan gaie Kije-Maniton, win nijke tchi anokitawawad.

K. Tani dach eji mechkwatossitod mecate-okwanaie pakwejigan , jominabo gaie enamessikedji ?

N. Missa amechkwatossenig : Jesos wiiaw pakwejiganing, omiskwim gaie jominabong.

K. Wegone dach kedodaming opi echpinamingi kitchitwa Hostiwin, gaie anamie-minikwatchigan ajatenig Jesos omiskwim ?

N. Tagwanwadjia sa Jesos pakwejiganing jominabong gaie ajjinagwiod ; taanamiam gaie tchi kitchitwawinaming kitchitwa Eucaristiwin.

K. Tani dach kedodaming opi mekate-okwanaie wedapinangi kitchitwa Eucaristiwin ?

N. Enigokodeeng sa tainendam : Apegich gaie ni odapinama kitchitwa Eucaristiwin. Taanamiam gaie tchi gagisomind Kije-Manito tchiwi bonigidetonang agibatadiiang ; tchi inendaming gaie : ka wika minawa nin gawibatadissi.

K. Weninan wendji anamessiked mekate-okwanaie ?

N. Kakina sago enamianidjin ajonda aking, gaie gassiakisowining ebinidjin.

K. Wegone dach keondji gwanwadjitong kitchitwa Eucaristiwin ?

N. Jesos sa abi aji Kije-Manitowid, aji anichinabewid gaie ; mi iwi wiiaw, omiskwim gaie.

K. Wiiiawi na eta ateni pakwejiganing odi-jinagosiwining ?

N. Kawi wiiaw eta atessinini, omiskwim gaie ateni.

K. Omiskwim na eta ateni jominabong odijinagosiwining ?

N. Kawi omiskwim eta atessinini, wiiaw gaie ateni.

K. Wegone dach wendji debwetaming ajabid Jesos kitchitwa Eucaristiwining aji Kije-Manitowid, aji anichinabewid gaie ?

N. Win sa Jesos giikitogoba, kadach wika ginawichkissi, ka gaie gego obwanawitossin.

K. Mekate-okwanaie bekwebidodji kitchitwa Hostiwin bakwebidon na gaiwin Jesos wiiaw ?

N. Kassawiwi bakwebidossin Jesos wiiaw, mi sa go eta pakwejigan odijinagosiwin bekwebidong. Ano nibina dassing bakwebidong, migo dassing ebid Jesos aji Kije-Manitowid, aji anichinabewid gaie.

K. Wegone dach wedapinaming komuniwingi ?

N. Jesos sa aji Kije-Manitowid, aji anichinabewid gaie, wiiaw, omiskwim ; kakina go abi pakwejiganing odijinagosiwining.

K. Apitchi na ki mino dodagona Jesos pandigonango kitchitwa Eucaristiwining ajabid ?

N. Apitchi sa ki mino dodagona : anamie-onijichiwin ki minigona, ki songideechkagona gaie tchi mino iji inadisiang, tchi pagossenda-mang gaie wakwing tchi ijaiang giniboiang aking.

K. Wegone dach wendji jawendagosiwad meno komuniwidjig ?

N. Niwing sa iji jawendagosiwag : omin-djimeniman wiiawing kamino komuniwid ; aiandj ojaweniman, osongideechkawan ; tchi

machkawisinid gego tchiwi bwa waieiijigonid ; odijkakaamowan tchi abitchiibaniid wakwing tchi ijanid kagiotchiibamini.

K. Tani dach kedodang awia tchiwi mino komuniwid ?

N. Pinama tananagatawenindiso gego mianadatinig tchiwi bwa dagonig odeing ; weweni taanwenindiso, ka gego batadowin ogawigagichkasin ; tamino kopessewi ; gegeti ogadebwetawan Jesosan ebinidjin kitchitwa Eucaristiwining ; ogabejigweniman tchi sagiad, ka gaie awia ogajingenimassin.

K. Tani dach minawa kedodang awia wi mino komuniwid, ejiiowwid ?

N. Abita tibikadinig akwi sa kawi gego ogamitchissin, ka gaie gego ta minikwessi, ka gaie ningotchi tainabissi opi anamiad ; kawi onijichisino osam awia metchi kwanaiedji ; ka gaie onijichisino osam awia sesegadji.

K. Tani dach minawa awia ke inendang jaie becho tchiwi komuniwid ?

N. Tainendam sa : gegeti abi Jesos kitchitwa Eucaristiwining ; tamamakadendam, epitchi kije-wadisinid, epitchi kitchitwa-wendagosinid, gegeti nii gawidabimag anichinabeg, agiinendang ; taangwamenindiso ; tananagatawendam kakina minik kabatadogobane minawa aiagoita ; weweni taanwenindiso, midach aiandj awachime tchi songendang, enigokodeed ogasagian Jesosan tchi dibaiged.

Missa keinendang awia jaie becho tchiwi komuniwid.

K. Tani dach minawa kedodang awia kipasigwid tchi wakomuniwid ?

N. Kawiwi awachime taikitossi, mi eta mojag odeing oganandaweniman Jesosan, ogasagian ; papagiwaianens ogadessiginan, tchi jakamunigod mekate-okwanaien kitchitwa Hostiwin pangichen tadatagikweni, pabekikatch ogagondan, midach kipasigwinaniwang mama-wi gaie win tapasigwi, tchi wa atchitchingwanigabawid minawa, midach weweni tchi waiiawamad Jesosan kapindigagotchin odeing, minawa dach taanamia, kinoenj ka tasakasi.

K. Nibina na batadowa awia kamatchi komuniwidji, ka bwa mino anwenindisossig ?

N. Nibina sa batadowa, wiagiton Jesos wiaw, okitchi nichkian Kije-Maniton, abwa anwenindisod taanimisi kagini achkoteng anama-kamig.

K. Weni dach metchi komuniwid ?

N. Missa awi metchi komuniwid, kakina bwaia dibadodang obatadowinan kopessewidji, gawaiak gaie bwaia anwenindisod.

5. Anamie-nominidiwin.

K. Weni dach manind iwi Anamie-nominidiwin Sacrement ejinikadeg ?

N. Agowi sa ketchi akositchig, nenisanisitchig gaie tchiwi nibowad.

K. Wegone dach manigoiang enamie-nominigoango?

N. 1. Kakina sa batadowinensan gassiigadenon, kakina gaie minik batadowinan kaonimakawing.

2. Mipi dach gaie anamie-onijichiwin kiminigona, beka tchiwi odapinamang kid akosiwinina.

3. Songideechkagon gaie aiakosid, tchi jagoiad manisiwinissian.

4. Naningodinong dach gaie aiakosid ondji nodjimo enamie-nominindji, kichpin Kije-Manito enendangi.

K. Tani dach kedodang awia tchiwi mino anamie-nominind?

N. Kakina sa takopessewi obatadowinan, apine dach gaie ogaapenimonan Kije-Maniton.

K. Wegone dach mecate-okwanaie wendjiniminad aiakosinidjin ochkinjigoning, otawaganing, odjanjening, odonining, onindjining gaie?

N. Kitaionanin sa kichkinjigonanin, kitawagananin, kidjanjenanin, kidonina, kinindjinanin gaie abatadiang, midach mecate-okwanaie ajanamietawad aniwi aiakosinidjin tchi jawenimigonid Kije-Maniton tchiwi gassiamagod kakina kaiji batadigid.

K. Tani dassing awia kegachkitopa tchiwi anamie-nominind?

N. Ningoting sa aiakosing, mi go eta ningoting tchi anamie-nominigong. Ginodjimong

dach, minawa dach akosing, midach minawa tchi gachkitopa tchi anamie-nominind.

6. Mekate-okwanaieowin.

K. Weni dach manind iwi Mekate-okwanaieowin, Sacrement ejinikadeg ?

N. Agiwi sa nendawendangig awi mekate-okwanaiewad.

K. Wenich kechkitod tchiwi migiwed mekate-okwanaieowin ?

N. Kitchi mekate-okwanaieg sa eta.

K. Wegone dach eji minindwa mekate-okwanaieowin ?

N. Missa eji minindwa mekate-okwanaieg anamie-onijichiwin tchi gachkitowad tchi anamessikewad, gwaiak gaie tchi windamagewad Jesos odijitwawin, tchi gassiiamagewad gaie batadowinan kopessewingi, gaie kakina tchi weweni dodamowad mekate-okwanaieg eji nandawendagosiwad tchi dowad.

7. Anamie-wiwindiwin.

K. Wegone dach eji minindwa Anamie-wiwindiwin Sacrement ejinikadeg ?

N. Missa eji minindwa enamie-nibawidjig anamie-onijichiwin, tchi sagiidiwad, tchi minoijiwebisiwad, tchi mino nitawiginawad onidjanissiwan, gwaiak gaie tchi akinoamomawad anamiewin.

K. Weni dach gechkitod tchiwi wiwindiad enamianidjin ?

N. Kakina sa mekate-okwanaieg.

K. Kagini na awi widigendiwad iji minawag enamie-nibawidjig ?

N. Keako bimadisiwad sa awi widigendiwad iji minawag enamie-nibawidjig ; kitchi batadowag dach, kichpin bekeidiwadji.

5.

K. Wegone dach batadowin ?

N. Kichpin sa awia bwaia dodangi Kije-Manito eji angwamitagosid, gonima gaie endodangi Kije-Manito eji kinaamaged, mi abatadigid.

K. Tani dach endassoiagag batadowinan ?

N. Nijwaiagadon sa : batadowin bigagini-giang, Adam, Eve gaie kaiji batadowagobane, midach iwi badoiang binigliango ; mipi dach gaie batadowinan kinawi eji batadiiang.

K. Tani dach dasswaiag eji batadiiang ?

N. Niwaiag sa : metchi inendamango, metchi ikitoiango, metchi dodamango, aiano makamango gaie awi mino dodamang, bwa mino dodamango dach.

K. Kakina na batadowinan apin apitendagwaton ?

N. Kassawiwi, anind sa kitchi batadowinan anind dach batadowinensan ?

K. Wegone dach eji anigaigoiang kitchi batadowin ?

N. Kid apitchi banatchitona sa Kije-Manito ojwendjigewin, mi gaie eji wikwatchitasoiang anamakamig kagini achkoteng tchi apaginigoiang ; midach iwi keondji weweni ganawendaming kiiawina tchi ojindaming kakina kitchi batadowinan.

K. Wegone dach eji anigaigoiang batadowinens ?

N. Kassawi apitchi kakina ki banatchitos-sina Kije-Manito ojwendjigewin, anich dach pangichen eniwek ki makamigona ; midach keondji ojindamang gaiewi batadowinensan.

K. Kitagachkitomi na tchiwi ojindamang batadowinan bwa nijokamonang Kije-Manito ?

N. Kassawi kitagachkitossimi, midach sasagwana keondji mamandomang Kije-Manito tchiwi nijokamonang kakina tchiwi ojindamang batadowinan.

K. Tani dach endatching kitchi batadowinan ?

N. Nijwatchinon sa : 1. Maminadisiwin. 2. Sasagisiwin. 3. Nanawtowiwin. 4. Missawenindiwin. 5. Nibadisiwin. 6. Nichkadiwin. 7. Kitimiwin.

K. Wegone dach wendji ijinkadaming ani-wi batadowinan ; *kitchi batadowinan*,

N. Missa ajiwi wendji sagakig nibina batadowninan, tanassa otchibikong nibina aondji sagakig mitigonsan, mi tebichko ejiwebag.

1. *Maminadisiwin.*

K. Weni dach awi meminadisid ?

N. Missa awi meminadisid, osam nenda-wendang awi kitchitwawisid, awi niganenda-gosid, osam gaie saiagitod wiiaw, debassenimad dach widj'anichinaben.

K. Apitchi na kitchi batadowin iwi maminadisiwin ?

N. Maminadisiwin sa apitchi kitchi batadowin ; Kije-Manito anamakamig kagini ach-koteng ogiapaginan anjenin iwi agimaminadisi-wagobane.

2. *Sasagisiwin.*

K. Weni dach awi sesagisid ?

N. Missa awi sesagisid, osam menoendang jonia misode gaie gego daniwin ajonda aking endagog.

K. Apitchi na kitchi batadowin iwi sasagisiwin ?

N. Sasagisiwin sa kitchi batadowin. Mi eji wabandaming Kije-Manito misinaiganing, sasagisiwin mi ajiwi wendji sagakig nibiha batadowinan-

K. Tani dach eji batadigid sesagisid ?

N. Odoiejiman sa widj'anichinaben eji gachkitodji, ka gaie wika awia ojawenimassin.

3. *Nanawtowiwin.*

K. Tani dasswaiag eji batadiging nanawtowiwin ?

N. Nissing sa dasswaiag : metchi inendamini, metchi ikitongi, metchi dodamingi gaie.

K. Apitchi na kitchi batadowin iwi nanawtowiwin ?

N. Nanawtowiwin sa kitchi batadowin ; missa ningoting kaondji tchagisamogobane Kije-Manito nij odenawan, Sodoma gaie Gomora ejinikadegobananen, iwi agi iji batadowad nanawtowiwin; midach kagini achkoteng ogadapaginan kakina iwi eji batadidjig, kichpin bwa andjitowad obimadisiwiniwa.

4. *Missawenindiwin.*

K. Weni dach awi neta-missawendjiged ?

N. Missa awi neta-missawendjiged, nechkadisidji widj' anichinaben gego eji jawendagosinidji ; baiapinenimodji dach widj' anichinaben gego eji banatchitassonidji.

K. Apitchi na kitchi batadowin iwi missawenindiwin ?

N. Kitchi batadowin sa missawenindiwin, win manisiwinissi ogibidon iwi batadowin ajonda aking. Awabamad nitami anichina-

ben Adam, Eve gaie ejí jawendagosinid, midach agibijjad aking, agibatadodamoad, midach agikitcki kitimagiad.

K. Tani dach ejí batadigid neta-missawen-djiged ?

N. Papagwach sa onanekadjian, onichkeniman gaie widj' anichinaben, onita-dajiman gaie.

5. *Nibadisiwin.*

K. Weni dach awi nebadisid ?

N. Missa awi nebadisid, osam neta-wissinid osam gaie neta-minikwed.

K. Apitchi na kitchi batadowin iwi nibadisiwin ?

N. Kitchi batadowin sa iwi nibadisiwin, mi awachime akitchi batadiging kawachkwebingi, iwi dach osam awissining. Mi ejí wabandaming Kije-Manito misinaiganing, agiwi neta-kiwachkwebidjig ka wika wakwing taijassiwag, kichpin bwa andjitawad obimadisiwinawa ; mi kaikitogobane kitchitwa Paul.

K. Tani dach ejí batadigid nebadisid ?

N. Osam sa wassingi, osam gaie menikwengi, mi aiakositong wiiawima, akitimagiidsong gaie ; kakiwachkwebingi kitchi nibina dasswaiag iji batadigim.

6. *Nichkadisiwin.*

K. Weni dach neta-nichkadisid ?

N. Missa awi neta-nichkadisid, nendoneang awi ajitawaad widj' anichinaben gego eji nich-kiigodji.

K. Apitchi na kitchi batadowin iwi nichkadisiwin ?

N. Kitchi batadowin sa iwi nichkadisiwin : giji angwamimagoba enamianidjin Jesos tchi sagiidiwad, tchi bonigidetadiwad gaie gego kaiji nichkiidiwadjii. Kawi Kije-Manito oda-bonigidetawassin baiatadinidjin bwa bonigidetawawad widj' anichinabewan kanichkiigowadji.

K. Batadowa na wenikigomind nechkiigodji onidjanissan, bechajewawadji gaie ?

N. Kassawi batadissiwag enamiadjig wenikigomindjig odananibikimawan, odabachajewawan gaie onidjanissiwan, gego metchi dodaminidji.

7. *Kitimiwin.*

K. Weni dach awi ketimichki d?

N. Missa awi ketimichkid bwaia dodang kedodangiba tchiwi nodjimoad otchiibaman tchiwi gachkitopa gaie kagini bimadisiwin ;

awi weweni bwaia anokid, awi gaie weweni bwaia anamiad.

K. Mina go ejи debissenig enamiad tchi ojindang eta kakina batadowinan?

N. Kassawi iji debissessinini enamiad tchi ojindang eta kakina batadowinan, missa ejи nandawendagosiwad enamiadjig tchiwi minododamowad minik keiji gachkitowad.

K. Tani dach aniwi awachime wenijichininig omino-dodamowinan enamiad?

N. Nissinon sa : anamiewin, makadekewin, jajawendjigewin gaie.

K. Wenidach enamiad ketchi jawendagosid?

N. Jesos sa giikito :

1. Kitchi jawendagosiwag ketimagisidjig menoendangig dach, bwaia gagawenimadjig gaie awia gego endaninidjin.

2. Kitchi jawendagosiwag meno-deedjig, wika nechkadisissigog gego ejи banadjindoani.

3. Kitchi jawendagosiwag echkendangig agibatadowad, aginichkiawad Kije-Maniton.

4. Kitchi jawendagosiwag jaiaw enadisidjig, wika weiejimassigog awia, meno nagadonang gaie kakina Kije-Manito odikitowin.

5. Kitchi jawendagosiwag neta-jajawenimadjig ketimagisinidjin.

6. Kitchi jawendagosiwag binadinig odei-wan, jangendangig nanawinendamowin, owi-agitagosiwin, nanaw-dodamowin gaie.

7. Kitchi jawendagosiwag jangendangig gikandiwin.

8. Kitchi jawendagosiwag nenekadjindjig, nechkenimindjig gaie amino-dodamowad wendenimindjig.

INDEX.

Odancsowining, - - -	5	Anamiewin ekitong ab-
Misode gego netawiton, -	5	wa machi nanagata-
Nossina wakwing,		wenindisong wakopes-
Kitanamikon Marie, {	7	sewingi. - - - -
Nin debwetawa,		-kaachkwa nanagata-
Ni windamowa, - - -	8	wenindisongi, - - -
Kije-Manito odikitowin, -	9	-kaachkwa kopesse-
Kitchi mekate-okwanaieg odikitowiniwa, - - -	10	wingi, - - - -
Angelus, - - - -	11	Anamiewinan ekitongin
Anamiewin abwa machi wissining, - - - -	13	abwa machi komuni-
Anamiewin kaachkwa wissiningi, - - - -	13	wing, - - - -
Anamiewin ekitong pan- digengi anamiewigami- gong, - - - -	13	-kaachkwa komuniwingi, 52
Asperges, - - - -	14	Nijwasswe anamiewinan, 54
Anamiewin ekitong abwa anamessikewinagak, -	14	Jesos kossina odikiowi-
Anamiewinan ekitongin epitchi anamessikewi- magak, - - - -	15	nan, - - - -
Nebodjig jawenim, - -	24	1. Eucaristiwin-nagamo-
Debenimiuang ! kego, -	25	winan :
Tanichkadji gjigad, - -	26	Koss'na Jesos, - - -
Jawenimichin, K. M. -	28	Jesos nosse ! - - -
Achkwa naokwe naga- mowinan, - - - -	30	Aniniwidig, - - -
Mamandomada Jesos, -	38	Anichinabedig, - - -
Mamandomada kitchit- wa Marie, - - - -	41	Geget' Hostiwining, -
		Epitching go, - - -
		Eucaristiwining, - - -
		Jesos, ki, - - - -
		Gwanatch Jesos, - - -
		Jesos debenimin, - - -
		Nongo ki pindigaw, -
		Wawiiawamada, - - -
		Makadenimada, - - -
		Jesos, nongo, - - - -
		Kitanamikonimi, - - -

Kaagwachingen, - - -	81	6. Nagamowinan nega-	
Sagitoda, - - - -	82	mongin akitchi-ma-	
Kitchitwa, - - - -	83	kadekegijigak :	
2. Nagamowinan Jesos		Wabamacia, - - - -	114
awi gwanwadijind :		Nondawichin, - - -	115
Jesos, neta-jawenin-		Wi makawig, - - -	116
geian, - - - -	85	Mojag anamiewin, -	118
Nossina Jesos, - - -	86	Nasikawichin, - - -	120
Jesos saiagiiang, - -	88	7. Paque-nagamowinan :	
Jesos Christos, - - -	89	Alleluia, - - - -	122
Ondas ijan, - - -	91	Jesos win, - - - -	123
Geget' apitchi, - - -	92	Ambessa iktoda, -	125
3. Nagamowinan kitchit-		Maria wakwing, -	127
wa Marie awi gwan-		8. Pentecote-nagamowi-	
wadijind :		nán :	
Marie, gwanatch, - -	93	Ondas ijan, - - -	127
Maria, genawenimiiang,	94	Mino-Manito, - - -	129
Kitanamikon, - - -	94	Mino-Manito, - - -	129
Ondjita songan, - -	96	Ondas ijan, - - -	129
Ki kitchi binis, - -	97	Wenijichiiyan-Manito,	131
Kin kitchi, - - -	98	9. Nagamowin negamong	
Wakwing ija, - - -	98	atchiibaigijigak :	
Maria, neta, - - -	99	Kitchi achkoteng, -	131
Wenidjanissimiiang,	99	10. Onina nagamowinan :	
Gagangowiiyan, - -	100	Kagijiinang, - - -	132
Kitanamikon, - - -	100	Epitch' sagiinang, -	134
Kitchitwa Marie, -	100	Kakina angwamisida,	136
Jesos wegossiian, -	102	Kije-Maniton, - - -	138
4. Nagamowin negamong		Ambessa, - - - -	140
Noel abwa odjitchis-		Nab nagamog, - - -	141
seg :		Ambe, - - - -	143
Ondas ijan, - - -	104	Gotamigwendagwad,	145
5. Noel-nagamowinan :		Debenimiiyan, - - -	145
Minawanigosiwin, -	107	Kije-Manito, - - -	146
Kakina nagamoda, -	108	Kakina, - - - -	146
Aianjeniwiieg, - -	110	Jesos, Maria, - - -	146
Kakina minawasida, -	112	Katechim, - - - -	147







